

Муассислар:
**Ўзбекистон Ёзувчилар ўюшмаси,
"Kamolot" ёшлар ижтимоий ҳаракати**

1982 йилдан чиқа бошлаган.

Жамоатчилик кенгashi раиси:
Абдулла ОРИПОВ

Жамоатчилик кенгashi:
Қахрамон ҚУРОНБОЕВ

Азамат УМАРОВ

Аҳмад ОТАБОЕВ

Абдуваҳоб НУРМАТОВ
Феруза МУҲАММАДЖОННОВА
Шуҳрат СИРОЖИДДИНОВ

Бош мухаррир:
Нодир ЖОНУЗОҚ

Бош мухаррир ўринбосари:
Нурилла ЧОРИ

Масъул котиб:
Ориф ТОЛИБ

Масъул мухаррир:
Элёр МУРОД

Мухаррир:
Фиёсиддин ҮНАРОВ

Таҳрир ҳайъати:
Муҳаммад АЛИ
Иқбол МИРЗО
Сирожиддин САЙИД
Ўрзобой АБДУРАҲМОНОВ
Фарруҳ ЖАББОРОВ

Бадиий мухаррirlар:
Акбарали МАМАСОЛИЕВ
Рахматжон ЮНУСОВ

Фотограф:
Рустам НАЗАРМАТ

Манзилимиз:
Тошкент шаҳри,

Ўзбекистон шоҳхӯчаси, 16-“а” уй.
E-mail: yoshlilik-jurnali@mail.uz

Тел/факс: (0371) 227-0-227,
245-5-793, 245-0-552

Навбатчи мухаррир: Ф. Ўнаров
Босиша 9.02.2016 йилда рұхсат берилди.
Көғоз формати 60x84 1/8.

Нашриёт хисоб тобоги 8.7. Индекс 822.
ISSN 0207-9137. Журнал 2007 йил 4 майда
Ўзбекистон Матбуот ва аҳборот агентлиги
томонидан № 0253 рақами билан рўйхатга олинган.
Журналдан кўчириб босилганда
“YOSHLIK”дан олинди “деб изоҳланishi шарт.
“SILVER STAR PRINT” МЧЖ босмахонасида чо этилди.
Буюртма № 6. Адади 4400 дона.
Тошкент шаҳри, Учтепа тумани, 22-мавзе, 17-уй.

Тарбиянинг олтин тамойили

Фарзанд тарбияси ҳақида гап кетганда, кимдир “Болага нисбатан қаттиқўлроқ бўлиш лозим”, деса, яна кимдир: “Йўқ, болани эркин тарбия қилиш керак”, деган фикрни илгари суради. Ҳатто бу икки қараш эгалари ўртасида қизғин баҳсларга ҳам гувоҳ бўламиз. Ҳар бир қараш эгаси ҳаётдан мисол келтириб, ўз фикрининг тўғрилигини исботламоқчи бўлади. Ҳа, ҳаётта қарайдиган бўлсак, ҳар икки услубда тарбия топғанлар орасида ҳам илфор, жамиятда ўз ўрнини топған шахслар кўп учрайди. Ёки аксинча...

Хўш, бунинг сири нимада? Генетик олимлар бундай ҳолатларни инсоннинг генига боғлаб тушунтирасалар, психолог-мутахассислар темперамент хусусиятларидан сўз очади. Биз барча илмий мушоҳадаларни эътироф этган ҳолда, халқимизнинг ҳаёт синовидан ўтган бир мақолини эслатмоқчимиз: “Нимани эксанг, шуни ўрасан”. Яъни, тарбия услуби эмас, фарзандингга нима бераётганинг, унинг мусаффо, тоза онг-шуурига нима “экаётганинг” кўпроқ аҳамиятга эга. Агарда кимдир ҳаётда қаттиқўллик билан тарбия кўриб муваффақиятга эришган бўлса, шубҳасиз, ана шу темир интизом остида у етарлича меҳр-муҳаббатга ҳам тўйинган. Ёки яна кимдир эркин руҳда ўсиб-улғайиб вазмин, мушоҳадали шахста айланган бўлса, унинг тийнатига керакли даражада масъулият, тартиблилик ҳисси ҳам сингдирилган. Образли қилиб айтганда, гап идишда эмас, ўша идишнинг ичидаги нарсададир...

Бола руҳидаги улкан энергия митти жуссасига сифмагани учун ҳам у бир жойда туролмайди: гоҳ сатчиди, гоҳ дарахтга чиқиб ота-онасини хавотирга солади. Шундай пайтда қайсиdir ота-она яхшилаб тарбия бериб қўяй дея қўққисдан боланинг юзига шапалоқ тортади, яна кимдир эринмасдан бу ишнинг нотўғри, хавфли эканини тушунтиради, иккинчи марта тақрорласа, жазолашга мажбур бўлишини айтиб огоҳлантиради. Биринчи ҳолатда боланинг ичидаги энергия сиқилиб, қора қучга – нафратга, аламзадаликка айланади, энг ёмони, ташаббусиз, бошқаларнинг ҳам эркинлигини ҳазм қилолмайдиган, эътиқоди мўрт кимса шаклланади; иккинчи ҳолатда эса мурғак онгда фикрлаш, оқ-қорани таниш жараёнига йўл очилади, ҳаёт синовларидан чўчимайдиган, дунёқарashi собит шахс камолга етади. Мутахассисларнинг фикрича, ёш болага етказилган руҳий жароҳат ит қотишидан ҳам хавфлироқ асорат қолдирар экан.

Ота-она ва фарзанд ўртасида руҳий-маънавий мулоқот қанчалик кучли бўлса, тарбия ҳам шунчалик самарали бўлади. Шу ўринда Президентимизнинг бир фикрини келтирмоқчимиз: **“Болаларимизнинг тарбиясини маҳкам ушлашимиз лозим. Йўқ, болам, бундай эмас, мана бундай, сен кимнинг, қандай буюк зотларнинг авлодисан, қандай бебаҳо маънавий мероснинг ворисисан, деган гапларни уларнинг қулогига қуийиш керак. Бугун яхши яшатмиз, деб талтайиб кетмаслигимиз, оёғимиз ердан узилмаслиги зарур”.**

Назаримизда, ушбу фикр мақола бошида тилга олинган икки қараш ўртасидаги “олтин ўрталиқ”ни – меъёрни белгилаб беради. Бунга амал қилсак, шубҳасиз, кам бўлмаймиз...


МУНДАРИЖА

54





13

34



47



№ 1 (296), 2016 й.

АДАВИЙ ГУРУНГ

5 Низом КОМИЛ: Тўғри таржима – яхши таржима дегани эмас...

НАЗМ

9 Воҳид ЛУҚМОН. Нафасинг кўксими нурга тўлдирадар

32 Юлдуз ЎРМОНОВА

Шабнам кўзларингдай мусаффо

БОБОСЎЗ

12 Навоийдан 9 SMS

60 Минг қарғага бир кесак

НАСР

13 Анвар ОБИДЖОН
Мўтгивоймисан, Митгивоймисан?

55 Аслиддин МУСТАФОЕВ
Ёнгоқ излаб...**МУШОҲАДА**

27 Бахтиёр ҲАЙДАРОВ
Инсон қандай улғаяди?

КИТОБ ЖАВОНИ

34 Шум боланинг ошналари

НИГОҲ

47 Нажмиддин Комилов:
Мумтоз сўз муҳиби

ҚЎЛЁЗМА

50 ОЙБЕК. Ҳайкал олдида

ТАДҚИҚОТ

51 Носир МУҲАММАД
Навоий ва шатранж

ҚАЛДИРГОЧ

54 Шоҳсанам НИШОНОВА
Аббос РАҲИМ
Юрагинг сўзласа тилингдан аввал

ТАВСИЯ

61 Жон ГОЛСУОРСИ. Ижодкорнинг ҳақиқий мураббийси – ҳаёт

ҲАНГОМА

64 Ҳабиб СИДДИҚ
Ижарага ота керакмасми?

Ёшлар камолоти йўлида

Ёшлар ижод саройида Ўзбекистон Республикасида 2015 йилда ёшларга оид давлат сиёсатини амалга оширишга қаратилган кўшимча чора-тадбирлар дастури ижроси хамда 2016 йилдаги устувор вазифаларга бағишлиланган анжуман бўлиб ўтди.



Дастур ижроси доирасида вазирлик ва идоралар, ҳокимликлар ҳамкорлигига 72 мингдан зиёд лойиха ва тадбир ўtkazilgan.



Мамлакатимизнинг барча ҳудудларида ташкил этилган “Биз – буюк юрт фарзандларимиз!” шиори остидаги ёшлар фестивали миллий истиқлолғояси ва бебаҳо қадриятларимизни тарғиб қилишда муҳим аҳамият касб этди.





Мамлакатимиз ижтимоий ҳаётида фаол қатнашаётган ёш оиласарни уй-жой билан таъминлаш мақсадида ҳудудларда 111 та “Камолот” уйи бунёд этилди.

Ёшларни ижтимоий ҳимоя қилиш, касбга йўналтириш, иш билан таъминлаш ва тадбиркорликка кенг жалб этишга қаратилган лойиҳалар доирасида 43 минг йигит-қизга ишга жойлашиш учун йўлланма, 416 нафар ёшга имтиёзли кредит олиш учун тавсиянома берилди. Тадбиркорлик қилиш истагини билдирган колледж битирувчиларининг 6,4 минг нафарига 53,8 миллиард сўм миқдорида имтиёзли кредитлар ажратилди.



Анжуманда 2016 йилда амалга оширилиши кўзда тутилаётган лойиҳалар ҳақида ҳам атрофлича сўз юритилди.



Ёшларни жисмоний тарбия ва спорт билан мунтазам шуғулланишга кенг жалб этиш, соғлом турмуш тарзини тарғиб қилишга қаратилган тадбирлар 4,7 миллиондан ортиқ ўғил-қизни қамраб олди.



Тўғри таржима – яхши таржима дегани эмас...



– Низом ака, фан-техника ютуқлари ҳаётга тезлик билан татбиқ этилиши туфайли тилимизда жуда кўп янги сўзлар пайдо бўлди. Бу атамаларнинг аксарияти ўзбекча муқобили билан алмаштирилмаяпти. Яёни инглизлар, руслар, французлар қандай атаса – бизда ҳам худди шундай қўлланиляпти. Бу борада қандай йўл тутсак тўғри бўлади деб ўйлайсиз?

– Жамият ривожи, фан ва техника тараққиёти тилга ҳам ўз таъсирини кўрсатмай қолмайди. Янги-янги атамалар пайдо бўлади ва улар дунёдаги барча тиллар бағрига сингиб кетади. Бу табиий ҳол. Бундан чўчимаслик керак. Энди муқобил сўзлар масаласига келсак, бошқа тиллардан ўзбек тилига кириб келаётган барча атамаларнинг муқобили она тилимизда бор, дейиш ҳам тўғри эмас. Мана, масалан, велосипед, машина, поезд, самолёт деган атамаларнинг муқобили борми? Йўқ. Чунки мен юқорида номларни тилга олган нарсалар илгари бизда бўлмаган. Демак, бу атамаларнинг муқобили бўлиши ҳам мумкин эмас. Уларни аллақандай сунъий номлар билан аташ гирт нодонлик. Бу сўзлар аллақачон тилимизга ўрнашиб бўлган ва беминнат хизмат қилиб келмоқда. Эсимда, 1989 йили ўзбек тилига давлат тили мақоми берилиши билан тилни бутунлай “то-залаш” тарафдорлари ҳам пайдо бўлди. Аэропортни тайёра-гоҳ, самолётни учоқ, институтни олийгоҳ, илмий-тадқиқот муассасаларини илмгоҳ дейиш расм бўлди.

Низом КОМИЛ,
Ўзбекистон
Республикасида хизмат
кўрсатган маданият
ходими.

1937 йили туғилган.
Низомий номидаги
Тошкент давлат педагогика
институт(ҳозирги
университет)ида таҳсил
олган.
Нодар Думбадзе,
Эрих Мария Ремарк,
Фозил Искандар каби
адибларнинг асарларини
ўзбек тилига маҳорат
билин ўғирган.

Аммо бу ҳол узоқка чўзилмади. Тилимиз бу атамаларни ҳазм қилолмади, тупуриб ташлади. Яна ўз ўзанига тушиб олди. Ташқаридан туриб тилга зўравонлик қилиш бефойдалигига ўшанда амин бўлганман.

– Таржима асарларда ҳамон Ҳегел ва Гегель, Ҳайне ва Гейне, Ҳюго ва Гюго, Ҳеракл ва Геракль... сингари турфалик бор. Бундай икки хил ёзилишининг сабаби аниқ, албатта...

– Сиз тилга олган алломалар исмларининг турлича ёзилиши ва талафуз этилиши фақат таржима асарларда эмас, бошқа нашрларда ҳам учраб туради. Гап шундаки, рус тилида юмшоқ “Ҳ” товуши йўқ, шунинг учун руслар “Ҳ” ўрнига “Г” товуши ва ҳарфини ишлатишади. Бизга ҳам руслардан ўтган. Гейне, Гюго ва ҳоказо. Ўзбек тилида эса “Ҳ” товуши бор, бинобарин, бу буюк адиллар ижод қилган тилларга мос равишда Ҳайне, Ҳюго дея талафуз этилса ва шу шаклда ёзилса тўғри бўлади, деб ўйлайман.

*Сўзни
кофиялаштириш
шеврият эмаслигини
англагунимча... “канча
қозозларнинг бошига
етдим”. Аллоҳга
шукр, бу дарддан
қуттилганимга анча
йиллар бўлди.*



1970 й.

– Сизнинг назмда ҳам қалам тебратганингиздан хабаримиз бор. Шеърлар, газаллар ва мухаммасларингизни ўқиганмиз. Айтинг-чи, таржима қилиши учун қай бирин осон: шеърми, ҳикоями?

– Назмда қалам тебратганим қурсин! Эсласам, уялиб кетаман. Сўзни қофиялаштириш шеврият эмаслигини англагунимча... “канча қозозларнинг бошига етдим”. Аллоҳга шукр, бу дарддан қуттилганимга анча йиллар бўлди. Роман таржимаси жараёнида дуч келганим шеърий парчаларни бир гал Эркин Воҳидов, бир гал раҳматли Муҳаммад Юсуф ўзбекчалаштириб берган.

Ўзим учун эса тўрт сатр шеърни таржима қилишдан кўра ўн саҳифали ҳикояни ўзбекчага ўгириш енгилроқ. Аммо бир нарсани ҳам айтиб қўйишим керак: таржималарим китобхонга сал-пал маъқул бўлаётган экан, бунда шеъриятга ошуфталигимнинг ҳам ҳиссаси йўқмикин, деган ўй баъзан кўнглим кўчаларини оралаб қолади.

– “Сўз сўйлашда ва улардан жумла тузишда узоқ андеша керак”, деб ўгит беради ҳассос ёзувчимиз Абдулла Қодирий. Ўқувчи (тингловчи, томошабин) дидини жизганак қилаётган бозор адабиёти ва тижорий ўзандаги театр-кино намуналарининг бу борадаги ҳолати барчамизга аён... Сизнингча, санъат ниҳобини тутган жўнлик, саёзлик, ўртамиёналик, дидисизлик билан қандай курашиш мумкин? Ё айрим зиёлиларимиз айтганидек, лойқа оқаётган дарёning тинишини кутиш керакми? Таржимоннинг ўқувчи дидига мослашишини ёқ(ок)лайсизми?



Носир Фазилов ва Эркин Миробидов билан. 1970 й.

– Жаннатмакон Абдулла Қодирийнинг андиша ҳақидаги гапини зап көлтиргингиз-да! У зот асарга қўйиладиган кўпдан-кўп талабларни назарда тутган ва ўзи ҳам бунга тўла амал қиласан. Лекин ҳозир-чи? Ўша андиша ҳаммада ҳам борми?! Ким ўзини ёмон ёзувчи ёки ёмон шоирман, дейди? Ким ўзини ёмон режиссер ёки ёмон раскомман, деб истихола қиласди? Овора бўласиз – демайди. Сиз айтган “бозор адабиёти”нинг маҳсулотлари ҳам ана шундай андишасизликнинг меваларидир. Афсуски, бунга қарши курашиб осон эмас. Чунки “Ёмон асар яратиш тақиқланади” деган қонун йўқ. Истак бор, холос. Биласизки, истак – қонун эмас. Бутун умид газета ва журнал, нашриёт муҳаррирларидан. Уларнинг диди ва эътиқоди ҳал қилувчи кучга эга. Ўзим ҳам ношириликдан нафақага чиққанман, умримнинг кўп вақтини андишасиз қаламкашлар билан олишишга сарфладим. Назаримда, дидсизликка қарши курашиб учун биринчи галда дидни, савияни кўтариған асарларни кўпроқ тарғиб қилишимиз лозим.

Ҳар қандай санъат вакилининг, жумладан, таржимоннинг ҳам, ўқувчи ёки томошабин дидига мослашиши – истиқболсиз йўл.



“Тафаккур”чилар – Баҳодир Зокир, Эркин Аъзам, Сайднеъмат Умаров билан. 1999 й.

“Тунги дарбон” бутқул фарқ қиласди; бу ҳар ишга учиб-қўниб юрадиган киши ҳақидаги саргузаштларга бой роман. Сизни ушибу бадиияти унчалик баланд бўлмаган асар таржимасига нима ундаdi?

– Нодар Думбадзе – бошқа олам, албатта. Ирвин Шоунинг “Тунги дарбон” романини эса устоз Озод Шарафиддиновнинг буюртмасига кўра таржима қилганман. У киши ўша кезлари “Жаҳон адабиёти” журналининг бош муҳаррири эдилар. Журнал эндиғина чиқа бошлаган йиллар эди. Янги нашрга ўқувчиларни кенгроқ жалб этиш учун саргузашт асар керак бўлиб қолган-да. Бунинг бошқа боиси йўқ. Таржима жараёнида ўзим ҳам асар воқеалари қаърига ўйнғиб кетганимни сезмай қолганман. Сиз айтгандек, бадиияти унча баланд бўлмаган шу китоб Москвада бир неча миллион нусхада чоп этилган.

йўл. Бу йўл адабиётни ҳам, бошқа санъат турларини ҳам тубсиз жар ёқасига етаклайди.

– Машҳур грузин ёзувчиси Нодар Думбадзенинг “Эллада” (Хелладос), “Кукарача”, “Оқ байроқлар”, “Абадият қонуни” асарларини ўзбек тилига маҳорат билан ўғиргансиз. Яна американлик ёзувчи Ирвин Шоунинг “Тунги дарбон” романини ҳам ўзбек ўқувчилари эътиборига ҳавола қиласдингиз. Думбадзенинг фалсафи, ўлашига ундовчи асарларидан

– Бугун хорижий тиллардан бевосита таржима қилаётган ёш таржимонларимиз пайдо бўлди. Бироқ айрим таржимонларнинг ишиларида пала-партиилик, матнни бир марта ўғирши билан кифояланishi, таҳрирга қайтмаслик каби қусурларнинг асорати кўзга ташланмоқда. Бу борада устоз таржимон сифатида қандай маслаҳат берардингиз?

– Таржимонлар сафи кенгайиб бора-ётгани кишини қувонтиради, албатта. Аммо гап сонда эмас, сифатда. Талаб ёшу қарига баробар. Тўғри таржима – яхши таржима дегани эмас. Шунинг учун ёш таржимонларимиз тинмай изланишлари, ўқиб-ўрганишлари, адабий тил нимаю бадиий тил нима – бунинг фарқини аниқ-равшан ажратадиган бўлишлари зарур. Таржима орқасидан бойиб кетаман дейиш – хом-хаёл. Таржима жараёнида ширин азобларни ҳис этсангиз, сиздан бой одам йўқ. Ана шу азобларни ҳис этиш учунгина яшайдиган ижодкорлар бор.

– Таржима қилиши учун бирор хорижий тилни мукаммал билишининг ўзи кифоями?

– Тил билган яхши. Аммо бирор бир тилни мукаммал биламан, дейишдан ҳайкишик керак. Ҳар бир тил – тубсиз уммон. Унинг тагига етиб бўлмайди. Нима, мени ўзбек тилини мукаммал билади деб ўйлайсизми? Бэ-э! Таржима жараёнида ундан сўз тиланаман, холос. Қайси тилдан қайси тилга таржима қилманг – умрингиз “тиланчи”лик билан ўтади.



– Сизга ёқсан, таржимон сифатида тан берган учта таржима асарни айтиб ўтсангиз. Ва албатта, сабабларини ҳам...

– Яхшиси, мен тан берган учта таржимоннинг исм-шарифини айтиб қўя қолай. Булар – Мирзакалон Исмоилий, Қодир Мирмуҳаммедов, ИброҳимFaфуров. Уларнинг таржималари бу

даргоҳга қадам қўйган ёш таржимонларга йўлчи юлдуз вазифасини ўтайди.

– Ёш таржимонлардан кимларнинг ижодини кузатиб боряпсиз? Уларнинг ютуқлари нимада? Суҳбат сўнгиди ёш таржимонларга қандай тилакларингиз бор?

– Ёш таржимонларнинг ижодини кузатиб бораман, десам, ёлғон сўзлаган бўламан. Кексалик... Ўзим ҳам таржимани йиғишириб қўйганман. Негадир шеър ўқигим келаверади. Саксон ёшга яқинлашиб қолган одамнинг шеър ўқиб юриши ғалатироқ, шундайми?! Аммо начора... Ёшлиқда берган кўнгил.

Ёш таржимонларга маслаҳатим: шеърият билан дўст тутининг – мушкулингиз осон бўлади.

Фиёсiddин ЎНАРОВ гурӯнглашди.

Нафасинг кўксимни нурга тўлдирап...

Азизам, қаршингда турибман, мана,
Истасанг поингда чўкажакман тиз.
Юракда бир оғриқ қилур тантана –
Ўлимдан кучлиман, севгидан ожиз.

Азизам, турибман, мана қаршингда,
Сендан бир имоми, имдодми қутиб.
Жонимга жабр бор ҳар қарашингда,
Турибман кўзларинг ёшини ютиб.

Қаршингда турибман, мана, азизам,
Нафасинг кўксимни нурга тўлдирап.
Нега индамайсан – нигоҳларинг нам,
Согинчни кўзёшмас, жимлик ўлдирап.

Азизам, қаршингда, мана, турибман,
Орамизга тушган фақат бир қадам.
Теграмга тил билмас девор қурибман,
Турибман термулиб – журъатсиз одам...



Боҳид ЛУҚМОН

1974 йили туғилган.
Самарқанд давлат
университетининг
журналистика бўлимини
тамомлаган. Бир неча
шеърий тўпламлари чоп
этилган. Ижтимоий-сиёсий,
маънавий-маърифий
мавзудаги публицистик
мақолалари билан
матбуотда қатнашиб
келади.

Касал бўлишга ҳам қўрқаман, илло,
Оғрисам, жонингиз оғрийди, жоним.
Гиргиттон бўласиз, гоҳ йтиглайсиз ё,
Ахир ўзингиз-ку дорим, дармоним.

Гард юқса эгнимга, чўқийсиз қушдай,
Киприкларингиз-ла юзим силайсиз.
Ўзингизга эмас, гоҳо беҳуишдай –
Неки яхшилил бор – менга тилайсиз.

Гоҳида сокинсиз, қуласиз сирли,
Гоҳ асов дарёдек тошиб оқасиз,
Гўёки билгандек бир мудҳии сирни
Шубҳа-гумонлардан олов ёқасиз.

Ёнимдан ўтган ҳар елдан қизганиб,
Юрагим титкилаб қўрасиз бот-бот.
Ахир, сиздан кейин ўзимни таниб,
Ахир, сизни дея борман-ку ҳаёт.

Ахир, сизники-ку ҳар бир нафасим,
Дилим сиздан ўзга дилни сўрмайди.
Ахир, ўзингиз-ку эрким – қафасим,
Кўзим сиздан бошқа гулни кўрмайди.

Жоним солинган-ку қулгучингизга,
Кулсангиз майдайин чайқалар жоним.
Жон ато этасиз лаб учингизда,
Бахтиёрим менинг, менинг армоним.

Тўртта фасл каби айланар ҳаёт,
Гоҳ совуқ, гоҳ иссиқ, гоҳ қор, гоҳ ёмғир.
Гоҳ дўст, гоҳ ганимдек шайланар ҳаёт,
Яхшиям, сиз борсиз, сизсизлик – оғир.

Яхшиям, сиз борсиз, Худога шукур.
Яхшиям, мен борман, шукур Худога.
Қирққа кирганимда англаганим шул,
Сизни деб келганман асли дунёга...

Күнлар каби қисқарар муддат,
Қор ёққандай қовоқ соласан.
Сенсиз ўтар күнларим мудраб,
Менсиз қанча яшай оласан?

Юзинг ялар шомги изгирин,
Бекатларда туриб қоласан.
Ташламайсан қўзларинг қирин,
Менсиз қанча яшай оласан?

Олиб кетар яшил автобус,
Бўғзимдаги яшил ноласан.
Хаёллари ортда қолган қиз,
Менсиз қанча яшай оласан?

Телефонда қиласан зарда,
Гўё тантиқ, инжиқ боласан.
Деразангни тўсади парда,
Менсиз қанча яшай оласан?

Ҳафсаласиз очасан китоб,
Варақта термулиб толасан.
Сўзинг пойлаб турибман шу тоб,
Менсиз қанча яшай оласан?

Кипригингда шуълаланар нур,
Гўё ёмғир, гўё жоласан.
Ўзинг қийнаб қиласан ҳузур,
Менсиз қанча яшай оласан?

Қўлим етар, етмас саботим,
Остонангда туриб қоламан.
Ичкарида менинг ҳаётим,
Сенсиз қанча яшай оламан?

Дилимни варақлар бармогин ҳўллаб.
Юракни китоб деб ўйлайди бу қиз.
Ҳар бир варагимга теккизади лаб,
Мени шоир қилмай қўймайди бу қиз.

Нигоҳим чўмилар қулгичларида,
Хонамга кийикдек бўйлайди бу қиз.
Хаёлан яшайди гул ичларида,
Мени шоир қилмай қўймайди бу қиз.

Гапирсам, тирногин тишлайди нега,
Маирабдан газаллар сўйлайди бу қиз.
Қўйворса, қўлимни ушлайди нега,
Мени шоир қилмай қўймайди бу қиз.

Дўконга келгандек шеър сўраб келар,
Ишқ ўйинин гирром ўйнайди бу қиз –
Гоҳ сочини ёйиб, гоҳ ўриб келар,
Мени шоир қилмай қўймайди бу қиз.

Йиглайди сабабин айтмайди, гоҳо
Кулади – бетичноқ сўймайди бу қиз.
Бир куни савдои қилади ва ё
Мени шоир қилмай қўймайди бу қиз.

Ишим йўқми бошқа қалам-қогоздан,
Нега бунча шеърга тўймайди бу қиз?
Дарак йўқ севгидан, ишқдан, дилроздан,
Мени шоир қилмай қўймайди бу қиз.



Акмал НУРнинг “Бирлашган қалблар ороли” асари

Кўзёши каби ёмғир тинмаса,
Шивирласа һамиқсан барглар.
Кўзгуларда аксим синмаса,
Ёдга тушса ёқимли дардлар.
Мени эсланг, мени унутманг...

Турна мисол учса хаёллар,
Ҳисларингиз баҳордан тонса.
Йўлингизни тўсса шамоллар,
Лабингизга томчилар томса.
Мени эсланг, мени унутманг...

Хазон каби сочилса қунлар,
Анордайин эзилса юрак.
Кўнглингиз тарк этмаса кинлар,
Билмасангиз сизга ким керак.
Мени эсланг, мени унутманг...

Чирпираган баргдек учаман,
На сохтаман ва на аслман.
Сизни савдоийидек қучаман,
Ахир, сиз истаган фаслман.
Мени эсланг, мени унутманг...

Билмадим, бу юрак меники эмас,
Худди гижимланган қоғоздек – гижим.
Фақат ҳапқиради, бирор сўз демас,
Бегона юракка тўладек ичим.

Бу юрак меники эмас, билмадим,
Кимсасиз – эгаси кўчиб кетгандай.
Қадимий битикка ўхшар бу юрак,
Саргайиб, сўzlари ўчиб кетгандай.

Меники эмас бу, билмадим, юрак
Шубҳа-гумонларга тўлиб қолгандай.
Ҳадик билан боқар ҳар ўтган касга,
Бир оқшомда қўрқоқ бўлиб қолгандай.

Эмас, билмадим, бу юрак меники,
Чўнқайиб ўтирап ҳиссиз, сўзсиз жим.
Ахир, кимники бу, бирор кас борми,
Қаерларда қолди менинг юрагим?!

Биламан, юрагинг согинаяпти,
Ақлингга бўйсинмай асов тулпордай.
Гўё гурурингга дод инаяпти,
Худди согинишининг бир айби бордай.
Ҳали маромига етмади, Гулум,
Сабр қил, согинмай яшамоқ – ўлим.

Кўксинг қунжагида бир ҳис питирлар,
Ненидир йўқотган каби дилгирсан.
Хотираларингни бир ис қитиқлар,
Гўёки ҳаммага ошкора сирсан.
Ҳали маромига етмади, Гулум,
Сабр қил, согинмай яшамоқ – ўлим.

Кўзгуга сўйлайсан ҳасби ҳолингни,
Кўзингда йилтиллар англамсиз бир мунг.
Тортуб олишгандек гўё молингни,
Бўғзингга тиқилар оғриқли бир ун.
Ҳали маромига етмади, Гулум,
Сабр қил, согинмай яшамоқ – ўлим.

Рангин йўқотгандаи атроф-жавониб,
Сезмайсан ўзга бир исни, ифорни.
Кундузлари мудраб, тунда уйгониб,
Багрингга босасан ўшал озорни.
Ҳали маромига етмади, Гулум,
Сабр қил, согинмай яшамоқ – ўлим.

Ёнингда шарпалар айланар гўё,
Жилмайиб боқасан, қулоқ солгандаи.
Кўзингга ҳаммаси қўринар рўё,
Дунёда фақат сен ёлгиз қолгандаи.
Ҳали маромига етмади, Гулум,
Сабр қил, согинмай яшамоқ – ўлим.

Юрасан. Тўхтайсан. Нега, ноаён,
Ортингга қайтасан – қароринг синмас.
Гўё оёқларинг қилгандаи исён,
Ақлинг қарорига сира бўйсунмас.
Ҳали маромига етмади, Гулум,
Сабр қил, согинмай яшамоқ – ўлим.

Эҳтимол, адашдим – тусмолим бутир,
Эшигиннга минг бор бордим-у – қайтдим.
Сени билмайман, лек аҳволим шудир,
Исмим сўрасалар исмингни айтдим.
Согинч маромига етди-ку, Гулум,
Англадим: согинмай яшамоқ – ўлим...

Навоийдан 9 SMS

Аслида, бу мумтоз мисраларни, анъанага кўра, Алишер Навоийнинг шоҳбайтлари, ҳикматлари тарзида ҳам тақдим этиши мумкин эди. Ёшларнинг қизиқишилари ва ахборот асри талабларини инобатга олиб, “Навоийдан 9 SMS” дега сарлавҳа қўйшига журъат топдик. Зотан, қўша қулфлар ортида сақланган туман танга эмас, эзгу мақсад идулида ишилатилган тўйғиз тилло – ҳақиқий хазинадир.

Бугун ёшлар чин маънода яшаётган – севаётган ва севилаётган, қулаётган ва қулдираётган, қуяётган ва қуидираётган виртуал оламдаги асосий ахборот қайси тилларда? Биз ижтимоий тармоқлардаги саҳифаларимизга кимларнинг, қайси тиллардаги, қандай гап(гоя)ларини жойлашитириб, тенгдошлиаримиз орасида оммалаштироқдамиз? Ҳаётимизнинг муҳим дамларida, гўзал лаҳзаларида бир-биримизга йўлмайдиган SMS ларимизда-чи?.. Сабаби оддий: бошқа тилларда тайёр, фойдаланишга қулай материяллар мавжуд, тўғрироги, оммабон медиа маҳсулотлар (табрикномалар, инфографикалар, видеороликлар...) яратилган, яратилмоқда. Истеъмолчилик кайфиятидаги ёшлар эса асосан “копи-паст” (нусха-

ла-жойлаштириб) усулини хуш қўришиади. Шу боис бугун биз онлайн оламга кенгроқ кириб бормасдан, ука-сингилларимиз ва фарзандларимиз қалбига улуг аждодлари(миз)ни олиб киролмаймиз. Халқ, оғзаки ижоди ва буюк боболар меросини нафақат электрон шакла үтказиш, балки интернет юзерлари учун “тайёр ош”га айлантириши ўзбек зиёлилари олдидағи кечиктириб бўлмас вазифа бўлиб турибди. Навоий бобомиздан тўйғиз SMS шу йўлдаги бир уринишидир.

Бугунги кун ёшларига кундалик муюмала жараённада аскатадиган байтларни мумтоз шоирлар ижодидан истаганча топиш мумкин. Фақат, уларни виртуал дунё талаблари асосида танлаш лозим. Яъни, биринчидан, улар қўпчиликка тушиунарли бўлсин. Иккинчидан, танланган мисралар маъносида ёшлар орасидаги ижтимоий муносабатлар, руҳий ҳолатлар акс этсинки, йигит-қизлар ўз қўнгил кечинмаларини, бир-бировига дилсўзларини, ҳатто аччиқ-тизиқ гапларини назм тилида етказсин. Ёшларимиз бир-бирларига Навоийдан, Бобурдан байтларни SMS тарзида жўнатса, веб-саҳифаларига эса Билга Ҳоқону Амир Темур ҳикматларидан жойлаштиrsa, қандай соз!

@@@

Йўл ямону яхшисидан ема ғам,
Бисмиллоҳ, дегилу қўйғил қадам.

@@@

Менга не ёру не ошиқ ҳавасдур,
Агар мен одам эрсам, ушбу басдур.

@@@

Мени мен истаган ўз сухбатига аржуманд этмас,
Мени истар кишининг сухбатин кўнглум писанд этмас.

@@@

Бўлмаса ишқ, икки жаҳон бўлмасин,
Икки жаҳон демаки, жон бўлмасин.

@@@

Сен агар зоҳир эттинг итликни,
Мен сенга кўргузай йигитликни.

@@@

Табиатга ҳар неки одат бўлур,
Чу эскирди одат табиат бўлур.

@@@

Ушоқ қанд оқ тузга монанд эрур,
Ва лекин бири туз, бири қанд эрур.

@@@


Тузлик эрмас шифосию вояси ҳам,
Ким эгри кишининг эгридир сояси ҳам.

@@@

Агар қилмади эл ҳимоят сенга,
Ўзингдин керақдир шикоят сенга.

Фаррұҳ ЖАББОРОВ тайёрлади





Расмларни Аслиддин Калонов чизди



Анвар ОБИДЖОН,
Ўзбекистон халқ шоири.

1947 йили туғилган.
Тошкент давлат
университети (ҳозирги
ЎзМУ)нинг журналистика
факультетини тамомлаган.
“Она ер”, “Баҳромнинг
ҳикоялари”, “Аламазон
ва унинг дўстлари”, “Эй,
ёргуф дунё”, “Кетмагил”,
“Безгакшамол”, “Масхаробоз
бала”, “Жуда қизиқ
вокеа”, “Олтин юракли
автобола”, “Даҳшатли
Мешполвон”, “Рамазон
ва Гулмат ҳангомаси”,
“Мешполвоннинг жанглари”,
“Алишер ила Ҳусайн ёки уч
доно ва ўғри”, “Тўтикуш”,
“Топсанг ҳай-ҳай...”
каби шеърий ва насрый
китоблари чоп этилган.
“Кўнфироқли ёлғончи”,
“Паҳлавоннинг ўғирланиши”
каби пъесалари
саҳналаштирилган.

Мўттивоймисан, Миттивоймисан?

Қисса

Болалар ва ўсмирларнинг аксарияти табиатан шўх, ўжар, шу билан бирга, ўта қизикувчан, беҳад таъсирчандир. Улардаги бу хусусиятларнинг яхши томонга шаклланишида тарбиядан ташқари, муҳитнинг аҳамияти ҳам беқиёс. Бола эл-юртнинг қувончу ташвишлари асосан нималарда намоён бўлишини, оддий кишилар турмушининг лаззатли кечишида одимилик, меҳнатсеварлик, оиласпарварликдан ташқари, тўгрисўзлик, аҳиллик, ҳалоллик, айниқса,adolatnинг ўрни нечоғлик улкан эканлигини қанчалар эрта англаб етаверса, жамият учун шунчалар қайшиувчан бўлиб улгаяверади. Бунда боланинг кўпроқ катталар орасида бўлмоги, уларнинг тирикчилик тарзи билан яқинроқдан таниша бормоги ўзига хос бир мактаб вазифасини ўташи шубҳасизdir.

Қувноқлик ва жиддийлик қоришимасидан иборат бўлган ушибу қиссада ажабтovур бир тасодиғ туфайли чигал аҳволга тушиб қолган ва атрофидаги самими, инсофли, покизақўл инсонлар тасири боис ўсмирликданоқ ўзи учун ёргу ўйл топиб олишига тириша бошлигар ёш замондошимиз кечинмалари ҳақида ҳикоя қилинади.

Бу асар ёш ўқувчиларга озми-кўп шавқ улашибина қолмай, қўнгилларида элсеварлик, юртпарварлик туйгуларини янада жонлантиришига қиттаккина улуш қўша олса, ўзимни жуда-жуда баҳтиёр ҳис этган бўлардим.

Муаллиф

Ясама йўлбарс ҳангомаси

Э, ошнажонлар-а, жа ғалати иш бўлди-да. Икки оёқда унчалик лапангламасдан юра олишимга қаралса, ҳарқалай, одам деса дегулик бўз бола эдим, кўзни бир очиб юмгунча тўрт оёқли кучукчага айланиб ўтирибман-ку. Бу кўргиликнинг юз бериси олтинчси синфа ҳавва-хувва кўчволган пайтимга, қийқириқлар билан бошланган ёзги таътилнинг қоқ бешинчи кунига тўғри келди.

Бунгачаям бошимдан фалва аримай турувди, ўзи. Уч ойлик ҳордиқ эълон қилинган заҳоти “Каллани ишлатишдан қутулдик!” деб ҳаювлаганимча хонадан шунқорланиб чиқаётib, узунйулак шиптидаги қандилнинг куйик нокчиригини алмаштираётган электрчига урилиб кетганимни; у десангиз, тўғrima-тўғри йиқилавермай, оёғи остидаги стулдан чечан футболчига ўхшаб, қайчи усулида тескарисига умбалоқ ошганини; қўлидан учган нокчироқ деворга пақиллаб тегиб, шиша синиқларидан бири пол юваётган фаррошнинг бурнига санчилиб қолганини айтмасам, таътилнинг биринчи куни мен учун ортиқча машмашасиз ўтгандек эди. Иккинчи куни қилигим андак чаккироқ бўлди, менимча.

Ўшанда беҳининг қайишқоқ шохидан камон ясаётib, бу ишнинг чакки томони бўлиши мумкинлиги сира-сира хаёлимга келмаганди. Олти яшарлигимдан бери камон отаман. Уни қандай ясашни, бир гал опоготамниги борганимда, кичик тоғам ўргатгани эсимда. Бу орада, токдаги узумларимизни, айниқса, эртаки қувончқораларни ётирилиб чўқиловчи қанча-қанча қушнинг патини тўзғитдим, қанча-қанча ит-мушукка жароҳат етказдим. Музлоқда сирпаниб ўйнаётганимда бошимдан учиб тушган қуёнтери телтагимни чайнаб қўйган, қишлоғимиздаги энг саёқ, энг сурбет кўпрак саналмиш Оқчопоннинг ўнг кўзиниям мен кўр қилганман.

Камон битгач, куриган қамишнинг силлиқ ғарови ичига уни бигиздек ўткирланган чўтни суқиб, чийланган ипда маҳкамлаб боғладим. Ўқ-ёй ҳам тайёр бўлди. Бир замонлар ҳатто Алтомишдек паҳлавонларимизга асқатган қақшатқич қуролнинг забтини синаш истагида тўрт томонга алангладим. Кечтишар тошнокнинг устидаги чақчайиб турган ҳакка Алтомишга кўп ёмонликлар қилган Сурхайл камтирга ўхшаб қўринди-ю, унга тиши ракабаганимча, камондан ўқ учирдим...

Қарабсизки, яна ҳархаша чиқиб турибди-да!

Хўш, жодугарни эслатувчи лўлиқўз қушга ўқ отишнинг қанақа ҳархашаси бор экан, дерсиз. Агар, ўқ ҳаккага тегмасдан ўтиб, девор ортидан: “Қааак! Қақааак!!!” деган нола эшилмаганида, ҳамма иш сиппа-силлиқ кечган бўларди, албатта. Жон ҳолатдаги қақаглашларга қўшнимиз Маҳай

хўрзобознинг “Э, воҳ! “Самурай”имни ўлдириб қўйишидди-ку!” деган вағиллоги қўшилди. Сал ўтмай, ҳовлимида ўзи ҳам пайдо бўлиб, бу енгилмас хўрзни кўтосдек келадиган қўчкоримга алиштирганидим, энди Хўпакаллангни оғилимга боғлаб қўясан, деб сўлак саҷраттан кўйи мени тизғитишга тушди. Пиргиракланиб, кўчага қочдим.

Ҳайтовур, Хўпакалла деган уришқоқ қўчкоримиз ўзимизда қолди, “Самурай”нинг қаноти бор-йўғи андаккина лат еган экан. Худо бир сақлади-ёв!

Учинчи кун, аслида, худди сўқмоққа сув септандек бўлиб, ҳеч бир чанг-тўзонсиз ўтиши керак эди. Чунки кўчага чиқаётib, етар, бугун кўнгилнинг гагтига кириш йўқ, бувим шўрлик мени тергайвериб холдан тойди, давримда бир яйраб дам олсин, деб ичимдан тугиниб қўювдим. Бекор турмаслик, омадим юришса, бирорта қариядан дуо-пую эшишиб қолиш ниятида “улокчи” болачоклардан бирининг чўбак отини тортиб олдим-да, ариқдаги каттароқ тошларга қадалиб қолган қофозу хашакларни “саман таёқ” да қирғоққа суриб, сув йўлини тозалашга тутиндим. Шу паллада узоқдан маҳалла сартароши Барака мараканинг “Эшвойникига маъракагаа!” деган чинқириғи тарафиди. Тўсатдан миям туманлашди.

Қишлоқни айланиб, эринмай суриштириб кўринг, Барака маракани ёқтирадиган бирор-бир болани топиб бўпсиз. Тўйда кичкинтойларга кун бермайди, бир дастурхондан нарига ҳайдаса, бир шовқинимиз юрагига сифмай қолади. Айниқса, Тўлан тўлпоқ қизини узатган тўйда қозонга яқинроқ борганимни биламан, елкамдан ваҳшийларча тутамлаб, аямай силтаб ташлагани пўканимга зилдек ботганиди.

Велосипед миниб олган уста, одамларни текин ошга чорлаган асно, тобора яқинлашиб келаверди. Яқинлашаётib, менга хираланиб қараш ўрнига, балли, Мўттивой, ариқ тозалашнинг савоби катта, деб ўтса, бурни бужмайиб қолмасди. Йўқ, ўша турк, ўша башара.

Э, қайсарлигим қурсин – қўлимдаги таёқни велосипедининг олд филдирагига қандай тиққанимни билмай қолибман. Одам учмайди, деган гап ёлғон экан. Олдиндаги филдирак таққа тўхтаб, велосипеднинг орқа томони тегтага кўтарилиши биланоқ уста Барака марака “Эшвойникига мааа...” деган асно ҳавода шунағанги текис учишни бошладики, буни қайсиdir лочин пана-дан кўриб турган бўлса, ҳасаддан куйиб ўлиши аниқ эди. Текис учишдан ташқари, анча узоққа учди. Аммо ҳай, дариф, деб қўйиш керак, қўни-

ши жичча пала-партиш тус олди. Ўзидан кўрсин, уни бинойидек учирдим, қўнишни этполмаса, мен нима қиласай?

Тўртингчи кунга ўтар кечаси одамнинг завқини чучварақайнар қилворадиган қойилмақом туш кўрдим. Шу дессангиз, хачирдан сал ҷоғроқ бир йўлбарсга дангал ташланиб, тагпа босиб йиқитибман. Кейин, унинг бўйнидан боғлаволиб, қишлоқда кўчама-кўча кезавердим. Менга кўзи тушган одам борки, қулоқ-бурунули устунга айланиб, жойида донг қотиб қолаверди.

Ўйғониб, нонушта қилияпман-у, ўнгимдаям халойиқни қандақасига анграйтириб қўйсам экан, деб ўйланаман, холос. Охири, каллажонимда ажойиб бир фикр чараклади...

Бувим, тириқчиликнинг кетидан қувиб, қўй боқиб туради. Иккита совлиқдан ташқари, киннанг ичингда кетгур Маҳай хўрзобознинг айтишича, қуиругидаги юкнинг ўзи иккита полвоннинг белини синдирадиган ўша Хўпакалла қўчкоримиз ҳам бор. Бўрдоқилигидан бесўнақай қўринишига қарамай, қўйларни яйловчага ҳайдаб борсам, шериклари сингари индамасдан ўтлайвермай, учраган ҳайвонга калла солиб, бўридек тезгир қувалашга тушади.

Ўйлаб қўйган мақсадимни юзага чиқаришдан олдин қўйларни яйловчада ўтлатиб, уйга пешинда қайтдим. Тушликдан сал ўтибоқ, бувим бўғчага кўрмана тугиб, холамнинг неварасига қилинаётган бешик тўйига жўнади. Холи қолгач, димогимда хиргойиланиб, бемалол юмушга берилдим:

У қизгаю бу қизга
Чалиб берайин сибиизга.
Ўйинчи қизлар ичида
Нима бор Сувон семизга?
Майдалаб босиб ўйнасин,
Патини ёзиб ўйнасин...

Ишни юнги кечагина қирқилган Хўпакалла ни қозиққа калталатиб боғлашдан бошладим-у, танасига ўрикнинг елими аралаштирилган тезакни суртиб, қўнғир рангга бўяб чиқдим, қозонкуяда йўл-йўл чизиқлар тортдим. Кейин, бошига канот халта кийдирдим, қайчида иккита кўз очдим, жағи билан бўйнининг атрофига увада тиқиб, йўлбарснинг калласидек қилиб шиширдим, униям ола-булага бўядим. Тумшуғига тишлари иршайиб турган каттакон оғиз чиздим. Читор арқондан дум ясаб, орқасига осилтирдим.

Ваҳ! Йўлбарсмисан йўлбарс бўлди!

Синфдошим Паргивойникуга кириб, жаҳонда ҳали ҳеч ким кўрмаган чингилин томоша бошламоқчи бўттурганимни айтдим-да, озгина кўмак сўрадим. Хайрият, бўйин товламади – “видео”сидаги мултфилмдан йўлбарснинг турлича нағмадаги ириллашу бўкирикларини қўл телефонига ёзиб, вақтинчаликка менга берди.

Ишни битиргунимча қош қорайди. Яна бироз кутдим. Тузукроқ қоронги тушиб, гузару симёочлардаги чироқлар ёқилган маҳалда Хўппакалланинг бошига кийдирилган каноп халтага телефонни тиқиб, арқонни қозиқдан ечдим; лозимандадан эндигина қайтган бувимнинг кўзини шамғалат қилиб, кўчага секингина етаклаб чиқдим.

Кўча бўм-бўш эди. Гузардаги чойхона томонга бораётсиб, Паргивойнинг телефонини шовқинлатиб ишга солдим. Йўлбарснинг ириллаган товуши янграши биланоқ, қўчкор жон ҳалпидаги потранишни бошлаб, мени туртиб йиқитганича, кўчада сакраниб-сакраниб чопа кетди. Ариқдан сув олаётган Жамила опанинг пақири қўлидан тушиб, дод-вой билан уйига пойга қўйди.

Қишлоғимиз стадионига кўчма ажойибхона келиб, анчадан бери томоша қўрсатаётганди. Чойхона айвонидаги сўриларни тўлдириб ўтирганлардан бири “Ие, ажойибхонадаги йўлбарс қафасдан қочибди-ку!” деб бақирганини билади, ҳамма тўрт ёқقا тум тарақай бўлди.

Шилинган тиззамни ишқалай-ишқалай, ииқилган жойимдан аста қўзғалаётганимда, мистовоқ кўтарган чойхоначи учқурлаб келиб, тепамдан мушукдек иргиб ўтди. Мистовоқдан тўкилган новвот бўлагини увол қилмай, тезда тилимнинг устига ташладим. Ҳали туриб улгурмасимдан, энди Махай хўrozбоз чап қўлида чойнак, ўнг қўлида пиёла билан менга қора булат уюридек яқинлаша бошлади. Ўзи нима ахволда-ю, ора-сира чойни ҳўтлаб-ҳўтлаб қўяди денг. Бу гал устимга қайноқ чой тўкилишидан чўчиб, йўлни бўшатиш учун четга юмаландим.

Бошимга қоп-қоп кулфат ортирганимни пайқаб, ўрнимдан турдим-да, қўчкорнинг изига тушдим. Бўйнидаги телефондан тинимсиз ра-вишда ўкиригу ириллашлар таралаётган Хўппакалла чойхонадагиларни тўзгитиб бўлгач, ўзини кўчанинг у юзидаги дарвозага уриб, Тошпўлат мерганнинг уйига кириб кетди. Изма-из дарвозадан ўтганимни биламан, айвонда телевизор кўриб ўтирганлар ириллоқ маҳлуқча тикилганча айоҳаннос сола кетишиди, кейин бири эшикдан, бири деразадан уйнинг ичига отилди.

Қўчкорни ана ушладим деганимда томорқа-га қараб қочди. Фўзапоядан қилинган човрани бузиб ўтаётган вақтда, Тошпўлат мерган ўзини ўнглаб улгурган бўлса керак, милтигини варанглатиб осмонга ўқ узди.

Хўппакалла човрадан ўтиб, энди Тўлан тўлпоқнинг ҳовлисида фирро-гир айланишга тушди. Яқиндагина тўй қилган Тўлан тўлпоқ олти пақир сув сифадиган, кексалар “чойқозон” дейдиган алюмин самоварни маҳалла омборига топшириб улгурмаган экан, қўчкор бир калла қўйишда шуни пақкос қийшайтириб ташлади.

Самоварнинг бежо даранглаши сергак тортиридими, Тўлан тўлпоққа қўшилиб, хотини ва болалари ҳам уйдан кетма-кет чиқиб келишиди. Чиқибоқ, бари тенгдан сўррайиб қолди. Тўй куни ташқидаги хурмо шохига осилган икки юз шамли чироқ қуёшдек чараклаб товланаётгани учун тўнкариб қўйилган дошқозон атрофида бетўхтов чопаётган ясама йўлбарс кафтдагидек аниқ-тиниқ кўриниб турарди.

– Болаларни уйга ҳайда! – дея хотинига қиҷқирди Тўлан тўлпоқ. – Йўлбарсга ем бўлмай десанг, эшикни ичкаридан тамбала!

Тап тортмасдан “йиртқич”ни қувиб юрганим унга далда берди, шекилли, Тўлан тўлпоқ ерда ётган кетмонни қўлга олиб, ўзини ҳимоялашга шайланаркан, “Жонингдан тўйдингми, Мўттивой? Бу ёқقا югур!” деб қиҷқирди менга.

Чойхонадан қочганларнинг баъзилари кўча девордан ҳовлига мўралаб турган экан, улар ҳам бирин-сирин бақира кетди:

– Қоч, Мўттивой! Ўзингни уйга ур!
– Ёш жонингга жабр қилма!
– Очга ўхшайди бу йўлбарс, тилкалаб қўяди-я!

Шу пайт, бузилган човра томондан Тошпўлат мерганнинг қалдироқли овози янгради:

– Ўзингни четга ол, Мўтти! Бу одамхўрни отиб қўяқолай энди!

Шундай дея, қўшотар милтигини нишонга тўғрилаганида, Тўлан тўлпоқ “Отма, хумкалла! Давлатнинг йўлбарси қиммат туради, машинангни сотиб ҳам узолмайсан!” деб бўкирди. Бу огоҳлантирувдан сўнг Тошпўлат мерган шиппа шаштидан тушган бўлса-да, эркакча гапим елга соврилмасин деб ўйладими, ойни уриб туширмагунча кўнгли тўлмайдигандек, осмонга қайтадан ўқ отди.

Хўппакалла милтиқнинг гумбирлашидан чўчиб йиқилгани ўнғайлик түғдирди-ю, тураёт-

ганида устига ташланиб, қўлларимни бўйнига чирмадим. Кўчкор мени судраган кўйи дошқозоннинг теграсида чамбарагулчин айланаверди; телефондан чиқаётган йўлбарсона наъралар унинг ора-сира хирқироқланиб бабалашини кўмиб юбораётганди.

Четдан хилма-хил нидолар таралди:

- Вахҳ!!!
- Ҳайҳай-ов!!!
- Ё, курдатингдан!!!
- Бу бола одамми, шайтонми?!

Тушим ўнгидан келиб, орзум ушалди. Аканг қарағайнинг тўс-тўзонли олишувины кузатиб турган қўшкўз банда борки, ётпасига анқайтириб ташладим.

Терга ботиб кетган Хўппакалладан қўланса буғ кўтарилди. У мени четга итқитиш умидида хўтиқдек шаталоқлашга тушди; охири дорда ёниғлик турган шолчага урилиб, ёнбошга ағанди. Шолчани этчилик билан унинг устига ётиб, титиричилатганимча босиб туравердим. Тўлан тўлпоқ кетмонини, Тоштўлат мерган милтиғини ташлаб, қўмакка шошилишди. Девордан мўралаб турганлар ҳам менга тасанно ёғдира-ёғдира, ҳовлига ёпирилиб кира бошладилар:

- Юрагингга қойил, Мўттивой!
- Э, отангга балли, шербола!
- Сен аламазондан бир иш чиқишини билардим!

– Ўғил бола дегани мана шунақа ўтбосар бўлиши керак-да, оғайнилар!

Бошимдан жала бўлиб қўйилаётган олқишу мақтвлар менгага асал чойдек ёқаётган эди. Биламан, салдан кейин буларнинг бари сўқинишу қарғанишларга айланади. Тарсакилар ёғилишиям ҳеч гапмас. Ишқилиб, қаттиқроқ, тепки емасам бўлгани.

Юракдан чиққан қарғиши

Нимасини айтай, бу галги қилиғим ҳаммасидан ошиб тушди. Қадимги замон бўлса, маҳалладагилар мени эшакка тескари миндириб сазойи қилишлари аниқ эди; уларга минг раҳмат дейиш керак, ортимдан кесак отганча бир ярим соатгина қувиб юришди, холос. Қоронгидан фойдаланиб, охири чап бериб кетдим.

Тун мен учун оғирдан оғир кечди. Туғилганимдан бери биринчи марта молхонамизнинг чордоғида ухлаб кўрдим. Шуям уйкуми – бир кўзинг илинади, бир сапчилаб уйғонасан. Сичқон ниманидир қитирлатаётгани, қўнғиз-

нинг ўғнифиллаб ўтиши, итларнинг улиши, мушукларнинг вағиллоғи, ҳатто япроқларнинг шитирлаши ҳам кечаси қўрқинчли эшитиларкан.

Тонг отиб-отмасиданоқ жунжикиб уйғондим. Уйқусираб туртинганча чордоқдан тушарканман, таътилнинг энди-энди бошланаетган бешинчи куни турмуш тарзимни буткул ағдар-тўнтар қилворишини ҳали билмасдим.

Ташқидаги кўрада юзимни ювиб, қўлимни қўлтиғимга, бетимни этагимга артдим. Бориб, уй эшигини озгина қиялатдим-у, хонага бойғ-лидек мўраладим. Бувим намоз ўқиётган экан, ичкарига ташлаган қадамимнинг шарпасини сезган заҳоти пичирлашлари ҳам, букилиб-тикланишлари ҳам бирданига тезлашди, сал ўтмай, шоша-пиша дуога қўл очди. Одоб юзасидан тўшакка тиззалаб, мен ҳам иккала шапалоғимни ёйдим, бувимга қўшилиб, сузилганимча юзимга фотиҳа тортдим.

Бувим жойнамозни йиғишириб бўлибок, яхши ётиб-турдингизми, меҳрибоним, деган гаптимни заррача менсимай, индамасдан бориб, уй эшигини ичкаридан маҳкамлаб ёпди. Сўнг аниқ мақсадда илгаритдан тайёрлаб қўйилган хивични шолчанинг тагидан олди-ю, кела солиб, болдиримга беаёв ҷарисилатишга тушди:

– Мана сенга йўлбарс! Мана сенга одамларни мазахлаш! Мана сенга маҳаллани алғов-далғов қилиш! Сени деб чойхонада қанча-қанча чойнак-пиёла синиби... Мана! Сени деб кўпчиликнинг чойқозони мажақланиби... Мана! Сени деб Тоштўлат мерганнинг иккита ўқи исроф бўлиби... Мана! Энг ёмони – Жамилахон шўрлик қаттиқ қўрқиб кетиб, ой-куни етмасидан туғиб қўйиби... Мана! Мана! Қачон эсинг киради, ошинг совимагур? Қачон қулоғимни тинч қўясан? Мана сенга! Мана бўлмаса!..

Болдиримга калтак ёғилаверди, мен “Войей! Войей!” дейиш билан чекланиб, ортиқча вавағламасдан ирғишлайвердим. Ўлашимича, одамнинг тириклиги ҳар хил қийноқларга йўлиқиб туришидан билинади. Бунақада тишни тишга босиб чидаш керак. Узвос солиб йиғлаш ўғил боланинг қимматини бир пул қилади-қўяди.

Бахтимга, худо бувимни вақтида қаритиб, кучини улгуржисига камайтириб ташлаган экан, тезда силласи қуриб, таппа ўтириб қолди. Ҳансироқланиб калтак ўйнатганича тағин нималардир демоқчи бўлди-ю, қўксига тўсатдан қўл босиб, силкина-силкина йўтала кетди.

Хонтахтадаги термосдан қуйиб узатган чойимни кетма-кет ҳўплаб, аранг ўзига келди. Кечки овқатдан қуруқ қолганим туфайли очқагандан очқаб кетувдим, гапни бурамалаб ўтирмай, кўзимда илкиллаб турган ёшни енгим билан артатуриб, ҳингиллоқ товушда тўғридан-тўғри муддаога кўчдим:

– Чойни битта ўзи ичавериш экан-да? Бизгам навбат тегармикин?

– Бетинг чармдан баттар қатиб кетибди, – деб хирқироқланди бувим. – Калтакнинг жизиллоги босилмасидан, томоқни ўйлаётганингни қара. Ээ...

– Калтақдан ўлмаганимга суюниб ўтираверсам, очдан ўламан-ку, буви!

Бувим устма-уст томоқ қириб олиб, энди хирқирамасдан, ҳафсаласиз кайфиятда деди:

– Ана чой, ана нон. Тосрайиб жигилдонингга тиқавер.

– Қанд-чи, қанд?

– Бор, қара, идишда қанд тугул, қанднинг куқуниям қолмабди. Бир кило нарсани ўн кундаёқ ямлаб қўйибсан. Ҳе, еганинг танангга ботгур-а!

Қоқмоч қатламататирни ўзимизнинг оқ кишмишдан қуритилган майизга қўшиб, танамга ботгунча еявердим. Чойнинг саломатликка қандай фойдаси борлигини билмадим-у, лекин иккала лунжингга тўлиб кетган емишни томоққа тиқилтирмай ўтказвориша роса асқатади. Буни тетапоялаб юра бошлаганимдан бери биламан.

Нафсимни ўлда-жўлда қондириб бўлиб, қиттак мудраб қолибман. Текин таом илинжида изғиб юрган бир пашша қулоғимга “тирк” этиб урилди-ю, киприкларим “чирк” этиб очилди. Деразадан ўт пуркаётган қуёшнинг ёруғи кўзимни қамаштириб, қовоқларимни қўшкўллаб ишқалашга тутиндим. Миям варақа-вурук қайнаётганга ўхшарди.

Ташқарига чиққач, кўрадаги сувни манглайимга боса-боса, эсимни жиппа жамлаб олдим. Бошим текис ишлашга тушиб, умримни қандай давом эттириш тўғрисида ёйилироқ ўйлашга шароит туғилди.

Хўш, бугунги кунимга қанақа қиликлар ярашаркин? Жамила отаникига кириб, туқкан боласи ўғилми-қизми, бир суришириб кўрсаммикан? Ё чойхонадагиларга йўлиқиб, узр-маъзур айтиб қўйганим тузукми? Менимча, сал узоқроқда туриб кечирим сўраган яхши. Қаёқдан билай, балки, кимнингдир ғазаби ҳали тийилмагандир...

Қани, олдин уйдан нари чиқаверай-чи. Таъбимга шундоққина мос тушувчи бирор-бир юмушни ҳар сафаргидек кўчанинг ўзи топиб бераверади.

Жойимдан силжиганимни биламан, бувим ошхонанинг очиқ дарчасидан ўқрайиб, ҳа, йўл бўлсин, деб сўради. Тўхтаб, талмовланиб туравердим.

– Бас! Кўчага чиқиш йўқ энди! – деб бобиллай кетди бувим. – Ана, ҳайҳотдек ҳовлимиз бор, ҳоҳласанг – у чеккасида сандирағла, ҳоҳласанг – бу чеккасида. Бирор кун бўлсаям, одамлар сендан қутулсин.

– Мен... мен... опоготамникига кетяпман, – дедим, калламга келган биринчи ўйни тилимга кўчириб. – Бу маҳаллада кун кўришим қийинга ўхшайди. Ўша бўжикўз одамларингиз жонимни ҳиқилдоғимга келтирди. Бирор ҳафта шулардан узоқда юрсам, этимга эт қўшиларди.

– Менга деса, бир ҳафтамас, бир ой гумдон бўпкет!

Сезиб турибман, бувим бу гапни аччик устида айтвордини. Қанчалик жигига тегмайин, мени икки кун кўрмаса, ёлғизлиқдан сабри титилиб, соғинишга тушади. Қишки таътил ҷоғи опоготамникига кетганимда, учинчи куниёқ талпанглаб бориб, изимга қайтариб келганида билганман буни.

Хулқ-атворим сал мужмал эканини ўзим ҳам тан оламан. Аммо тузи пастроқ қилиқлар қилиб қўйишимга қўпинча бошқалар сабабчи бўлади-ю, доим битта ўзим балога қоламан. Агар кўчага чиққач, телефонини бериб қўйишига кириб, ташқида кумушранг учогини осмонга учириб ўйнаётган пашмаксоч Парпивойни кўрмасам, у иршайиб боқиб, қисм-қисмга ажратиб сотила-диган бу “қирувчи самолёт”ни дадам шаҳардан опкелди, қофоздаги кўрсатмага қараб уни ўзим тикладим, манави тугмани боссанг, ичидаги кучалатош парракни вариллатиб айлантиришга тушади, деб мақтанмаса, опоготамнинг уйигача тўхтамай кетаверган бўлардим.

– Телевизордаги бир кинода кўрувдим – мана шунга ўхшаган учоқни зенит замбарагида отишса, орқасидан тутун чиқариб, ерга шунақанги чиройли қулардики!

Бу гапимни эшитиб, аввалига Парпивойнинг қизиқувдан кўзи чақнади, сўнг туйкус ҳушёр тортиб, телефонимнинг ойнасини ёргандек, самолётимни расво қилмоқчимисан, деб тайсалланди.

– Қўрқма, бунингга зиён етмайди, орқасига боғланган латтани тутатиб учирамиз, холос, – деб ақл ўргатдим.

Паргивойнинг кўнгли тинчиди. Маслаҳатимга кўра, омборчага кириб, йиртиқ пайтогини керосинга ботириб чиқди. Хайрият, гугурт олвонишиням унутмабди.

Биргалашиб кўчага йўналдик; чойхонанинг берироғидаги кенгроқ жойга бориб, пайтоқни учоқнинг думига боғладик. Мен гугурт чақиб ёқишим биланоқ, Паргивой парраги вариллаб турган учоқни бир силтаб, осмонга учирди. Дум томони оғирлашгани халақит бердими, “қирувчи” лапанглаб-лапанглаб учиб, бирдан пастга шўнғиди.

Гузардаги ялангликнинг тўри чойхона бўлса, кўндаланг томонида сартарошхона билан қассобхона бор. Қассобхонанинг биқинига кенг қизил соябон ўрнатилган. Соябон тагида ўзи уйида пашмак, ҳолва, новвот, хўрозқанд, чайнамайшиминг тайёрлаб сотадиган, менга бағри очиқдан очиқ Момогул қандолатчи ўтиради. Бағри очиқлиги шундаки, тоғдаги конда ишлаб, қишлоққа уч-тўрт ҳафтада бир келиб-кетувчи дадамдан биратула ундириб олишини айтиб, менга ширинликларни насияга бераверади.

Қандолатчининг қизил соябонидан сал берида тандир юкланган эшакарава турувди, учогимиз ловуллаганича тушиб, эшакнинг белгинасига урилса бўладими!

Қишлоқ болалари орасида “Ҳангирштейн” лақаби билан машҳур бўлган қорапўстин эшакнинг туклари жазиллаб ловуллай бошлади-ю, бор товушда ҳанграганича, житранглай кетди. Қизил соябонни йиқитиб ўтиб, қассобхонага урилган чоғда тандир аравадан учиб тушиб, қирқ бўлак бўлди. Қирон қассоб узун гичогини қиличдек виз-визлатиб, жабрдийда Ҳангирштейнни нарига қуваётганида, минг шукрки, Барака марака сартарошхона деразасидан бир пақир сув септиб, ўтни ўчирди. Чойхонадан қуюнланиб чиқсан Сангин тандирчи ерда парчаланиб ётган тандирни кўриб, айвон устунига суюнган алпозда шалвироқланиб қолди.

Қилар ишни қилгин, қочишниям билгин, деганлар. Бу жанжалистондан вақтида фойиб бўлиш учун оёқларимни варваракка айлантирганимда ортимдан Сангин тандирчининг бақириғи эшитилди:

– Тўхта дейман, итвачча! Мендан қочганинг билан, худодан қочолмайсан! Мени хонавайрон қилганакансан, сени худойим ўзи жазоласин – ярим одам, ярим ит бўлиб ўтиб кет!

Сўргич сўришдан аллақачон халос бўлган, қаддини кетмон сопидек тик тута олиш ёшига етган одам боласи ўлароқ икки оёқда туппа-ту-

зук югуриб кетаётганидим, йўлнинг муюлишидан ўтганимда этим ғалати жимирлаб, негадир энди тўрт оёқлаб чопа бошлаганимни пайқадим. Синчиклаброқ қарасам, тўсатдан қўнғир тукли олд оёқчаларга айланиб қолган қўлларим ерни потира-путур чангитганича ҳаракатланиб, бурним ерга тегай-тегай деб боряпман.

Кўркувдан юрагим узилиб тушгудек бўлди. Тақقا тўхтаб, бир ўнг биқинимга, бир чап биқинимга кўз югуртирдим. Бу ёғимдаям, у ёғимдаям ўша қўнғир юнглар пахмайиб турарди. Орқа томонимда десангиз, бувимнинг ҳивичини эслатувчи бир дум тинмасдан ликилляяпти. “Дод!” деб қичқирмоқчи бўлувдим, оғзимдан “вав, вав” деган ингичка сас таралди.

Бир нарсага ҳайрон эдим – юнгим нега айнан қўнғир? Тўғри, сочим кичкиналигимда сарғишироқ эди, аммо етти-саккиз ёшимдаёқ ўз-ўзидан қорайиб кетган. Кучук бўлганга яраша ё оптоқ, ё ола-була бўлсанг-да!

Алдар Холдорнинг эшиги ёнидаги кажавали кўк мотоциклга яқин бориб, бир сакрашда эгарига чиқдим-да, рулдаги кўзгуга бўйландим. Қарасам, тумшуғи бодрингсимон, қулоқлари қамишдек динкайган қўнғирбашара кучукча кўзларини қитмирона йилтиратиб, мени эрмаклаш билан овора. Итчасига “Уввв!” деб юборганимни билмай қолдим.

Шунда бир гап лоп этиб эсимга келди. “Бу дунёда қулфат кўрмайин десанг, қарғишишмас, дуо эшитишга уриниб яшагин. Авлиёларнинг айтишича, Тангри ҳар қандай одамга карам кўрсатиб, юракдан чиқариб қилган илтижосини, у дуоми, қарғишиши, ҳеч бўлмаса, ҳаётда бир марта юзага чиқараркан”, деганди бувим. Сангин тандирчи умрида, балки, миллиард марта тутоқиб, миллиард марта сўкингандир. Қарангки, энг юракдан чиқариб айтган қарғовига мен кўндаланг кептурибман-ку. Бу тандир-фуруш, болалигига қайсиридан нафаси ўтқирроқ одамнинг фазабини қўзитиб, ҳу, соқов бўлгур, деган тавқи лаънатга йўлиқмаганидан беҳад афсусланиб кетдим шу топда.

Бошимда аттанглар тўзғиланиб, ингиллай-ҳингиллай йўл босяпман-у, жуфтакни ростлаш ўрнига Сангин тандирчидан астойдил кечирим сўрасам, оғзим қийшайиб қолардими, деб ўйланаман нуқул. Жа нари борса, икки-уч шапалок еб қутулиб кетардим. Ҳатто ялангоч ётқизиб қўйиб, хўлланган сўйилда саваласаям майли эди. Ҳарқалай, итга айланиб, эгасиз итнинг кунига тушмасдим.

Кўча четидаги қум ғарами устида қўргонча ясаб ўтирган болаларни кўриб, баданимга безиллоқ оралади. Масалан, уларнинг ўрнида бўлсам, санги итга тош-пош отмай тураверишга чидай олардимми? Ҳечам-да!

Тошибўрон қилмасларидан бурун ирилланча бориб, бирортасининг иштонидан хапта тишласаммикин? Бу дунёнинг ишларини яхши биламан – қотоғондан ҳамма ўзини четга олади, қўрқоқни ҳеч ким хурмат қилмайди. Кунларим иззатда ўтсин дегучилар, жангарилик билан ювошликнинг ўртасини топиб яшашни уддалаши керак, шекилли.

Танишинг – Алдар Холдор!

Бойтўра тепакал билан Масир яргоқбошнинг авлодлари ётпасига ота-буваларига тортганини ҳисобга олмаганда, асосан, тўлиқсоҳ кишилардан иборат бўлган, шунга қарамай, нимагадир Калтўти деб аталувчи қишлоғимиизда бир ярим мингта хонадон бор. Биз мана шу каттақон қишлоқнинг бериги четида яшасак, опоготам нариги чеккасида туради. У ёқса етиб боргунимча томофим чўллаб, тилим сангиллаб қолди.

Итилкни бўйнимга олиб, опоготамнинг ҳовлисига буваклардек эмаклаб кирдим. Кирб-ла, қаторлатиб экилган сапсаргуллар остидаги ариқчага атил-тапил оёқ тиқдим-у, тилимни чилипта-чилиплатиб сув ича кетдим. Чанқофими ни бостиргач, айвоннинг тахта полидаги шолчада қўлларрани эговлаб ўтирган, ора-сира менга қизиқсираниб қараб қўяётган опоготам томонга юрдим. Думимни елтуғичлатиб бориб, товонига бош ишқадим, маҳсиларини галма-гал искалаб, илпанг-жилтанг эркаланавердим.

Опоготам мийигида қулимсираб, жонинг узилгудек очқагандирсанки, бегоналигимдан ҳайик-май, пойчамга суйқанаётгандирсан, деб ўрнидан қўзғалди. Айвон четидаги пастак сўрида ўроғлик турган дастурхондан бир тўғрам нон олиб, ялангта чиқиб борди-да, ма, жонивор, ма, дея уни авайлаб ерга қўиди. Аста келиб, тупроқда ётган нонни кўнглим тортмайроқ ҳидладим. Кейин бирданнiga нафсим ҳакалак отиб, шапта-шупта ейишга тушдим. Ўл дейдиган одам йўқ.

Қорнимни шилдирмагудек тўйдирдим-у, ҳануз арра эговлаётган опоготамга бошқатдан яқинлашиб, оёғига биқинимни босдим:

– Бу – менман, опоготажон! Мўттивойингизни нимага танимаяпсиз? Куруқ нондан бошқа нарсаям бордир бу уйда!

Гапим ичимда қолиб, ташимда фингшиб-фингшиб қўйганим боис, опоготам сўзимга тушунмади. Фақат, қўлини эҳтиётлик билан чўзиб, бошимни бир-икки сийпалаган бўлди.

Ваҳ-ваҳ, қандай ёқимли!

– Бўлди, кўп ётишаверма, – деб, узатиғлиқ оёғининг тиззаси елкамга беозоргина туртқилади опоготам. – Менга бургангни юқтириб юрмагин тағин.

Шу чол жуда қизиқ одам-да. Аникроқ айтсам, ҳаддан ташқари содда. Ўзингиз бир ўйлаб кўринг, бундан бор-йўғи ўн бир кун олдин ҳамомгага тушган болада бурга нима қилади?

Иье, “бала” девордимми? Тилимни аҳволимга мослаштириш анча қийинга ўхшаяпти-ку.

Арранинг тишларини ўткирлаб бўлгач, опоготам ариқчада қўлини ювиб, эшиги ланг очиқ турган ошхонага кирди; газга гугурт чақиб, плитадаги қозонча остига ўт ёқди. Богчада ишловчи келини ё нонуштадан, ё кечагидан ортган овқатни қозоннинг тагида қолдириб кетган бўлса керак, деган тахминда тўхтадим. Ишқилиб, бизгаям эҳсон-пеҳсон қилинармикин? Уч-тўрт ютум бўлсаям майли-да.

Э, яшасин-э! Худди кўнглимдагини сезиб тургандек, опоготам идишжавонни тимирскилаб, четлари учган эскироқ бир коса топди; иситилган маставанинг қуюқ-қуюқ жойини ўзига күйиб, қолганини менга аталган идишга ағдарди.

Салгина ўтиб қарабсизки, опоготам айвондаги сўрида, мен сапсаргуллар салқинида таомни юмалоқ-ёстиқ қиляпмиз.

Опоготам ичидагини ўзи билади; мендан аҳвол сўрасангиз, қувончим қулоғимдан тошгудек кайфиятдаман. Кўзим овқатда-ю, кўнглим чаманда. Энди тайинли ҳовлим бор, бу уйдагилар ўзимга эскитдан қадрдан кишилар. Энг муҳими, мана, доимий итялоққа ҳам эга чиқдим. Битта итга бундан ортиқ нима керақ?!

Овқатни тинчтиб бўлиб-ла, косанинг четидан тишлаб, ариқчадаги сувда яхшилаб чайқадим. Итялоқни қайтиб жойига қўяётганимда, “Воҳҳ!” деган товуш янгради. Ярқ этиб ўша ёқса боқсам, опоготам, оғзи каррак, кўзи дурбин бўлганича, менга лол тикилиб турибди.

Бунинг нимаси ҳайрон қоларли, билмадим. Мен учун кундалиқ одатга айланиб кетган бу иш – мактабга боришни бошлаганимдан бери овқатимнинг идишини ўзим юваман. Шундай қилмасам, бувим тинч қўярканми? Идиш-ку – идиш, онда-сонда тоби қочиброқ турса, кийиммимният ўзимга ювдиради.

Тушлиқдан кейин опоготам дүптию яктагини алмаштириб, күча томонга одимлади. Дарвоза олдида менга юзланиб, борадиган бўлсанг, юр, деди. Таранг қилмай, шиппа ортидан эргашдим. Кимсасиз ҳовлида ёлғиз қолиш қўрқинчли. Бирорта катта ит ивирсиб кириб қолса, у ёғи нима бўлишини фолчи ҳам айтольмайди. Айниқса, бутун бошли қишлоқни кезиб чарчамайдиган ўша Оқчопон деган кўпракнинг йўли шу тарафга тушса борми, итялогимнинг бўум-бўшлигини кўрибок, алам устида мени тизғитишга тушади. Опоготам новвойхонадан тўртта кулча, дўкондан оққанд, қуруқ чой олиб, салафан халтани кўтарганича, тўғри кунчиқарга қараб йўл олди. Қишлоғимизнинг у ёғи – далалар.

Тупроқ йўлдан, бирида фўза гул ташлай бошлаган, бирида буғдой бошоқлаб қолган пайкаллар, мева туғиб улгурган боғлар оралаб юриб, деразасининг ойналари чангдан хира тортган, шиферли томини хас-хашак қоплаган, оқ деворининг сувоқлари у ер-бу еридан чизилиб ёрилган, бир чети айвонли шийпонга етиб бордик. Шийпоннинг чап биқинида каттагина ҳовуз; ҳовузнинг теварагида баланд-баланд қоратоллар; толлар остида, оёқлари ерга қозикдек қоқилиб, устига тахта қопланган иккита узун-узун стол. Столлардан берироқдаги оқ “Нексия” машинасининг ёнида кажавали кўк мотоцикл рулини ўсма қўйилган қошдек кериб турибди.



– Бу – анави қасофатининг матасекили-ку! – деб қовоғини уйди опоготам.

Шийпоннинг ўнг ёғидаги хирмон четидан бошланган кенгдан кенг пайкалда экинларни бир пайтнинг ўзида ҳам тагини юмшатиб, ҳам ўғитлаб кетувчи трактор тариллаганича тўхтаб турар, бири новча, бири пакана киши тракторчи билан нималарнидир муҳокама қилаётганди. Новчаси – донғи кетган Раҳимбой фермер, паканаси – тескари довруг қозонган Алдар Холдор эканини таниб олиш қийин эмасди.

Опоготам шийпон яқинида тұхталиб, тева-
ракка аланглади:

– Отакуул! Шу ердамисан?

Шийпон ичидан олдин “хөв” деган товуш,
сүңг полнинг фижирлаши эшитилиб, Отакүл
тогам уйқусираган кепатада чиқиб келди.

– Ассаломалайкум, дада. Сувчиларимиз тун
бүйиғи фұза супорищди, шуларга чой-той дамлаб
юриб, уйқум чала бўлувди. Сал кўзим илинибди.

Айвонга тўшалган эскироқ тўшаклардан
бирига опоготам, иккинчисига тогам ўтириди. Ўр-
тадаги дастурхонда катта чўян чойнак, уч-тўрт-
та пиёла турарди. Итлигим хаёлдан кўтарилиб,
мен ҳам тўшакнинг бир четига чўнқайганимни
билиман, тогам юзига фотиҳа тортиб бўлибок,
кафтини селтиди:

– Чип! Ўзини юмшоқ жойга уришини қаранг!
Буни қайси гўрдан топдингиз, дада?

– Бугун ўзича алангланиб кепқолди. Итлар-
нинг пешанаисига ёзилгани шу – сутдан чиқди-
ми, онасининг қувгинига учрайди, ўз жонига
ўзи қайғуришни ўрганади.

Тогам менга зимдан разм солиб, опоготамга
юзланди:

– Шунингизни олиб қолсаммикин? Кечкурун
бирор шарпа сезса, акиллаб-нетиб турармиди.
Пишган-пишган ҳандалакларимни қанақадир
махлуқ кемириб кетяпти денг.

– Ўзингга ўргатолсанг, ана, олақол, – деди
опоготам. – Жуда эсли ит бўлади, шекилли. Боя
овқат қуйиб берсам, еб бўлиб, косасини ариқча-
да ювиб қўйди.

– Йўғ-е!!!

– Ким билади, балки ялоғини ариқчага
йиқитвориб, кейин секингина тортиб олган-
дир. Ҳарқалай, кўзимга атайлаб ювганга ўхшаб
кўринди-да.

– Айтгандай, бу миттивойга от қўйдингизми?

– Ана, отни ўзинг топдинг. Энди Миттивой
деб чақиравер буни.

Минг тасанно! Ўзимга жиппа ёпишадиган от
қўйишиди. Мўттивой нима-ю, Миттивой нима?

Тогам пиёлага чой қуйиб, совиган бўлсаям,
чанқоқни босишига ярар, деб опоготамга узат-
ди. Опоготам пиёлани олдига қўйиб, халтадаги
нарсаларни дастурхонга тўкди.

Ота-бона яйрабгина гурунглашиб ўтирганида
Рахимбой фермер билан Алдар Холдор пайкал-
дан чиқиб келиб, сұхбатнинг белига тепишиди.
Опоготам ўрнидан туриб, фермер билан қуюқ
кўришиди, бақалоқ Алдар Холдорга эса совуқки-
на қўл чўзисб қўя қолди.

– Гимм... Менга доим шунаقا ола қарайсиз,
– деб тутолланди Алдар Холдор. – Тушунсан-
гиз-чи, кулфат фақат ўғлингизнинг бошига
тушгани йўқ. Иккаламиз касодга учрадик, икка-
ламиз қийноғини тортятмиз. Одамлар ташимга
қараб баҳо беради, ичимдан нима ўтганини бил-
гучи зот йўқ. Камхаржлик қурсин, пайти келса,
рўзгоримдаги қозон икки-уч кунлаб жаз кўр-
майди. Эр-хотин шакарчойга нон булаб, бир-би-
римизга ачинқираб ўтирамиз.

Опоготам унга тумтайиб қаради:

– Сенга бирор нима дедимми, ўзи?

– Демасликка демадингиз-у, барибир, кўзи-
нгиз мени ейман деб туриби. Одамни бунаقا
қон қильворманг-да, Йўлдош ака! Илгариям айт-
ганман, яна айтаман – агар ўғлингизни алдаган
бўлсам, онамнинг... гимм... онажонгинамнинг
арвоҳи урсин мени!

– Ҳўй, Холдор, онангни гўрида тинч қўй! – деб
жеркинди опоготам. – Биламан, қасам ичиш арақ
ичищдек бир гап сенга. Фермерлар уюшмасида
сендай мўлтонига ким амал берди, билмадим. Бу
идорадаям бир ишқал чиқарасан ҳали.

Отакүл тогам опоготамнинг елкасига қўлини
енгилгина босиб, дада, бўлди энди, қўйинг, деб,
уни товранишдан қайтарди.

Алдар Холдорнинг пайтавасига қурт тушиб,
бўпти, Раҳимбой, нариги фермердаям бир ишим
бориди, дея тез-тез одимлаб узоқлаша бошлади.
Бориб, мотоциклни ўт олдиргач, “пат-пат”латиб
олдинга ҳайдади.

Опоготам унинг ортидан тикилиб, худо шу
қилвиргаям, ҳеч бўлмаса, биттагина фарзанд
берсайди, боладан поклик юқиб, ҳаромдан хаф-
саласи совирмиди, деб қўйди.

– Бу занғарнинг нимасидан ўпкалайсиз,
Йўлдош ака, – дея мўйловининг бир томонини
диккайтириб, лабини бурди Раҳимбой фермер.
– Ўз оти ўзи билан Алдар Холдор-ку бу. Қан-
ча-қанча одамни чув туширган. Отакулингиз
нима жин уриб шунга шерик бўлди, ўйлаб, ҳеч
аклим етмайди.

Отакүл тогам бирдан шалвираб, нима қилай, ав-
рашига учиман-да, деб паст овозда қисинқиленди.

– Ҳа,avraща бунга тенг келадигани йўқ, – юзи-
ни тегчитиб жийинди Раҳимбой фермер. – Мана,
ҳозиргина биқинимга суйканиб, шийпонимнинг
томидаги шиферлардан йигирматасини бўрон учи-
риб кетди, деб ариза ёзишига мени ийлаб турувди.
Суфурта идорасида танишим бор, тул ундириб, арра
қиламиз, дейди-я. Бунақа пулга олинган нарсани
боламга едиришдан кўрқаман, дедим.

– Ох, ох, ох! – деб тебранди отоготам. – Зап ўринлатиб айтибсан! Баракалла, Раҳимбой! Манави Отакул ошнангтаям шунаقا ҳикматлардан кўпроқ гапириб тур.

Буни эшитиб, Отакул тоғам дув қизариб кетди.

Томорқачилардан мева-сабзавотни кўтара- масига олиб, “фура” деб аталувчи вагонсимон машиналарда қўшни юртларга элтиб сотиш орқали анча бойлик орттирган Отакул тоғам бирдан касодга учраб, бор-будидан айрилгани қишлоқда роса шов-шув бўлганиди. Бунинг икир-чикирини, бизнигига хамиртуруш сўраб кирган қўшни кампир, мевафуруш қондошингиз катта зарар кўрганмишми, деб гап ковлагач, бувим уни сўрига ўтқазиб, ижикиланишга тушганида билволган эдим.

Алдар Холдор бир куни Отакул тоғамга йўлиқиб, Армияда бирга хизмат қилган жонажон ўртоги қўшни юртдаги йириккина бозорни ўзиники қилиб олгани, яқинда меҳмонга келиб кетгани, давримда сандифингни пулга тўлдириб ташласанг-чи, дея тантланганини айтиб, пишиқ мевафурушларнингни билганим учун сени танладим, хоҳласанг, шерикчиликда иш қилайлик, дебди. Бир ўриси киши чиндан ҳам уникода уч-тўрт кун меҳмон бўлиб юрганини ўз кўзи билан кўргани туфайли (аслида, у киши бошқа вилоятда яшовчи таниши экан), тоғам тезда тузоқса илина қолиби. Тоғам бу ёқдан юк жўнатишни, Алдар Холдор у ёқдаги “ўртоғининг бозори”да пуллаб юришни бошлабди. Алдар Холдор аввалига бир-икки марта мў-май-мўмай пул юбориб тургач, кейин бошқача йўлга ўтиб, сен юкларни насиоятни олиб бўлсаям жўнатавер, фойдадаги маблагимизни улгуржи латтафурушларнинг қўлида айлантириб кўпайтираман, борганимда барини бутунича бўлишиб олақоламиз, деб телефон қилиби. Илгарилари тоғамдан бирор марта панд емагани учун қишлоқдагилар мева-сабзавотини насиоятни беравериби, машина бозорга етиб борганида йўлкирани ўша ёқдаги Холдордан олиш шарти билан юклар “фура”ларга босиб жўнатилавериби.

Уч ойдан сўнг Алдар Холдор кир-чир ки-йимда қайтиб келиб, кейинги молларнинг бир қисми ириб-чириб етиб борди, баъзан бошқа юртлардан шунга ўхшаш мевалар вагонлаб ёғилиб, бозорда нарх пастлаб кетди, арzonга сотиб, таниниям чиқаролмадим, талай зарар кўрдим, деб йиғламсирашга тусиби. Тоғам, нимага

шуни олдинроқ айтмадингиз, ишни вақтида тўхтатардик, деса, бунисидан зиён кўрсак, кейингисидан фойда топармиз, деган ўйда ўзимни ўтдан чўққа ураверибман мен нодон, деб туйқус хўнграб юбориби.

– Бўлар иш бўлди, Отакул, – дебди сўнг Алдар Холдор. – Энди, насиоятни мол берган одамларнинг ярмини мен рози қиласай, ярмини сен тўлагини.

Тоғамнинг капалаги учуб, то насиоятни ўтганимча бор пулимни ишлатиб бўлганман, қолган қарзларни қандай узаман, деб сўраса, Алдар Холдор бўйинини бечораҳол эгиб, унисини билмадим, ука, шу пайтгача йиғиб-тугиб юрганим тарқат-тарқатга етармикин деб ўзимниям бошим қотиб туриби, деб мунгланиби.

Қўшни қишлоқлик айрим мевафурушлар ҳам ўша юртдаги бозорда тириклик ўтказаркан, улар бу воқеани эшитиб, Холдор касодга учраган бўлиши мумкинмас, юклар доим яхши етиб борганини ўзимиз кўрганмиз, бозорда нарх тушиб кетганиям ёлғон, дейишибди. Маҳалла оқсоқоллари бу гапларни Алдар Холдорга пеш қилишса, дуч келган маймунга ишонаверасизларми, уларнинг бари менга эскитдан фаним, атайлаб номимни булғамоқчи бўлишяпти, деб шовқин кўтариби.

Отакул тоғам, охири, кунгурадор дарвозали, данғиллама уйли, фишин деворлар билан ўралган ҳовлисини, бир гектарлик ўрикзорини, “Кобалт” машинасини сотиб; у томондан қайнотасининг, бу томондан отоготамнинг йиғиб-тежаб юрганини ҳам кўшиб, қарзлардан зўрга учма-уч қутулиби. Қаллоблик билан талай бойлик орттириб олган Алдар Холдор эса насиоятни мол берганларнинг ярмини рози қилишга яширин фойданинг ўндан бирини сарфлаганми-йўқми, у ёғи оддий бандаларга ҳалиям қоронғилигича турганмиш.

Отоғотам кичик меҳмонхонага кўчиб ўтиб, институтни битирганидан кейин туманда архитектор бўлиб ишлаётган кенжада ўғли Санақул тоғамни даҳлизли уйга уйлаб қўйгани боис, ҳовлисини сотган Отакул тоғам хотини билан иккита қизини ортиқча иморати бор қайнотасини кида жойлашга мажбур бўлганди. Бир куни Раҳимбой ошнаси келиб, янги келинчакнинг ёнида девонглаб юрма, отанг ҳам сен билан тиқилишмай бемалол яшасин, дея даласига етаклаб кетганини эшитувдим. Энди билдимки, тоғам шийпонга қоровуллик қилаётган экан...

Отақул тогам маъюс қиёфада чуқур тин олиб қўйгач, пича ўтириб туринглар, битта ҳандалак сўйиб берай, деб зовур ёқасидаги полиз сари кета бошлаганида, ортидан юрагим эзилиб-эзилиб термилдим. Яқин-яқиндаям, ҳали товони ейилиб улгурмаган хиром туфлини эскиргангча чиқариб, бошқасига алмаштириб юрган; мени кўриб қолса, ма, музқаймоқ олиб е, деб, бели синмаган пулни чўнтағимга шилдиратиб тиқиб қўядиган тамтамфеъл одам ҳозирги аҳволга қандай чидаяпти экан, деб ўйлаётгандим.

Каламуш билан олишиув

Тогам кетгач, опоготам шопмўйлов фермернинг кўзига зеҳн солиб туриб, тўғрисини айт, Раҳимбой, бу далакўрмаган ошнанг сенга оғири ни ташлаб олмаяптими, ишқилиб, деб сўради.

– Нималар деяпсиз, Йўлдош ака! – дея эътиrozланди Раҳимбой фермер. – Мана, шийпоннинг ич-ташини бинойидек тоза тутиб келяпти. Дам ошпазга кўмак берса, дам пақирни кўтарвонлиб, пайкалдаги ишчиларга яхначой ичдириб юради. Ўғит омборининг калитиям унинг чўнтағида. Экиб берган ҳандалагингизни этлаб-сеплаб пишириб олганини айтмайсизми!

– Аввало, ер ажратиб берганингга минг раҳмат, – дуо оҳангода сўз қотди опоготам. – Тайёр экиб берилган ҳандалакни пиширволиш қийинаканми?

– Тўғри-ю, лекин, кўрганмиз, одам тугма эпақасиз бўлса, шуниям уddyаломайди. Отақул ҳақиқий кетмончи бўпкетди, қандай чотиқ қилишни бир-икки кўрсатишм биланоқ, қолганини ўзи дўндириб ташлади. Айтдим, ҳандалак тугаса, ўрнига ерёнгоқ экволади.

– Биламан, ўғлимнинг ёмонини яшириб, яхисини ошириб гапиряпсан. Чинакам дўст шунақа бўлади. Отангга балли, Раҳимбой!

Раҳимбой фермер бир чақмоқ оққандни совуқ чойга ботириб, шимиби-шимиб юмшатди; четидан тишкаётсиб, менга кўзи тушди-ю, опоготамдан отимни суриштириб олгач, тишлиган қанднинг ярмини тумшуғимнинг тагига итқитди:

– Ол, Миттивой!

Яхши одамдан ортгани – табаррук, дейишиади. Сира жирканмасдан, каппа отиб қўяқолдим.

Суҳбат пайновланиб, гап Отақул тогамнинг бола-чақаси сал қисинди аҳволда қолганига бориб тақалди. Раҳимбой фермер бу тўғридаям ўйлаб юрган экан.

– Қирнинг этакроғига давлат “Намунавий қишлоқ” қуришни бошлаб, ҳашамдор уйларни ўн беш йил муддатли қарзга сотмоқчи бўлаётганини биласиз, Йўлдош ака, – деди у. – Шу ҳовлилардан биттасини Отақулга тўғрилаймиз, маблағи етмаса, қўллаворамиз.

Отоғотам қувончдан терисига сифмай кетди:

– Умрингдан барака топ, Раҳимбой, кўкрагинг бундан кейинам орденга тўлаверсин! Эҳтиёжманларга мана шунақа қайишиб юришинг худога хуш келгандирки, вилоятдаги тўртта энг олди фермернинг биттаси бўлтургандирсан.

Тогам иккита ҳандалак кўтариб келиб, дастурхонга қўйди; елкасини тер тузи оқартирган кулранг костюмининг чўнтағидан жанақуш пичноқча олиб, биттасини сўйишга тутинди. Ёқимли ҳид тарагиб, оғзимда сўлак кўлмаклана бошлади. Бирорларнинг чатир-чутпирлатиб нарса ейишига сукланиб ўтиришдан ортиқ азоб бораканми? Қани, ўша ҳандалакларни бир кўрсам кўрай-чи, деб полиз тарафга йўл солдим.

Полизга етгач, ўзимни атир-упа дўконига кириб қолгандек ҳис этиб, димогим яшнади. Аммо, миллион марта афуски, ширин ҳид қорин тўйдирмайди.

Шунда ҳандалакларни нимадир кемириб кўяётгани ҳақида тогам айтган гап эсимга тушки-ю, ўшандақанинг биттасини топиб, четидан зифирдайгина тишлиб кўргим кепқолди. Жўяқ ичидаги жовдироқланиб борарканман, қачондир ўртасидан ажраб кетган, бир қисми ерда могорлаб ётган пўлат қайчи диққатимни тортиб; уни оёқда четга суроётганимда, барглар қаттиқ шитирлаб, каттакон бир каламуш қаршимга отилиб чиқди. Шартта ўйлини тўсган эдим, ўткир тишиларини иршайтириб, узун тирноқларини дўлайди:

– Ҳей, итча, бурнингни фарч-ғурч тишилавол-масимдан олдин кўчингни йиғиштир! Менга яқин йўлашга барзанги кўпакларниям юраги бетламайди, ҳов!

Отоғотам билан бу ёққа келаётганимда, йўл бўйидаги тутга қўниб турган фуррап ёнидаги шеригига қараб, эҳтиёт бўл, далада бир овчи юрибди, сени отиб қўйса, болаларинг очдан ўлади, деб гапиргандек; уватда ўтлаётган кўй эса тирмашкоқ қўзичогини туртқилаб, ҳой, ҳадеб эмавермагин, ўзи бугун мазам йўқроқ, деб ҳасратлангандек бўлиб туюловуди. Ярим қадамгина наридаги каламушнинг дўқини эшитганимдан кейин, итга айланганимдан бери паррандаю ҳайвоналарнинг тилини тушуна бошлаганимга тўла ишонч ҳосил қилдим.

– Сал савлатлироқ ҳайвон қуриб кетмагандир! – деб пичинг отдим мен. – Келиб-келиб, сен сўлтаматдан қўрқаманми?

Каламушнинг баттардан жазаваси тутди:

- Йўқол деб турибман-а!
- Ўзинг капалак бўл!
- Ҳе, аттааанг, яхши гапни тушунмадинг-ку!

Энди ўзингдан ўпкала!

Чангактиш кемирувчи бурнимга сагчишга шайланганида, одамсига ҳаракат қила олишим яна асқатиб, ерда ётган қайчи бўлагини олдинги оёқларимда маҳкам тутамладим-да, бор кучим билан селпидим. Бунақасини кутмаган каламуш фафлатда қолди-ю, қайчи бўйини елка аралаш тилиб ўтганида, “Вой, энайууу!” деб чийиллаганича осмонга сакради. То ўзига келиб улгурмасидан, қайчидан энди қоқ калласига урган эдим, тап этиб йикилди, шу зайл қимирламай қолди. Бокс мусобақасидаги ҳакамдек санашга тушдим:

– Бииир, иккии, уууч, тўйурт, бееш, олтии, еттии, саккииз, тўққииз, ўйн... Нокаут!

Нарироқда бошқа каламуш ҳам писиб турган экан, шеригини қандай сулайтириб қўйганимни кўриб, шунақанги зувиллаб қочдики, аккашдан чинакамига қўрқиб, иззатимни жойига қўйгани учун уни қувалаб ўтирамадим. Фақат, ортидан дағдағалаб, хў, текинтомоқ, бошқа каламушларгаям айтиб қўй, мен бораканман, бу ерга келгандар тирик қайтмайди, деб қичқирдим.

– Раҳмат, Кучуквой ака!

– Қонхўр каламушни боплаганингиз ажаб бўлди!

– Бу мараз кеча онамизни еб қўювди. Энди ўзимиз зўргалатдан қорин тўйдириб юрибмиз...

Пастга қарасам, бир тўп қўнғизча менга гулдирос қарсак чалиб туриди.

Ё каламушнинг бор оламни титратгучи чи-йиллоқ овозидан, ё менинг қаттиқ ҳуриганимдан сергак тортганми, Отакул тоғам полизга ҳалтиллаб етиб келиб, олдимга яқинлашди. Оёғимнинг тагида шалтайиб ётган заарқунандага қўзи тушди-ю, юзига қувонч ёйилиб, э, қойилман, Миттивой, арслон бўлпкет-е, деганича исмимни олқишига қўмизаверди. Думим унчалар ликонламаганидан билдимки, бу мақтовлардан ортиқча талтайишни ўзимга эт кўрмадим.

Тоғам каламушнинг узун қуйруғидан ушлаб, шийтон сари чаққон одимлай кетди. Бораётсиб, айвонда ўтирганларга мурдани қўз-қўзлаган асно, манавинга қаранглар, бу ҳандалакхўрни Миттивой ўлдирибди, бўйини кирт чайнаб қўйибди, деб жар солди.

Гапни кўринг, бўйини чайнаганмишман! Каламуш-ку – каламуш, агар каламушга ўхшатиб пиширилган тортни олдимга қўйишсаям, бўйиндан тишлишга ҳазар қилган бўлардим. Тഫ!

Полиздан чиқаётганимда, ичимда яна ғалати жимирилаш сезилиб, бошим ўз-ўзидан тепага кўтарилиб бораётгандек бўлди. Тўхтаб, паст-баландимга назар солсан, оёғимда ўзимнинг пушти кросовкам, эгнимда қўкиш жинсидан тикилган ўша шим, ўша нимча. Мана, у қўлимдаям, бу қўлимдаям бештадан бармоқ узун-калта аскарлардек тизилиб турибди.

Севинчим ичимга сифмай, иргишилаб юбордим:

– Урееей, итлиқдан қутулдииим!

Айвондагилар, каламуш қолиб, энди тенгдан мен томонга юзланишди. Уларнинг ёнига етиб боришим биланоқ, биринчи бўлиб опоготам саволга тутди:

– Ҳей, қаердан кепқолдинг, ўзи? Бу ёқдалигимни кимдан эшитдинг?

Нима дейишни билмай, турганларнинг гоҳ унисига, гоҳ бунисига қўз гилдиратдим. Борини борича айтай десам, кучук бўлганимга бирорратаси ишониб бўпти, мени қий-қиёвлаб мазах қилишади, холос.

– Бу ердалигинги зни билмовдим, опогота, – ўнгланиб олибоқ, гап тўқишига ўтдим. – Отакул тоғамни соғиниб қолганидим, сўраб-суриштириб, топиб келдим-да... Ҳандалак ейишдан бурун бир ачомлашволайлик...

Аввал опоготам, кейин тоғам билан қулоқлашдим. Раҳимбой фермер билан қўл беруб кўришдим. Кўришиб бўлдим-у, ўтири, дастурхонга қара, дейишларини кутишига вақт сарфламай, атиги икки тиликкинаси ҳозирча бут турган ҳандалакка шартта човут солдим.

Шу маҳал тоғам бирдан кучукни эслаб қолиб, атрофга аланглади:

– Миттивооий! Миттивооий! Ҳушт, ҳушт! Ий, кучугимиз қаёқса йўқолди?

– Тирмизак қаҳрамонинг яна каламуш овлаётгандир-да, – деб кулимсиради Раҳимбой фермер. – Бор, қўлингни ювиб кел. Мехмончага ҳандалакнинг унисиниям сўйиб бер энди.

Тоғам ердаги каламушни олиб зовур тарафга улоқтириди-ю, нарироқдаги кўмма устунга ўрнатилган, баъзилар “умивалник” деб атайдиган осмакўванинг тилини тепага кўтариб-кўтариб, қўлини юва бошлади. Эээ, каламушни ушлаган қўлни совунлаб ювмайдими, деб хитландим ичимда.

Хайрият, төғамнинг келишини пойлаб ўтирамай, отоғотам дастурхондаги жанақушни олиб, иккинчи ҳандалакни ўзи сўйди.

Отақул төғам устундаги михга осилган сочиққа қўлини артиб, ортга қайтди. Келиб, тўшакка ўтиаркан, тўсатдан менга синчиланиб кўз қадади:

– Тўхта-тўхта, бу ёққа келаётib, итдан қутулдииим, деб бақиргандай бўлдингми? Сен бола, Миттивойимизни кесакбўрон қилиб ҳайдаган бўлмагин тағин?

Янги сўйилган ҳандалакнинг навбатдаги луқумини шошиб ютиб, төғамга жизғаноқландид:

– Ҳеч қанақа Миттивойни кўрмадим! Қандайдир қўнғир кучукка кесак отишдан бошқа ишим йўқми?

– Ҳей, бола, кучукни кўрмаган бўлсанг, қўнғирлигини қаёқдан билдинг? Гапир!

Тўйкус довдираб қолдим:

– Гапираман! Нима, гапиришдан қўрқади деб ўйлаяпсизми? Анави-и... Мен сизга айтсам...

– Хўш?

– Тўппа-тўғрисини айтадиган бўлсам...

Маҳалламиздаги бир ўртоғимнинг қўнғир или яқинда тўққизта бола туққанини эшитувдим. Билсам-бilmасам, кучугингиз ўша итнинг боласи. Онаси қўнғир бўлганидан кейин, боласиям қўнғир бўлмай қаёққа борарди? Энди тушундингизми?

Рахимбой фермер, бир ҳиринглаб қўйиб, ўртага гап суққани жонимга ора кирди:

– Сени соғиниб келган жиянга оқибат шуми, Отақул? Далада юрганим сайнин, турмушнинг ҳақиқиий ширинликларини англаб-англаб яйраптман, дейсан-у, асабинг ҳалиям роса жойига тушмаганга ўхшайди.

– Ўша кучукка намунча куюнмасанг! – деб қўшимча қилди отоғотам. – Балки, санғигиси келиб, товуқхона томонга кетгандир.

Полиздан нарироқда пастаккина узун бино борлигини кўрувдим, демак, товуқхона экан-да.

Шу маҳал ранги униқан дўйттини пешанага қинғир қўндирган чуваккина йигит кирза этиқда тутпроқни тўзғитганича, биз тарафга бостириб келаётгани кўринди. Рахимбой фермер димогини дўриллатиб, ана, ўша товуқхона хўжайинининг ўзиям келяпти, деди-да, унинг яқинлашишини кутмай, ўв, Мўсақўзи, йўлда қўнғир кучукка кўзинг тушмадими, деб сўроқлади. Мўсақўзи товуқбоқар айвондан тўрт-беш қадам нарида тўхтаб, йўқ, кўрмадим-а, дея бошини тебратди.

– Ке, болам, ўтириб, – деб, товуқбоқарни дастурхонга чорлади отоғотам. – Ҳандалакка ризқинг қўшилганакан.

Ўргилиб қўйдим бунақа ризқдан. Ўзи чойнакдеккина ҳандалак бўлса, шунгаям шерик топилмаса нимайди!

– Бу Мўсақўзининг ишлари беш, – ҳандалакни аллақачон вошиллата бошлаган ишчисини отоғотамга мақтай кетди Раҳимбой фермер. – Товуқхонанинг ёнига уй қуриб берганимиздан кейин бола-чақаси билан кўчиб келгани яхши бўлди. Товуқлари шу кунларда мингтадан ошди-ми-ей...

– Яқин-орада бир минг икки юзтага бориб қолади. Хотиним бир қисм товуқларга анча жўжа очтировди. Худо хоҳласа, яна очтирамиз.

– Яша, Мўсақўзи! Ишчиларимизам сени дуо қилгани қилган. Тушликка кунда-кунора товуқ сўйиб беряпсан. Лекин... тухумга қолганда, сал қизғанармишсан?

– Биласиз-ку, Раҳимбой ака, ҳафтасига фалон донадан тухум етказиб бераман деб макарончилар билан шартнома тузиб қўйганман, уч фидиракли мотоциклда келиб, ўзлари ташиб кетишиди. Ишчиларингиз шундан ортса ейди-да.

Бошинг тўйдан чиқмагур Раҳимбой фермер савобга кўмилди – товуқбоқарни қанча кўп гапга солса, мен шунча мўлроқ ҳандалак еявердим.

Вақиллаб ўтиришга берилиб, ҳандалакдан паққос қуруқ қолганини кечроқ пайқаган товуқбоқар менга бир тифланиб олиб, рўмолчада ноилож оғиз артаркан, ниҳоят, мақсадга ўтди:

– Қаранг, рўзгорда туз узилиби. Агар ортиқ-часи бўлса, бир сиқимгина бериб туринг, Отақул ака.

– Ана, ичкарига кирсанг, уч қути туз турибди, биттасини олавер, укам, – деди төғам.

– Аммо хафа бўлмагин-у, онам раҳматли бизга уқтирган бир гапни сенгаям айтиб қўяй, қўшнидан учта нарсани сўраш уят бўларкан: биринчиси – туз, иккинчиси – гугурт, учинчиси – игна. Шуларни доим керагидан ортиқ ғамлаб қўйишини ўргангин.

Куёш ёнбошлиётганида, отоғотам уйга қайтишга чоғланди. Менга қараб, сенам кетасанми, деб сўраган эди, ҳандалакка бир йўлиққанимда тузукроқ тўйиб олишдан умидимни узмай, қизиқсиз-а, отоғота, бирор кун ёнида қолмасам, Отақул төғам қаттиқ хафа бўлади-ку, дедим.

Тўғрисиям шу-да!

(Давоми. 36-бетда.)



Инсон қандай улгаяди?

Kексаларниң хотираларини тинглаганды, уларниң ёшлигидә ўт-ўланлар ўзгача ям-яшил, мевалар янам ширироқ, күёш ҳозиргидан ёрқинроқ бўлгандек тасавур уйғонади. Ўтмишда одамларниң кўпчилиги ҳам афсонавий баходир ёки салкам сахий сеҳргар бўлишгандек туюлади. Ҳақиқатдан ҳам шундаймикан? Ахир, борлиқ табиат ҳамон ўша-ўша-ку. Қолаверса, ўтган асрнинг 30-40-йиллари, умуман, яқин ўтмишда ҳам турмуш шароитлари оғир эди.

Аслида атроф-муҳит эмас, кексайгач, инсоннинг борлиқни қабул қилиши ўзгаради. Қизиқиш доираси ва қадриятлари ўзгаради. Нега шундай бўлади?

Бахтиёр ҲАЙДАРОВ

1970 йили туғилган. Мирзо Улуғбек номидаги Ўзбекистон Миллий университетининг журналистика факультетини тамомлаган. “Соҳибқироннинг қиличи”, “Маънавий қиёфа”, “Сафар олдидан сафар”, “Улуғлик мезони”, “Инсоннома”, “Ўзбекчилик” каби китоблари чоп этилган.

Сабаби, болалик чоғида воқеалар инсон учун илк бор юз беради. Улар бутун умрга хотира-рада муҳрланиб қолади. Дейлик, аксарият болалар учун отаси ёки амакиси дунёдаги энг кучли одам саналади. Биринчи синфга қадам қўйиш, мактабни битирув ҳаяжонлари, биринчи муҳаббат, биринчи бўса – буларнинг бариси хотиранинг энг ардоқли “мулк”и сифатида худди кечагидек ёдда туради.

Ҳатто болаликда мева-чева ҳамда таомлар мазаси ўзгашча туюлишининг боиси ҳам шунда. Масалан, болаликдаги бодринг ёки ҳандалакнинг одамни маст қилгудек хушбўй ҳидини камина ҳануз эслайди. Ҳозиргилари шаклан худди ўшандайку-я, лекин қадрдан ҳидиу таъми олис болаликда қолиб кетгандек...

Отам тоғли Нуриддин қишлоғининг бетакрор табиати-ю, анвойи меваларини таърифлаб чарчамайдилар. Менинг назаримда эса, дунёдаги энг ширин мевалар фақат Дархон қишлоғида етишади (боболаримиз ўтган асрнинг 50-йилларида Нуриддиндан бу ерга келиб жойлашишган, биз шу жойда туғилиб, улғайғанмиз). Эсни танигач, шу ернинг меваларини илк бор татиб кўрганмиз-да.

Йиллар ўтгани сайин ҳар бир инсон ўзгариб боради. Буни яхши биламиз. Аммо бу ерда одам улғайиши билан юз берувчи физиологик ўзгаришлар, кексайиш, соchlар сийраклашиб, оқ тушиши, кўзлардан нур ва белдан қувват кетиши назарда тутилаётгани йўқ. Гап беғубор болалик, ўзига ишонч кучли бўлган ўсмирлик даври ўз ўрнини балоғат палласига бўшатиши ҳақида кетаётир. Дунёқарааш, қадриятлар ва ҳаётий тасаввурларнинг ўзгариши

– шулар жумласидан. Айтиш керакки, бу сирли жараён ҳар тарафлама тўлиқ ўрганилмаган, изоҳлаб ҳам берилмаган.

Инсон хотирасининг гаройиб синоатлари кўп. Руҳиятшунослар махсус тадқиқот ўтказиб, кекса ёшли инсонлардан болалик, ёшлик ва ундан кейинги даврлари ҳақида сўзлаб беришларини сўрашди. Энг қизифи, кексалар ёшлигига баъзи кийган кийимларигача аниқ-тиниқ эслаганлари холда, ҳаётларининг иккинчи ярмида (масалан, 40 ёшдан сўнг) юз берган бундан-да каттарок воқеалар тўғрисида яхши эслай олишмади.

Кексаларнинг хотиralари ни тингласангиз, улар болалик йиллари ва 15–20 ёшлик пайтларидаги воқеаларни энг майда тафсилотларига қадар яхши эслашади, 30, 40 ва 50 ёшлардан кейинги давр эса “унчалик эътиборга молик бўлмаган” умумий хотиralар йиғиндисига ўшаб кетади.

Ёшликда инсон дунёни сув босса тўпигига ҳам чиқмайдигандек бир ишончни туюди. Мағрур, қизиқон ва

ҳатто исёнкорлик туйгулари шу даврга хос. Ёш инсон ўзига ёқмаган нарсани узоқ ўйлаб ўтирмасдан инкор қилиши, фикрини тўпта-тўғри билдириши, ҳамма ишни янгидан бошлиши мумкин. Таъбир жоиз бўлса, ўзини ҳар қандай тўсиқдан ошиб ўтишга қодир ҳис этади. Олдинда узундан-узоқ, порлоқ ҳамда саргузаштларга тूла йўллар ва йиллар тургандек бўлади. Баланд тоғлардан ошиш, денгизда сузиб, дунёнинг нариги чеккасига бориш ҳам мушкулга ўхшамайди...

Аслида инсоннинг ёши унинг расмий ҳужжатларида қайд этилган санага унчалик боғлиқ эмас экан. Масалан, айримлар қирқ ёшидаётқалобатли ва нуроний қиёфага кирса, баъзи одамлар эллик-олтмишида ҳам “қирчиллама” йигитдек шаҳдам бўлишади. Қисқаси, одам ташки кўринишидан қандай бўлса – ёши ҳам шундай, дейиш мумкин! Асосийси, донолар айтгани каби: “Эй фарзанд, ўзинг ёш бўлсанг-да, ақлинг қари бўлсин!”.

Ўтган кунини, ўтмишдаги ночор аҳволини, дейлик, тугиб-ўтирган ота-онасини, кечагина ўзига яхшилик қилган инсонларни унуган одам ҳеч кимда ва ҳеч қачон ижобий таассурот қолдирмайди.

Келажак (авлодлар) олдидағи масъулиятни унугиб, фақатгина бугунини ўйлаган одам тўғрисида ҳам худди шундай дейиш мумкин. Бугун бирор тайинли ишга қўл урмай туриб, кела-жақдан яхши натижани кутиш қийин.

Шу тариқа, одам улғайгани сари ижобий ёки салбий сифатлари ортиб бораверади. Бинобарин, “Одамнинг умри аввалида қилган иши умрининг охиридаги ишларига ҳам далолатдир” (Махмуд Замаҳшарий, “Нозик

*Ота-она фарзандини
ҳеч қачон ҳато
қилмасликка
ўргатишига
интилиши – беҳуда
иши. Энг яхиси,
ҳато қилишдан
қўрқмаслик ва уни
бартараф этишига
ўргатмоқ зарур.*

иборалар" асаридан). Бу, албатта, мұхит ва тарбияга бөглиқ жараён.

"Ижобий ва салбий сифатлар" деганимиз ҳам аслида инсонга "четдан қараб" берилған нисбий хүлосадир. Чүнки инсонда үз-үзини севиш түрфеси Яратған томонидан "махсус дастурланған"ға үхшайды. Йүқса, үзининг ҳақиқатан ҳам "ёмон"-лигини билған инсон қандай яшаши мүмкін? Шунингдек, унтуыш хусусиятининг инсон учун фойда-зарари ҳам деярли тенг – 50/50ни ташкил этади. Ойнинг ўн беши қоронги бұлса, ўн беши ёруғ. Фам-қайғулар, нохуш воқеа-ходисаларни хотирада "асраш"дан не наф?

Яна бир гап: болага ҳадеб: "Үзингдан катталарни хұрмат қыл, ожизларни ранжит-ма..." каби чиройли панд-насиҳаттар үқиши күтилған натижаны бермаса – ҳайратланманг. Тарбияда нұкул одобнома үқийвериши жуда камлик қила-ди. Бола катталарни қанчалик тингласа, уларнинг ҳатти-ҳаракатидан шүнчалик аниқ нусха ҳам күчиради. Дейлік, ота үз фарзанди хузурида хотинини бир мартағина сүқиши ёки юзига шатталоқ тушириши – шу захотиёқ бола онғида үчмас бўлиб муҳрланиши учун кифоя қиласи. Бу фикр фарзанди олдида эрини бехурмат қил-

ган онага ҳам тегишли, албатта. Шу боис фарзандига: "Сен бола, кимларга үхшаган тарбиясиз бўлятсан?" дейишидан аввал ҳар ким үз феъл-автори-ю, ҳатти-ҳаракатларига яхшилаб разм солса, тўғрироқ бўлади.

Табиийки, бола улғайиш давомида кўтпаб хатоларга йўл қўяди. Ота-она фарзандини ҳеч қачон хато қилмасликка ўргатишга интилиши – беҳуда иш. Энг яхшиси, хато қилишдан кўрқмаслик ва уни бартараф этишга ўргатмоқ зарур.

Болалар тезроқ улғайишни исташади. "Катта бўлсам, ундоқ қиламан, бундоқ қиламан", дея беғубор орзуга бериладилар. Аммо "умр чошгоҳи" (ўрта ёш) дан ошгач, аксинча, болалик даврларини қўмсай бошлайди.

Инсон ёши улғайган сари, болалик ва ёшлиқ ҷоғларини энг баҳтиёр кунлар сифатида эсга оладиган бўлади. Шу боис болаликда туйган таъмни сезса, ёшлиги кечган жойларга борса, ёшлиқ давридаги куй-оҳангларни тингласа, жуда ўзгача, ширин изтиробни ҳис этади.

Инсон на ўтмиш ва на келажакдан воз кеча олади. Негаки, бугунги инсон, ўтмиш ва келажак олдида бирдек масъулиятга эга. Шундайку-я, лекин **ўтмиш** хаёли ёки **келажак** орзуисига қаттиқ боғланиб, **бугунги** кун қадрини унтиш ҳам асло ярамайди. Асотирларда айтилишича, ўлим фариштаси ҳар куни инсонга беш марта рӯбару келаркан. Лекин қайси лаҳзада ўша инсоннинг жонини олишини ўзи ҳам билмас экан. Бундан умримизнинг ҳар бир дами фанимат эканлиги яқзол англашилади.



“Вақт” деган кўринмас тулпорнинг нақадар учқурлигини ёш ўтган сайн тобора яққолроқ ҳис этаверасиз. Ёшга ёш қўшилиши ва ниҳоят кексайиш – табиий жараён. Бунда ҳеч қандай ғайри-табиий синоат йўқ. Агар Яратган умр берса, кексайиш муқаррар-да.

Аммо маънавий жиҳатдан улғайиш ва етук шахсга айланиш – саноқли инсонларгагина насиб этади. Бинобарин, кексалик ҳар доим ҳам етуклик аломати саналавермайди.

“Ҳақиқий яшаш” билан “кун кўриш” (ёки шунчаки “мавжуд бўлиш”) ўргасида улкан тафовут бор. Ҳақиқий маънода яшashi учун инсонда ёруғ орзу-ниятлар бўлиши, ҳаётда ўз мақсадларини аниқ билиши ва унга астойдил интилиши керак.

Инсон улғайгани сари болалик ўйинларини тарқ этадими ёки улғайгани сабабли болаларча ўйнамай қўядими? Ҳар ҳолда, бола-чақали, ҳатто набирали “болалар” ҳам оз эмас-ку? Ҳаётда ёшгина бўлишига қарамай бамаъни, оғир-босиқ ва сермулоҳаза ШАҲСларни, аксинча, соч-соқоли оптоқ “бала бўпти қолган чоллар”ни ҳам кўриш – камёб ҳолат эмас. Демак, шунчаки кексайиш учун алоҳида истеъодод ёки қобилиятнинг зарурати йўқ...

Ўзинг ва атрофдагилар учун янги-янги имкониятлар кашф этмоқ, одамларнинг оғирини енгил қилмоқ, ўз баҳтини ўзгалар қувончида кўра олиш – буни ЯШАШ деса бўлар! Оқил инсонлар бўлиб ўтган ишлардан афсус чекиши бефойдалигини яхши биладилар, улгурилмаган яхши ишлар учунгина афсусланиш ўринли. Ўтган умри нуқул афсус-надоматлар билан тўла кимсаларгина ўлимдан жуда кўркишади.

Бугуннинг ҳар бир дақиқасини қадрлаш, унумли фойдаланиш орқалигина мароқли хотиралар (ўтмиш) ва ёруғ эрта (келажак)ка эга бўлиш мумкин. “Инсоннинг келажаги – унинг бугунида акс этади”, деган ҳикмат жуда ўринли. Дейлик, бугун қилишингиз керак бўлган муҳим ишни турли сабабларга кўра (чарчоқ, эринчоқлик ва ҳоказо) бажармасангиз, умр дафтаридан бир кун туссиз ва мавҳум ўтмишга айланади (бирор ижобий иш қилинмаган кун эслашга

ҳам арзимайди). Сизни ташвишли “эрта” кутиб олади: чунки кечаги ишни барибир бажаришингиз шарт!

Ўтмишдаги баҳтли дамларни эслаб, келажак баҳт-саодат ҳақида ширин хаёллар суриб ҳам “баҳт зарралари”ни ҳис этиш мумкин. Бунинг учун ҳам бугуннинг ҳар бир дақиқасидан фойдалана олиш керак!

Биз ўтмишни ўзgartира олмаймиз. Келажак расмини чизганимиз билан, у айнан тасаввуримиздагидек бўладими-йўқми, билмаймиз. Шундай экан, бизга боғлиқ бўлмаган нарсанинг ҳасратида юришдан маъно борми? Шундайку-я, лекин бу асло одам беғам, беҳарракат ва лоқайд бўлиш керак, дегани эмас!

Ёш ўтган сайн ишларингизда муайян маром ва тартиб пайдо бўла бошлайди. Бир хил фаолият ҳафталар, ойлар ва йилларча давом этавергач, ўзига яраша тажриба ва ҳаётий холосаларга эга бўласиз. Аслида, мана шулар ҳам кўзга кўринмас бойлик, сармоя дейиш мумкин. Бунга яна масъулият ҳисси, хушмуомалалик ҳамда вазиятни тўғри баҳолаб иш тутиш кўнинмалири ҳам қўшилса – нур устига нур!

Энди инсонларга бошқача назар билан қарай бошлайсиз! Вазминлик, кечирим-

“Болаликка қайтишини истайман, лекин ҳозирги тажрибалар ва дунёқарашим бўлса-ю, ўзим бола бўлиб қолсан!” дега ундан ҳам баттар фантастик истакни айтишиади...

лилик, қай даражададир кенг феъл намоён бўла бошлайди. Баъзан сиз муроса қилган ҳолат учун ёшлиқда жиққамушт бўлишингиз ҳеч гап эмаслигини биласиз. Энди сиз ёш эмассиз, енгилтаклик ва қизиққонлик сизга ярашмайди. Қолаверса, энди жисмоний имкониятлар ҳам хиссиёт ҳоҳишига доим ҳам мос бўлавермайди.

Инсон ҳаёти давомида, истаса-истамаса, ҳеч бўлмаганда ҳаётий эҳтиёжлар туфайли анча-мунча суратларга тушади. Турли йилларда, ҳар хил вазиятларда тушган суратларингизга ҳеч эътибор берганмисиз? Ўсмирлик давридаги фотосуратларга қараб, одамнинг келажаги ва шахсий ҳаётидаги ютуқлари ҳақида башорат қилса бўларкан. Руҳиятшунослар, одамларнинг мактаб давридаги жуда кўтлаб фотосуратларини синчилаб ўрганиб, ана шундай холосага келишган.

Суратлардаги ғамгин қиёфа келгусида шахсий ҳаётдаги омадсизликлардан дарак беради. Фотосуратда хўмрайиб турган ўсмирлар улғайгач, ўз жуфтлари

билин бошқаларга қараганда беш марта күпроқ ажрашишаркан. “Одамлар гүёки ўз тақдирларини аввалдан сезишади!” дега хулоса қилишди олимлар. “Ичимдагини топ” хилидаги одамови инсонларнинг атрофдагилар, айниқса, ўзга жинс вакиллари билан мулоқотга киришишлари қийин бўлади. Бундай инсонлар можароли вазиятларга күпроқ тушишади. Аксинча, хушчақчақ, очиқ юзли ўсмирлар келгусида ҳам баҳсли ҳолатлардан осон чиқа оладилар.

Инсоннинг юз қиёфаси ва тана тузилишига қараб феъл-авторини ўрганувчи маҳсус фан – физиогномика (қиёфа илми) азалдан мавжуд. Бу илм, айниқса, Шарқда кенг тараққий этган. “Ранг кўр – ҳол сўр” қабилидаги мақоллар ҳам қиёфа илми хулосаларининг маҳсули, дейиш мумкин. Ишонмасангиз, суратларингизни бир солишибириб кўринг...

Юқорида “Кексайиш учун алоҳида истеъодд ёки қобилиятнинг зарурияти йўқ”, дедик. Аммо “Муносиб кексайиш – катта санъатдир”, десак, унчалик хато бўлмас. Баъзан салбий одатларини ҳануз тарқ этмаган, ҳамма нарсадан шикоят қила-верадиган кексаларни кўрганда “Фалончи яхши қаримабди” ёки “Қарид қуолмаган” каби иборалар қулоққа чалинади. Ана шуниси чатоқ-да! “Кексайиш жараёни инсоннинг ўз ихтиёри билан юз бермаганидек, қариганда юзага чиқувчи хасталиклар ҳам худди шундай. Бунинг учун одамни маломат қилиш адолатданми?” дейишингиз мумкин. Қанийди, шу даъво билангина айблар соқит бўлса!

Масалан, инсоннинг ўзида учта қучли “оғриқ қолдирувчи” восита (хусусият, фазилат)лар мавжуд. Булар – табассум, севги ва ижодий фаолият. Ана шу уч-



ҳолатда одам организми эндорфин деган гормон ишлаб чиқараркан. Бу инсонга худди қучли гиёхванд модда сингари таъсир кўрсатади: оғриқни қолдириб, кайфиятни кўтаради.

Хўш, мана шу уч хусусият кимнинг қўлидан келмайди? Ёки буларни ўрганиш учун олтмиш-етмиш ёшларни кутиш шарт эмас-ку?

Ёш улғайиб, ҳаётий тажрибалари орта боргани сари иймон-эътиқод, ҳаётнинг маъноси ва яшашдан мақсад каби саволлар хусусида кўпроқ ўйлай бошлайсиз. Дин – инсон бу саволлар устида бош қотириб, ўзини ортиқча қийнаб юрмаслиги учун тайёр восита-дир. Ҳар ҳолда, юқоридаги каби қалб тутғёнларига аниқ жавоблар бор. Масалан, ақидаларга кўра, яхшилик қилувчи инсоннинг мақоми фаришталардан ҳам юқорироқ саналади. Чунки инсонда савоб ёки гуноҳ ишга ихтиёр этиш, яъни танлаш имконияти берилган...

Шу билан бирга, олисларда қолиб кетган беғубор ёшликтини ҳануз қўмсайсиз. Мўъжиза юз берса, болаликка қайтишни истайсизку-я, лекин барибир ўзингиз бошдан кечирган тарихни айнан қайта тақорглашга асло рози бўлмайсиз. Чунки ҳар бир инсоннинг тақдир йўлида ўзи-

га яраша “оқ ва қора” йўлаклар бўлади. Ҳаётда баҳт ва баҳтсизлик, омад ва омадсизлик худди гавжум чорраҳадаги пиёдалар ўтиш йўлаги (оқ-қора “зебра”) янглиф, ўзаро ўрин алмасиб келаверади-кетаверади. Ҳатто баъзан ўша қора чизиклардан бири Сиз учун муваффақиятлар сари учиш йўлагига айланиши ҳам мумкин...

Шунинг учун ҳам баъзан тенгдошлар бир-бирларига: “Агар болаликка қайтиб қолсанг, нима қилардинг?” дега савол беришса, жавоб кўпинча мана бундай бўлади: “Болаликка қайтишни истайман, лекин ҳозирги тажрибалар ва дунёқарашим бўлса-ю, ўзим бола бўлиб қолсам!” дега ундан ҳам баттар фантастик истакни айтишади...

Бундай фикрлар энди сиз бутунлай БОШҚА ОДАМ бўлиб қолганингизни билдиради. Тўғри-да, жисм (гавда) болаликдаги соғлом ва дурқун тана эмас. Фикрлар ва дунёқараш ҳам деярли “180 градус”га ўзгарган бўлса, сиз қандай қилиб “Мен ҳамон ўша-ўшаман!” дега оласиз?

Шунга қарамай, баланд-баланд чўқи-ларни забт этишдек болаликдаги содда орзулар кўнгилнинг бир четида яшайверади. Жисм қаригани билан, кўнгил қаримайди!

Шабнам кўзларингдай мусафо...



Юлдуз ЎРМОНОВА

1995 йили туғилган.
Ўзбекистон давлат жаҳон
тиллари университети
инглиз филологияси
факультети талабаси.
Зулфия номидаги Давлат
мукофоти совриндори.
Шеър ва таржималари
адабий нашрларда эълон
қилинган.

Ожиз ишқ

Ҳаётни севади юрак-юракдан,
Дунёни кўришини орзу қилар у.
Сезади, кутади, бир қун фалакдан
Кўзларига ҳадя этилар ёгду.

Қуёшини, самони, қушларни ўйлар,
Ўзича тасвирлар тасаввурида.
Гоҳида ҳалинчак учганча куйлар,
Кимнидир асрайди қалби кўрида.

Ғурбатдан, зулматдан, ўлимдан қўрқмас,
Бенур яшашибдан-да чўчимас асло.
Аммо кўзларингни кўролмай ўтиш,
Сени кўролмаслик... Бундан мустасно!

Қўнгил кўзи очик,
Сезар ҳар оҳинг,
Негадир сен бундай бўла олмайсан.
Етти сайёрани илгар нигоҳинг,
Фақат ожиз ишқни кўра олмайсан...

Қанийди

Елкангга юрагим суяб йигласам,
Кўз ёшим кўксингга ёгса, қанийди.
Сўнг ачичқ азоблар сабрим йиқса ҳам,
Кўзларингга тўйиб боқсам, қанийди...

Юрагим чирсиллаб ёнмоқда, қара,
Сен десам кўксимга тушади олов.
Қалбимда Лайлидан қолган бир яра,
Мажнунга ёв дунё ўртамиизда гов...

Кўнглимдай яқинсан, кўнглимдай олис,
Кўнглимдан яқинроқ келсанг, қанийди.
Дилимда умиддан қолдириб бир из,
Сўнгра жонни тандан олсанг, майлийди...

Тун бўйи йигладим, тўйиб йигладим,
Йиглатдилар мени сени севмаслар.
Юракка сигмадим, ўзга сигмадим,
Рұҳим синдиримоққа уринди каслар...

Қара, яшаяпман сен учун яна,
Мени барча ўтли ҳислар танийди.
Мен сари келмасанг, қилмасман таъна,
Ўзингга яқинроқ олсанг, қанийди...

Ёлгиз сени десам ўртаниб-куйиб,
Мени ҳам бир бора эслармикансан?
Милярд одам аро нафасим туйиб,
Қайда деб, изларим излармикансан?

Қуриб кетсин азоб, қуриб кетсин жон,
Васлингга термулиб ўлсам, майлийди.
Сенга юрагимни суяб, Художон,
Тўйгунча тўқилиб олсан, қанийди...

Согинч

Автобуснинг тиниқ ойнаси
Мени минг манзилга элтади.
Салқин саболарга айланиб,
Хаёл эса сенга кетади...

Шабнам кўзларингдай мусаффо,
Дунё сендаиди кулиб бокади.
Кимга тортдим, билмайман, аммо
Юрак мудом сенга тортади...

Багри ўйиқ кекса дарахтлар,
Ийманиб бош чайқаган майса –
Баргларида шудринг ярақлар,
Сени ёдга солар, жилмайсан...

Мени олиб қочди шодумон
Дайди хаёл ва дайди орзу.
Юрагингни согиндим ёмон,
Дийдоринга тўйсайдим бир зум...

Ҳар кеч яна эслайман тақрор,
Ўйлайман-да, дунё бир камдир.
Сенда ҳам барқ урмоқда баҳор,
Айни чогда қош қорайгандир...

Тагин эслатади бу оқиом,
Эгам согинчингдан қўймасин.
Сени, ёдга солар, Андижон,
Автобуснинг тиниқ ойнаси...

Ўсмоқда

Довонда бир тог ўсмоқда,
Кўксимда бир боз ўсмоқда.
Богимда алёр унадир,
Наводил ҳар чоғ ўсмоқда.

Лаҳза-лаҳза, тунга аён,
Ой кўксиди доз ўсмоқда.
Суйганига ета олмай,
Дарди бегадоз ўсмоқда.

Ором тўзиб, юрак эзиб,
Чор томон фироқ ўсмоқда.
Ўсмай дейди ўсма каби,
Согинчлар бироқ ўсмоқда.

Дийдорлар ёнингда туриб,
Жонингдан ийроқ ўсмоқда.
Бу не синоатдир деган
Жавобсиз сўроқ ўсмоқда.

Булбулларни кўра олмай,
Паналарда зоғ ўсмоқда.
Савоб билан жой талашиб,
Кимўзар гуноҳ ўсмоқда.

Эй ёр, кўргин-а, мен сари
Довонда бир тог ўсмоқда.
Кўзларингни кўрмоқ учун
Юлдузлар уйгоқ ўсмоқда...

Ўчиргич

Қандай яшаган экан
Қадимдаги одамлар,
Ҳали ўчиргич деган
Матоҳ бўлмаган дамлар?

Ёзишгандир бехато,
Балки, барча ўша пайт.
Согинчдан битмаган ё
Ошиқлар безовта байт?

Йўқ! Асли азалдан ишқ
Ҳар дилга соя ташлар.
Бунга гувоҳдир багри
Ўйилган қоя тошлиар.

Ўша битиклар ҳануз
Йўқолмаган, кўчмаган.
Қанча қор-ёмғирларнинг
Забтидан ҳам ўчмаган!..

Дунё ўзгарган сайин,
Ўзгарди замон.
Бугун ҳамма нарсага
Топилади бир имкон.


Қоғоз қоралаб тунлар
Калб қушим учирман.
Шеър тўкилар қаламдан,
Ёқмаса – ўчирман...

Шароб ранги кетади,
Кетар сиёҳ дози ҳам.
Кетармикин, огажон,
Дилда доз қолдирса гам?!


Ўтмишда хатом бисёр,
Кўксимда алам гиж-гиж.
Бормикан хотирани
Тозаловчи ўчиргич?..




Ғафур Ғуломнинг “Шум бола” қиссасини ўқиганимизда, шу асар асосида саҳналаштирилган бадиий фильмни томоша қилганимизда ҳар сафар фильм қаҳрамонининг топқирлиги, зукколиги, шўх-шаддодлигини кўриб завқланамиз. Гарчи ёлғончилиги, шумлеклари одоб-ахлоқ қоидаларига зид бўлса-да, асар давомида унга хайриҳоҳ бўламиз. Сабаби, асарда шум бола ўзидан-да шумроқ ҳаёт билан юзма-юз келади, таъбир жоиз бўлса, беллашувга киришади.




Жаҳон адабиётида “Шум бола”нинг ошналари – ўз уйига сифмасдан ақлини кўчада таниган, ҳаёт синовларида тобланган болалар ҳақидаги асарлар талайгина. Қуйида уларнинг айримлари ҳақида маълумот беришни ният қилдик.



Жеймс Гринвуднинг “Митти жулдуурвоқи” асари – XIX аср иккинчи ярмида яшаган лондонликлар ҳаётига оид таъсири қисса. Ўгай онанинг адоқсиз жаңжалу маломатлари, калтакларидан безган саккиз яшар Жим уйдан қочиб кетишга ва саёқлик кўchasiga киришга мажбур бўлади. Ўзига қисматдош болалар билан кечаси дуч келган жойда тунаб, кундуз кунлари бозорда кун кўриб, безорилик билан шуғулланиб юради. Фақат бутунлай йўқолмаган тартиб ваadolat туйғуси уни жиноятчига айланышдан сақлаб қолади.




Луиза Мэй Олкоттнинг “Кичик эркаклар” асари – ёзувчининг ушбу туркумдаги учинчи китоби (биринчиси – “Кичкина хонимлар”). Жо ва эри бошқа мактаблар қабул қилишни рад этган болалар учун маҳсус мактаб очишиади. Уларнинг тарбияланувчилари орасида кўча мусиқачиси Нат ҳам бор эди. Кунлардан бир кун мактабда Натнинг ўртоғи – безори Дэн пайдо бўлади. Қиссада дидактик руҳ кучли бўлиб, болаларнинг характерлари яхши ифодаланган.




Фрэнсис Брет Хартинг “Даштда топилган бола” асари. Ўн бир ёшли Кларенс бегона оиласида үсиб-улгаяди ва ўз ота-онаси ҳақида ҳеч қандай маълумотга эга бўлмайди. Ҳақиқатни билгач, мустақил равишда ўз яқинларини излаб топишга уринади. У бутун мамлакат бўйлаб машақватли ва қалтис йўлга чиқади, табиийки, сафар давомида кутилмаган воқеаларга дуч келади.



Алекс Веддингнинг “Темир буқача” асари. Ўн бир ёшли қишлоқ боласи Те Ню – Темир буқача Пекин шаҳрига келади ва тажрибасизлиги туфайли илк кунданоқ фиригарлардан панд ейди. Анча пайт безорилик билан кун кечирган болакай тайинли бошпанага эга бўлгач, ҳаётида янги давр бошланади.




Редьярд Киплингнинг “Ким” асари қаҳрамони – ирланд аскарининг ўғли, Лохур кўчаларида ўсган етим бола ҳақидаги қисса. У ағон отстарининг шериги, Тибет ламасининг шогирди ёки Қиролича хизмати хуфияси қиёфаларида намоён бўлади. Бу китоб Киплингнинг кенг қамровли энг яхши асарларидан бири саналади.



Марк Твеннинг “Хекльберри Финн саргузашлари” китобини катта ёшда ўқиши янада фойдалироқ; малакали ўқувчининг кўз ўнгига саргузашт-фабула ортга чекиниб, нега бу асарни “Америка буюк романі” дейишлари сабаби ойдинлашади. Асар дунё кино усталари томонидан кўп марта экранлаштирилган.



Жоржетта Геген-Дрейфуснинг “Кичкина Жак” асари – Париж яқинидаги туғилиб ўсган болакай ҳақидаги қисса. Унинг отаси ишсиз қолиб, катта оиласини боқишга қийналади. Натижада Жак Парижга қочиб кетади. У бу шаҳарда кўплаб саргузашларни бошидан ўтказиб, уйига қайтади.



Виктор Ҳюгонинг “Гаврош”и парижлик шўх-шаддод, беғубор ва жасур болакай ҳақидаги, “Хўрланганлар” романни парчалари асосида болалар учун тайёрланган асар. Қўрқмас ва тўполнончи Гаврош воқеалар ривожи сўнгига барикадада ҳалок бўлади.

Санжар ЖАВЛОН тайёрлади.

(Давоми. Боши 13 – 26-бетларда.)



Чапчап лукум

Тонгда уйғониб қарасам, Отақул төғамнинг күрпаси йиғиб қўйилибди. Туриб, хонадан шийпоннинг айвонига чиқдим. Бир-икки керишиб олиб, эринибгина бордим-да, осмақўвада юз-қўлимни ювиб, бужур сочиқда артиндим.

Ғўнғир-ғўнғир товушларни эшитиб, шийпоннинг орқасига ўтсам, төғам бир чўтириюз киши билан узун тахта столлардан берироқдаги ўчоқ ёнида нонушта қилиб ўтириби. Тўшак олдига ёзилган дастурхонда нон, майиз, туршак, оққанд кабилар сочилиб ётарди. Төғам мени кўриб, ке, чой-пой ичвол, дейиши биланоқ ёнига тизза уриб, ишни бўш пиёлага беш чақмоқ оққанд солишдан бошладим.

– Бу – жияним Мўттивой, – пиёlamга чой қуяётиб, мени шеригига таништирди төғам. – Кеча меҳмонга келувди.

Чўтири киши фермер хўжалигининг ошпази экан, нонушта тугаганидан кейин, тушликка тарддуд кўришни бошлаб, ўчоқ бошидаги хонтахтада турган мис тогорани кўтариб келди, ичидаги сабзвотни ўртага тўкиб, дастурхондаги иккита пичоқдан бирини қўлига олди. Төғам иккинчи пичоқни ишга солишдан илгари чўнтағидан жанақушини чиқариб, бекор ўтирма, жиян, дея менга узатди. Пиёзга азалдан тобим йўқ, кўзни ачиштиради; сабзининг пўстини қалинроқ арчиб қўйсанг, катталардан гап эшитасан; картошканинг буқоқ-бутоги, кўз-кемтиги кўп; бизга шуниси ўнғайроқ деб, шолғомни танладим.

Учинчи шолғомни арчиб тугатаётганимда, “пат-пат”лаган товуш эшитилди. Алдар Холдор пайдо бўлиб, мотоциклини толнинг тагига тўхтатиб ўчирди; ерга тушиб, турган жойида кеккайган кўйи, ҳорманглар, деб дўриллади. Бу нусхани иқи суймайдиган төғам ўғирилиб ҳам қўймади, ошпаз шунчаки бош қимирлатган бўлди.

– Гулом чўмич! – деб ошпазга мурожаат қилди Алдар Холдор. – Раҳимбой қани?

Хўжайин узумзордаги хомтокчиларнинг ёнига кетувди, деган жавобни эшишиб, энди бирданига менга ёпишиди:

– Хей, бола! Фимм... Бор, Раҳимбой тоғангни чақириб кел.

Тўнгланганидан фашим қўзиб, илтимосми бу, деб чимирилган эдим, у довдирашдан тили гулала бўлиб, фимм... сени қара-ю... институтни тамомлаб, тасодифан устимга бошлиқ бўлвоссанг, ана ўшанда илтимос қилиб гапираман, деб кариллади.

Тоғамдан узумзорнинг қаёқдалигини суриштирудим. У бўлса, сенга тушунтириб ўтиргунча ўзим бориб келақоламан, дея жойидан туриб, йўлга тушди. Билдимки, Алдар Холдорнинг соясиниям кўргиси йўқ.

Отақул тоғам кетгач, Алдар Холдор битта-битта одимлаб келиб, Гулом ошпазга кўрсайиб қўл узатди, мен билан ҳам бармок учida кўришган бўлди; тўшакка чўкиб, чойнақдан ўзига чой қуиди; майизга очофатларча чангал солиб, думидаги чўпларни юлиб ўтирумай, бирваракайига нос отиш қилди.

Тоғамнинг душмани тўғримда тарвайиб ўтирганидан тихирланиб, жанақушни дастурхонга ирғитдим-да, туриб, ҳовуз томонга кета бошладим. Мотоциклнинг ёнидан ўтаётib, қажавага ташлаб қўйилган картон қутига кўз қиримда қарасам, устига ёпиширилган ёрлиққа “Чапчап луқум” деб ёзиб қўйилиби. Биламан, бу Қўконда чиқариладиган, дўконлардан топиш мушкул бўлган энг машҳур шоколаднинг номи. Дадам туғилган кунимда мени худди шунақа ширинлик билан сийлаган эди. Расмдафтарни эслатувчи гулдор кутичани очсангиз, ичидаги чукурчаларда роппа-роса ўн бешта юм-юмалоқ шоколад терилиб турган бўлади. Биттасини ҳовриниб-ҳовриниб тишлаб кўрасиз. Қаҳваранг шоколаднинг қатидаги оппоқ қиём тилингизда шунақанги вижвижланиб эрий бошлайдики!

Оғзим сувлашиб, хушим алғовланди-ю, ошпаз билан Алдар Холдор бу тарафга тескари ўтирганидан фойдаланиб, картон қутига боғланган ипнинг боғичини қандай тортганимни билмай қолибман. Очиб кўрсам, гулдор қоғоз қутичалар устма-уст тахланиб ётибди-да.

Мени қинғиркўлликда айблашдан бурун ўрнимга ўзингизни қўйиб кўринг. Шунда кар-

тон қутини таг-туги билан кўтарган асно зовур ёқасидаги дўнгнинг ортига ўтиб боришга қай йўсинда ботинганимдан таажжубланиб ўтирамсангиз керак. Қолаверса, бирорларни шилиб кун кечиравчи эгри кимсани қоқлаш, балки, тўғриликнинг ўчи ҳисобланар.

Каллам тегирмондек гулдираб ишлади. Шоколадли кутичаларни бўйчанланиб ўсган сассиқкўмпалар орасига тўкиб, иси сезилмайдиган шувоқларни томир-помири билан юла-юла, картон қутига зичлаб босдим. Тоғам кеча ирғитиб юборган каламушнинг ўлиги шу ерга келиб тушган экан, униям шувоқларнинг тепасига ташладим. Кейин, картон қутининг ипини аслидагидек қилиб боғладим-у, паналаб борганимча, мотоциклнинг кажавасига қўйиб қўйдим.

Қаёққа ғойиб бўлганимни суриштириб ўтиришмасин деб, шийпоннинг биқинида тахланиб ётган ўтиналардан бир қучогини кўтариб олдим-да, ўчоқнинг ёнига элтиб тўқдим.

– Э, балли! – деб алқади Гулом ошпаз. – Энди ҷеговни олиб, қозонга сув қуй. Оғзига томизсанг, ўликниям тирилтирадиган зўр қайнатма шўрва қилайлик бугун.

Қирқ литрли алюмин бидоннинг қопқоғини очиб, ичидаги сувни каттакон чўмичда қозонга қуийшга тутинганимда, тоғам Раҳимбой фермер билан қўшоқланиб кепқолди. Алдар Холдор пишиллаб ўрнидан туриб, фермерга қўл узатаркан, на салом-алиқ, на ҳол-ахвол сўраш бор, бирданига таъбеҳлашга ўтди:

– Бээ, тўйга борадиган одам тузукроқ кийиниб олмайдими!

Раҳимбой фермер мўйлов силаётиб, қанақа тўйни гапириятсиз, деб сўраса, Алдар Холдор кўксини шотиrintириб, ие, уюшма раиси неварасини “kestираётгани” эсингдан чиқдими, деб дўнгиллади.

– Мени тўйга айтибдими? – деди фермер.

– Уюшмадаги йиғилишда микрофонни жаранглатиб, ҳамма фермер ётпасига тўйга, деди-ку! Фимм...

– Ётпасига тўйга дейишни маҳалланинг сартарошига чиқарган. Мен бу қишлоқда яшайман, раисингиз у қишлоқда туради.

– Бормайман демоқчимисан?

– Тайнинлаб айтилмаган жойга қандай бораман?

– Фимм... Жуда иззатталаб бўлпетибсан. Майли, унда, атаганингни узат, раисга ўзим бирор баҳона тўқиб қўярман.

Рахимбой фермер истеъзоли жилмайиб, раисимиз яна тўй қилиб қолар, мени алоҳида айтадиган бўлса, атаганимни ўшанда берарман, деган эди, Алдар Холдорнинг энсаси қотиб, ўзинг биласан, деб, аразланган турхатда ортга бурилди.

Ичи шувоқча тўлдирилиб, каламушнинг ўлиги ҳам тиқиб қўйилган картон қути Алдар Холдор билан бирга мотоциклнинг кажавасида кетди.

Рахимбой фермер банкда зарур иши борлигини айтиб, оқ “Нексия”сида туман марказига йўл олди. “Нексия” у томонда кўздан йўқолди-ю, бу томонда узун таёқ ушлаволиб, ҳу, ҳаромзода, мана кўрасан, ўзингниям ҳайдаб соламан, болаларингниям, деб жизғинланган кўйи қора мушукни физзо-ғиз қувиб келаётган Мўсақўзи товуқбоқар кўринди. Кўлимдаги чўмични ташлаб, йўл тарафга юргурдим. Мушукнинг олдини тўсишга улгуролмаган бўлсан-да, “Афросиёб” поезди мисол шувиллаб келиб, ёнимдан гуптулагандек сўкиниб ўтиб кетган товуқбоқарнинг вагонига айланганимча, ортидан такира-тукурлаб боравердим.

Товуқбоқар охири чарчаб тўхтади, таёғини четга отиб, ҳансираган алпозда изига қайтди. Унга эргашмоқчи бўлганимда, танам бир жимирлаб олиб, қаддим ўз-ўзидан пастлайверди. Бошим ерга тегай-тегай деганида, мундоқ қарасам, яна ўша қўнғир тукли қўлларга таяниб турибман-да.

Бу қанақаси? Ёмон эрмак бўлдим-ку! Ё кечадан бери туш кўрятманми?

Шунда Сангин тандирчининг қарфиши қайтадан ёдимга тушди: “Сени худойим ўзи жазоласин – ярим одам, ярим ит бўлиб ўтиб кет!”. Бари тушунарли! Бундан бу ёғига бир итга, бир одамга дўниб, аросатда юравераман, чамаси.

Мунгли ингиллаб қўйиб, Мўсақўзи товуқбоқарнинг кетидан эмакладим.

Тоғам, дили хижилланиб қайтаётган товуқбоқарга қараб, “бояги мушук...” дея эндиғина гап бошлиған эди, менга кўзи тушиб, кувониб кетди:

– Ийе, шу ерда экансан-ку, Миттивой! Қорин қалай, қорин? Ма, кучи-кучи, ҳозирча шуни еб тур-чи. Шўрва пишса, товуқларнинг бор суюги ўзингга қолади.

Шу топда хаёлим ҳам, кўнглим ҳам шоколадда бўлгани учун, олдимга ташланган нон бурдасини истамайгина кавшадим.

Бу орада Фулом ошпаз товуқбоқарни сўроқча тута бошлади:

– Тинчликми, Мўсақўзи? Мушугинг қалтисроқ иш кўрсатдими дейман?

– Товуқхонага ўғриликка тушиб, битта хўрзни пок-покиза уриб қўйибди-я, – деб гижинди товуқбоқар. – Хўрзнинг кўзтиконлар орасида тўзғиб ётган патларию чирт узилган калласини кўрмасам, бехабар юраверар эканман. Сўйилган товуқларнинг ичак-чавогини доим шу лаънатига илинаман, еттита боласини атроғига тўплаволиб, бурнидан чиққунча ейди. Шунгаям қаноат қилмаганини қаранг.

– Мушук жўжани ейиши мумкин, – деди ошпаз. – Аммо-лекин хўрз тугул, товуққаям дап қилолмайди. Хўрзингни нима еб кетганини аниқ билмай туриб, мушукка чакки жабр қипсан-да.

Тўсатдан тоғамнинг эсига тущим, шекилли, битта ўзинг қайтдинг, нима бало, жияним ҳалиям мушукни қувиб юрибдими, деб сўради товуқбоқардан.

– Билмадим, – деб елка қисди товуқбоқар. – Ўзи, сизга қанақа жиян бу бола?

– Опам раҳматлининг ўғли, – туйқус ҳазин тортди тоғам. – Опам ёмонроқ дардга чалиниб бандалик қилганида, Мўттивой икки ёшгаям тўлмаганиди. Ўшандан бери бувиси билан турди. Поччам тоғдаги конда ишлайди, онда-сонда келиб, онасига тул-мул ташлаб кетади. Кон томондан бирорта аёлни топиб-нетволган бўлса билмадим-у, уйланиди деган гапни эшитганимиз йўқ.

Товуқбоқар мавзуни бошқа ёқقا буриб, айтгандай, ўзингизда болалардан нечта эди, деб сўраганди, тоғам бир хўрсинволиб, иккита қизим бор, каттаси тўртингини битирди, деди.

Ошпаз ҳам гапга аралашди:

– Уларни кўриб-нетиб турибсанми, ишқилиб?

– Бола бўлади-ю, кўрмасдан бўларканми? – деб кўксини сийпалади тоғам. – Ўтган куни ҳандалакни сотиб, уларга харажат ташлаб келдим. Хотинимга анча-мунча тул ҳам бериб қўйдим. Қайнотам жа бошқача одам-да, бу томондагилардан ташвиш тортманг, куёв, ўзингиз қийналаб қолмасангиз бўлгани, дейди.

– Ташвиш тортма деб тўғри айтиди бара-ка топкур, – дея тоғамнинг кўнглини кўтарди ошпаз. – Қайнотанг ўзига тинч киши. Қайноганг ҳам топармон-тутармон йигитлардан. Болаларингни ҳеч нарсага зориқтириб қўйишмайди. Мана, қора меҳнатдан қочмай, ёлчитиб ишлаётган экансан, мени айтди дерсан, ҳадемай ўзингниям ишларинг юришиб кетади, иншаолло.

Бир куни маҳмаданалигим тутиб, алоҳида уй бўлганидан кейин, тоғам ҳам болаларининг олдига бориб яшайвермайдими, деб кексақорилансам, эркак киши учун, айниқса, қўли юпқа эркак учун қайнотага ичкуёв бўлиб юришдан оғири йўқ, деб жавоб қилганиди бувим.

Қозонга ўт ёқилаётган чоғда Отакул тоғам мени яна эсга олди, йўлга чиқиб бориб, теваракка аланглади:

– Мўттивой! Хў, Мўттивой!

Оргта қайтиб келганидан сўнг, бу бола тайёр овқатни ташлаб, уйга кетворганга ўхшайди, дея афусланиб бош тебратди.

Қаёққа кетардим? Оёғининг тагида турганимни билмаса, нима қиласай?

Тоғам “тайёр овқат” деган сўзни ишлатгандадек, шоколадлар лоп этиб кўз олдимга келувди, писмайганча ўрмалаб бориб, зовур ёқасидаги дўнгнинг орқасига ўтдим. Керакли жойда тўхтаб, тўрт томонга зийракланиб разм солдим-у, шоколадли қутичалардан бирини тирноқлаб йиртдим...

Қолганини мен айтмай, сиз эшишиб, қуруқ ютинишдан қийналманг.

Чапчап луқумнинг учинчисини филқилла-таётганимда, нимадир шитирлагандек бўлди. Қулогим ўз-ўзидан динкайиб кетди. Сассиқкўм-палардан бири хиёл тебранганидан янаям сергакланиб, секингина бориб қарасам, ҳалиги қора мушук билакчаларига ияқ тираб, маъюс чўзилиб ётиби. Кўзларида жиққа ёш.

Мени қўриб-ла, қочишга шайланганида, қўрқма, мушукларда ҳеч қанақа қасдим йўқ, деб, шаҳдидан қайтардим.

– Шунақа дейсан-у, қайси итга йўлиқма, қасди бор-йўқлигини ўйлаб ўтирамай, акиллаб қувишга тушади.

– Мени қаёқдаги шилдирвоқи итларга тенглаштирма, – деб зардаланган бўлдим. – Ундан кўра, эганга қанақа ёмонлик қилганингдан гапирсанг-чи.

Мушук йигламсираб мингирилашни бошлади:

– Алдаётган бўлсам, тил тортмай ўлай.

Эгамга ҳеч қанақа ёмонлик қилганим йўқ. Мени нимага калтакламоқчи бўлди, сира тагига етолмаяпман.

– Товуқхонага ўғриликка тушибсан-ку! Фажиб ташланган хўрозвининг патларини эганг тиконзордан топволибди.

– Вой! Бунақа иғвони ким тарқатибди? – анграйиб сўради қора мушук.

Одамлиқдан итга эврилиб қолганим, итилигимда жониворларнидан ташқари инсонларнинг тилини ҳам тушунаверишим тўғрисида мушукка эзмаланиб ўтирамай, эшиганимни гапиряпман-да, деб қўявердим.

Мушук биргас ўйланиб туриб, топдим, ким ўғирлаганини топдим, дея тўлқинланиб типирчиланди.

Унинг айтишича, Пихпих Чандр деган ўғри мушук бор экан. У баттол, эганг берган овқатнинг teng ярмини менга асраб қўймасанг, ўзингниям, болаларингниям бўғиб ташлайман, деб қора мушукка солиқ соглан экан; қорни очганида келиб, тегишли улушкини еб кетаркан.

– Бундай йиртқичлик битта ўшанинг қўлидан келади, – деди қора мушук. – Сен нима бўтсан, ҳатто бир касалманд тулкиниям бўғизлаб тинчтитганман, деб мақтанганиди.

Таскин бергим келиб, кўп эзилаверма, эганг жаҳлидан тушиб қолар, десам, ўзим-ку бир кунимни қўриб кетарман, болаларимниям ҳайдаб юборса, қаёққа бош уради боёқишилар, деб титранди қора мушук.

– Нима, болаларинг эмизиклими?

– Сутдан чиқишган. Лекин уларни сира қўзим қиймайди, энди ўзларингни эплайверинглар, дейишга тилим бормаяпти.

Бу бечорани ўзим қўллаб юбормасам бўлмайди-ёв, деб тугиндим ичимда. Аммо қандай қилиб?

Турмушда неччи марта кўрганман – мия яхшилаб ишлатилса, ўлимдан бўлак ҳамма нарсанинг иложи топилади. Мияни яхши ишлатиш учун нима қилиш керак – ҳеч бўлмаса, шоколад ейиш керак!

Бу ёққа юр, деб қора мушукни шоколаднинг олдига бошлаб бордим. Чапчап луқумдан биттасини қофоз қутичанинг чуқурчасидан тирноқда суриб чиқариб, аввал тумшуққа илинтиридим, кейин бошимни баландга кўтариб, оғзимга юмалатдим. Дунёдаги бор ҳузур-ҳаловат ичимда тўпланаётгандек бўлди. Мушукка тантиланиб қараб, ол, тортинма, Миттивойнинг даврида бир чапчап луқум есанг ебсан-да, дедим.

Қора мушук шоколадлардан бирини ийманибгина олди, сал ялаб қўриб, роҳатдан кўзлари сузилди.

– Маззами? – деб тиржайдим. – Ўртогим кучук – еганим чучук, деганакан... бир пучук.

Қизиқчилгимдан қора мушукнинг кулгиси қистаб, майингина пиҳиллаб қўйди-да, ерга узала тушиб, шоколадни панжалари орасига қисганича, шошмасдан ялашга кириши. Орада тўхталиб, бир устки, бир остки лабини тилида тозалаб-тозалаб ҳам қўяди.

Э, доғман! Шунақа имиллоқлик билан тирикчилик қилиб бўларканми? Топилдими, шаппа-шуппа ургин-қўйгин. Йўқса, Пихпих Чандрга ўхшаган қудуқкоринлар олдингдагини шип-шипанг сутуриб кетади.

Одамлигимда турли жонзотларни қийратиб яйрар эдим; итга айланганимдан буён уларнинг қийналиб-қийналиб турмуш кечиришини кўриб, буни қисман ўз бошимдан ҳам ўтказиб, шўрликларга тобора раҳмим келишни бошлади. Раҳмимни қўзитгани сайин, кўнглимга қариндошлардек яқин бўлиб бораётганди улар.

Пихпих Чандр жаноблари

Қани, у ёқдаги аҳволниям билайлик-чи, деб товуқхона томонга юрдим. Қора мушук тиззасини қалтиратиб, ортимдан қўзгалди.

Борсак, еттов мушукча очик айвонли уй ёнидаги тандир остида, бир-бирининг пинжига кирганича, мўлтироқланиб ётибди. Оналарини кўриб, иргишлай-иргышлай, қучоfiga отилишиди.

Мўсақўзи товуқбоқарнинг хотини тандирдан нарироқда кир ювиб ўтирар, учга тўлиб-тўлмаган қизчаси унинг ёнига чўнқайвониб, кичкина мислаганда рўмолча чайиш билан банд эди. Улар юмушдан тўхтаб, она-бola мушукларнинг ачом-ачомини завқланиб кузата бошлиши.

– Қорабека, Қорабека! – деб илжайди қизалоқ.

Шу паллада Мўсақўзи товуқбоқар шийпондан қайтиб келиб қолди. Қорабекани кўриб, ҳе, ўша сендақангি болапарвардан ўргилдим, деб ердан кесак олаётганида, хотини тутоқиб кетиб, ҳой, сўлоқмондай одам дўтпидек мушукка намунча ўчакишмасангиз, деб саннаб берди.

– Бу ўғрининг ёнини олма!

– Қанақасига ўғри бўларкан? Мундоқ ўйлаб гапиринг-да, дадаси. Мана шу қилтириқнинг хўрозга кучи етарканми?

Қизалоқ: “Мушугим ўғримас!” деб гапга аралашган эди, Мўсақўзи товуқбоқар унга эътибор бермай, хотинига ўшқириди:

– Хўрозни шу мушугинг емаган бўлса, ким еди? Сенми?

– Ҳа, мен едим заҳримга! Қутулдимми? Боринг, уйга кириб, чойингизни ичинг.

– Чойни шийпонда ичаман, – деди товуқбоқар. – Қозонга ўт қаланди, тузланган товуқларни вақтида элтиб берай.

Хозирга келиб, бу кичик оила ҳар хил ғиди-бидиларга тўлиб ётгандек кўринаётган бўлса-да, Фулом ошпазнинг айтишича, Мўсақўзи товуқбоқар синфдош хотинига мажнунланиб юриб уйланган экан. Севгилисига ҳатто дарс пайтидаям тинчлик бермай, ишқий сўзлар битилган қофозларни қаторлатиб итқитавергач, уни охири “А” синфдан “Б” синфга сургун қилишибди. Мислсиз ўртанишлар йигитчани тўсатдан шоирга айлантирибди-ю, умрида биринчи ва сўнгги марта шеър тўқиб, уни мактаб кутубхонасининг столига ўйиб ёзишга мажбур бўлиби:

*Сени ишқинг мени тўјдек учиртириди,
“А” синфдан “Б” синфга кўчиртириди!*

Мўсақўзи товуқбоқар уйдан усти бўз матода ёпилган тунука тогорани кўтариб чиқиб, яна шийпон сари йўналди.

Қорабека енгил тин олди. Юринглар, очқаб қолгандирсизлар, дея мушукчаларни ўзига эргаштиаркан, ўгирилиб боқиб, мени ҳам ўша ёққа имлади.

Қувноқ мушукчалар онасининг ортидан тизилиб, аскарлардек бир хил одимлаганча, жўрликда куйлаб борарди:

*Овқат еймиз,
Катта бўламиз.
Овқат емасак,
Латта бўламиз...*

Унинг орқасига ўтиб қарасам, чойхонадаги паловхўрлар ишлатадиган, чети сал синиб, сирлари кўчиб кетган катта сопол оштовоқда товуқ қолдиқлари айниган мошхўрдага аралашиб ётибди. Кўнглим озаётганини билдирамасликка тиришиб, ўзларинг еяверинглар, мен тўқман, деб бўйнимни қашлашга тутиндим.

Она-бola мушуклар эндиғина тамаддиланишга киришганида, “Ош бўлсин, пих!” деган товуш эшитилди; басти менга бир яримта кела-диган семиз малла бароқ шохи тарвақайлаган бандидевоналар орасидан олифтанамо қийпанглаб чиқиб, ола кўзини косачада айланаётган соққадек филдиратди. Илгари кўрмаган бўлсан

ҳам, унинг кимлигини тезда фаҳмлаб олдим – Пихтих Чандр! Зоти олифталари!

Она-бала мушуклар овқат чайнашдан тўхтаб, тошқотма шаклида туриб қолишиди.

– Хуш кўрдик, Пихтих Чандр жаноблари! – деб илтифотланди, ниҳоят ўзига келган Қорабека. – Ҳақингизга текканимиз йўқ, бир четидан озгина татиб турувдик.

Ўғри мушук менга чақчайиб қараб қўйиб, бу иллати ким бўлди, деб сўраган эди, Қорабеканинг тили тутилиб, бу... бу... Миттивой... шунчаки та... та... танишим, дея дудуқланишга тушди.

Пихтих Чандр кўзларини ғазабли чақнатди:

– Бошқа кўримлироқ ҳайвон йитиб кетганми? Келиб-келиб, ит билан танишасанми, калла-варам?

– Бу – кучук-ку ҳали, Пихтих Чандр жаноблари.

– Пих! Эрта-индин барибир ит бўлади!

Пихтих Чандр сопол товоққа яқинлашиб, таомнинг у ер-бу ерини ҳидлаб кўрди. Сўнг менга ҳадикли тикилиб, пих, ўзинг кетаверасанми, ё ачангнинг уйигача кузатиб қўяйми, деб ўқрайди.

Хиёл сескангандек бўлсанм-да, саккизинчида ўқийдиганларгаям гапини бермай юрган мендек гажирни ҳуркитиш осон бўйтими, деб ўйладим-у, Пихтих Чандрнинг кўзига тик боқдим; товуқхонадан хўroz ўғирлаб, Қорабеканиям балога қолдирганинг учун ўзингни арчиб қўймасимдан шиппагингни судра, дедим ириллаб.

– Ўзинг ўғрисан! – деб бурун учирди Пихтих Чандр. – Юмдалашишга баҳона ахтараётган бўлсанг, юр, чеккароққа ўтайлик.

Сўлқиллаб одимлаётган Пихтих Чандрнинг ортидан чимлоққа чиқиб бораётганимда, жийдага қўниб турган жаққи чумчуқ “Чиқ-чиқчиқ! Ҳооой, бу ёққа келинглар, зўр мушт-мушт бошланади ҳозир!” деб чириқлай кетди. Ён-атрофдаги пахта пайкали, буғдойпоя, полиззор у ёқда турсин, узоқдаги боғу узумзорларда юрган чумчуғу тўргайлар, майнаю фурраклар, мусичаю қалдирғочлар, қизилиштону потишаклар ҳам тирро-тир ётирилиб келиб, жийданинг устини булатдек қоплади; теварак чигирткаю қўнғиз, қирқоёғу ўргимчақ, бузоқ-бошию калтакесакка тўлди; арию капалаклар, пашшаю чивинлар галаси бошимиз узратинимсиз айланишга тушди; ҳатто ўта интизомли чумолилар ишини буткул йиғишириб,

бўлажак олишувдан кўнгил узолмай, қизилмиялар шохидаги ғужланди. Бўртиққўз қурбақа чирмовуқланиб ўсган оқпечакнинг салқинида талтайди. Чувалчанглар ер кавагидан боштиккайтирди.

– Янаям берироқ кел, акаси бўйидан, – деб мени мазаҳлади Пихтих Чандр. – Энди тумшугингни бўёққа тўғрилаб тур.

Шундай деди-ю, кутилмаганда тумшугимга калла солди. Орқага юмалаб йиқилиб, бирпас масовсираб қолдим. Энди гина туратганимда, ҳавода кўндаланг учиб келиб, иккала оёғида кўкрагимга тепди. Яна чалпайиб йиқилдим.

– Ваҳ! Ўзимизнинг тепишдан қилди-ку! – деб чириллади бир чигиртка.

– Сакраши барибир менинидан суст, – деб писандисизланди қурбақа.

Учинчи ҳужум оч биқинимга тепки ейишим билан тугади, нафасим қисилиб, кўзимнинг олди қоронғилашди. Ингиллаб, ерга чўзилдим.

Атрофда турғанларнинг бири менга жон тортиб, “ух-ух”лаб қўйса, бошқаси танг аҳволимга боқиб, кинояли ҳиринглади. Яқин орада бунақа ўсал бўлмаганидим.

Пихтих Чандр устимга келиб, ғолибона тиржайди:

– Пих! Шу ёғиям етар дейман, қилтаноқ полвон?

Қорабека сингари мушукчалар ҳам суробимга ачинқираб термилаётганини кўриб, ичимни булдуруқ босди.

Шу маҳал боксчилигим бирдан эсимга тушиб қолди. Ҳо ишонинг, ҳо ишонманг, кузнинг ўрталарида мактабдаги бокс тўгарагига бир кунмас, икки кунмас, ротпа-роса уч кун қатнаганман. Агар беаёв дўтпослаётган тажрибали рақибимнинг қулоғидан тишлаб олганим учун мураббий мени олдига солиб ҳайдамаганида, эринмай ўнён беш кун қатнашгаям тоқатим етган бўларди.

Ўшанда мураббий мени ўринсиз хафа қилди. Ўзингиз айтинг-чи, рақибининг қулоғидан тишлаш америкалик Тайсонга мумкин-у, ўзбекистонлик Мўттивойга нега мумкин бўлмас экан? Америкаликнинг ўзбекдан нимаси ортиқ, тўртта кўзи борми?

Боксга уч кунгина борган бўлсанм ҳам, энг кераклисини – мураббийимиз мақтаниб, буни ўзим ўйлаб топғанман, деб айтган “учзарба” билан “бешзарба”ни ўрганиб улгурган эдим. Икковиям ниҳоятда олатасир усул!



Учзарбада рақибни олдин ўнг, кейин чап күлда енгил-енгил нүқилаб, охирда ўнг күл билан қаттиқ мушт тортилади – гуп-гуп, гупанг! Бешзарбада чапдан, ўнгдан, тағин чапдан хомаки урилиб, кетидан ўнг күлда бошга, чап күлда биқинга қаратиб аямасдан солинади – гуп-гуп-гуп, гупанг-гупанг!

Гавдам кичик бўлсаям, умрида бокс тўгаргини кўрмаган ўфри мушукдан ўлсам ўлигим ортиқ, деб ҳаволандим-у, баланд руҳда жойимдан кўтарилиб, иккала оёғимда тик турганча, қўшалоқ муштумимни жагимнинг остига тирадим. Ҳайвонлар ўртасидаги беллашувнинг бундай янгича усулини биринчи бор кўраётган томошибинлар даврасида фала-ғовур бошланди.

Пихтих Чандр ҳам аввалига файриҳайвоний туришимдан сал ҳайратлангандек бўлди, сўнг ваҳимали пихиллаб олиб, бор бости билан менга ташланди. Олдин учзарбани қўллаб кўрдим – гуп-гуп, гупанг! Гуп-гуп, гупанг!

Пихтих Чандр бир қалқиб кетди. Кўзлари филайланиб, бошини қаттиқ-қаттиқ силкитди.
– Бииир, иккии, ууч, тўйурт, бееш...

Рақибим хушини йигиб, қайтадан менга яқинлашди. Йўқ, бу нокаут эмас, шунчаки нокдаун, деб қўйдим ичимда.

Пихтих Чандр кўзи қонсираган важоҳатда устимга отилди. Бу гал қўрқиши хәёлимгаям келтирмай, энди бешзарбани кетма-кетлатиб ишга солдим – гуп-гуп-гуп, гупанг-гупанг! Гуп-гуп-гуп, гупанг-гупанг! Гуп-гуп-гуп, гупанг-гупанг! Гупанг!!!

Бир зумда масала ҳал бўлди-қолди – Пихтих Чандр гандираклаган асно орқага иланг-билинг тисарилиб бориб, шилқ этиб йиқилди. Бош кўтаришга уриниши зое кетди. Теваракдан “Ваҳов! Бай-бай-бай!” деган товушлар таралди. Чирмашқоқ оқпечакнинг остида оғзи ланг очилиб турган қурбақага қараб: “Ағдар, кабобинг куймасин!” деб писандаладим.

Маҳалламиизда шунаقا ҳазил бор – кимдир анграйиб туриб қолса, бунаقا узоқ анқайма, агар ҳозир кабоб пишираётган бўлсанг, куйдирив юборардинг, деган маънода шу қочиримни қўллашади. Қизик! Буни биринчи бўлиб ким топиб айтганикин?!

Ўзини сал ўнглаб олган Пихтих Чандр жагини ўнг-чапта қимирлатиб кўриб, аранг ўрнидан тургач, менга ўчили кўз қадаб, кўп гердайма, сен билан бўлак жойда гаплашамиз ҳали, деб тиш фижирлатди; теваракдагиларга ҳам ола-кула аланглаб қўйиб, сассиқкўмпалар орасида ғойиб бўлди.

Томошабинлар, буниси иргишилаб, униси гижинглаб, қий-чув қўтаришиди; биридан бири ошириб-тошириб, мени мақтай кетишиди.

Жониворлар бозор-дўконда изгиб, емиш танлаб юрмайди, қўлига нима илинса, ўшани кавшайди. Шу боис улар пул деган нарсанинг нималигиниям билмайди. Йўқса, бошимдан жарақ-жарақ пул сочишмасмиди шу топда!

Товламачининг хазинаси

Ишчиларнинг тушлигидан ортган товуқ суюклиридан бир-иккитасини ғажиб кўрдим, меъдамга ботмади. Акиллаб Қорабекани чақирдим, мушукчалари билан етиб келди, иккита қутичадаги чатчап луқумни хашиб-паш дегунча хомютди қилдик. Шундан кейин у томондагилардан ҳам хабар олиб қўяй деб кун тиккадан ўтганида қишлоққа қараб йўл солдим.

Отоғотамнига кирсам, чўққисоқол қўшниси билан у ёқ-бу ёқдан гаплашиб, томорқадаги анорларнинг меваси етилиб оғирлашишидан олдин, нозикроқ шохлар остига айри тираф юришибди. Отоғотам мени қўриб-ла, уйингни топиб келдингми, Миттивой, дея, уватга ёйиб қўйилган, устида чойнак-пиёла, нон, ширинликлар турган чорсидан битта печакқанд олиб, олдимга ташлади. Чатчап луқумга тенг келмасаям, буям бир ризқ-да, деб таъми қотган нишолдани эслатувчи оппоқ печакқандга тумшуқ югуртирдим.

– Хуллас, хотиним бориб, ўша тул кампир билан гаплашиб қўрибди, – дея сўзини бўлинган жойидан давом эттириди чўққисоқол киши.
– Йўлдош акани биламан, ҳалол-босиқ одам, лекин эрга тегаман дейишга бетим чидайдими, болаларим эрмак қилишмайдими, деб кўнмабди кампир.

Отоғотам қадрдонига ройишли юзланиб деди:

– Майли, ёзиқда борини кўрармиз, ўртоқ. Кампиринг ҳам менга хотин ахтаравериб, чарчаб кетди. Айтиб қўй, энди уринишини бас қиласин.

Анавини қаранг, опоғотам тушмагур янгитдан куёвтўра бўлиб, шойи чимилдиққа кирмоқ-

чи, шекилли? Олтмишдан ошган одамга никоҳ ўқиб, панд-насиҳат айтиб қўйиш учун, камида юзга борган муллани топиш керак бўлади-я.

Кўриб турибман, кампир масаласини ҳисобга олмаганда, опоготамнинг ишлари жойида. Бориб, бувимниям бир йўқлайин энди.

Кетаётib, Алдар Холдорнинг дарвозаси олдида кўк мотоциклдан ташқари, мошранг “Спарк” автомобили ҳам турганига кўзим тушди-ю, негадир ичкарига назар ташлаб қўйгим келди. Темир дарвазанинг ўнг қанотидаги қия очиқ эшикчадан ўтсам, атиргуллар ортидаги столда Алдар Холдор кигиздўппили қовунбош киши билан аймоқлашиб ўтириби. Дастурхонда ҳеч вақо йўқ.

Сопол терилган йўлакдан юрмай, тўртбурчак майдончадаги гулларни панараб, столга яқинроқ бордим. Стол ёнидаги каштан дарахтига суйканиб биқин қашлаётган жиккаккина ола мушук, қорамни илғабоқ, ўзини четга тортди.

Алдар Холдор теваракка сергак аланглаб, қани, нарсангизни бир кўрайлик-чи, деган эди, қовунбош киши, ташвишланманг, ҳаммаси асл мол, деб беастар чотонининг қўйнидан баҳмал ёнчигини олди, ичидаги сариқ тангаларни, узук, балдоқ, ойқошлиқ, билакузук сингари ярқироқ безакларни авайлаб столга тўқди. Алдар Холдор сариқ тангалардан бирини оғзининг четига тиқиб тишлаб қўргач, қайта жойига қўйиб, энди ёруғда камалакдек товланаётган шишиасимон тошчани томоша қилишга тутиңди.

– Олтинлар-ку ҳақиқийлиги билиниб турибди. Гимм... Манави олмосларга кафалот борми?

– Ие, мендан бирор марта панд егандек гапирасиз-а, – деб қошини биланглатди қовунбош киши.

– Хўйт, барига қанча сўрайсиз?

Тортишиб-тортишиб, савдони пиширишиди. Алдар Холдор уйга кириб кетиб, пича ҳаяллаб қолди. Қайтиб чиқиб, ўзимизнига ўхшамаган тулларни битта-битта санай-санай, қовунбошнинг қўлига тутқазди.

– Тутумингизга доим беш кетаман, Холдор оға, у ёқдан пул топиб-ла, бу ёқдан дарров мени чақирасиз, – пулни чўнтақка солиб, ихчам соқолини бармоқда пардозлаган бўлди қовунбош киши. – Сиздағанги донолар аз-азал жуда танқис.

– Бу алғов-далғов дунёда қофозга ишониб бўларканми, иним?

– Локигин, ортиқча камтарлик қилвора-сиз-да. Ҳеч бўлмаса, анави матасекилни ўйқотиб, ўртачароқ бир машина олволинг.

– Фимм... Чеккалаб топ, чеккага кўм, деган гап бежиз тўқилмаган. Ўзингни кўрсатишга берилдингми, теварагингда зориқсанлар кўпаяди, қариндошлар пат-парингни юлишга уринади, катталарнинг тамагирлиги ошади. Қолаверса, мени фалон жойда чалиб кетгансан деб юрган тұхматчилар йўқ ҳақини сўраб, тугалай ётишволовади.

Меҳмон шу жойнинг ўзида хайрлашиб, дарвозадан чиқиб кетганидан кейин Алдар Холдор столдаги безакларни дастурхон-пастурхони билан йиғишириб, уйга йўналди.

Писиб бориб, ўймачилар нақшлаб ясаган баланд-баланд устунули айвоннинг супасига сакраб чиқдим, секингина деразадан мўраладим. Алдар Холдор полдаги тукдор гилам устида турган пастак темир жавон қаршисида тиззалаб, эшигига ўрнатилган тилсимли гилдиракчаларни айлантира бошлади. Шунга ўхшашини дадамнинг дипломатида кўрувдим – гилдиракчалар айлантирилиб, тўртта катақдаги рақамлардан кераклилари териб чиқилса, қулф очилади.

Ана, қулф шиқ этиб, жавоннинг эшиги чертилди. Алдар Холдор бешикболишидан сал каттароқ чарм халтани ташқарига суғуриб, бўғзини очди-да, дастурхондаги ялтир-юлтириларнинг ҳаммасини унга тўкди.

Вой, алдоқчи-ей! Бу ёқда кўйча қовундек келадиган хазинани йиғиб қўйибди-ю, у ёқда ўзини камбағалликка солиб, хотиним билан қуруқ нон кавшаб ўтирибмиз, деб йиғламсирашига ўласанми!

Ола мушук мен томонга миёвлаб қарай-қарай, чарм халтани темир сандиқчага жойлаётган Алдар Холдорнинг оёғини нуқилай бошлади. Алдар Холдор, жим, Оламош, деб қўйиб, атрофга аланг-жалаң кўз югуртираётганида, иш пачава бўлишидан чўчиб, айвондан тушибоқ, кўча тарафга ўрмаладим. Столнинг тагидан ўтаётганимда, дастурхонга ўроғлиқ катта тоғора кўтарган лавоқюз хотин дарвоздадан кириб келаётгани кўринди, ўзимни яна гулларнинг панасиға олишдан бўлак иложим қолмади.

Лавоқюз хотин шундоққина ёнимга келиб тўхтади, қўлидаги тогорани столга кўйди, стуллардан бирига ўтириб, рўмолчада елтинишга тушди. Уйдан Оламошни эргаштириб чиқиб келган Алдар Холдор, ҳа, тўй тугадими, деб сўраб, нариги стулга ялпайди.

– Э, тўйга бормай мен ўлай! – деб жавранди хотин. – Шарманда бўлдим, шарманда!

– Нима гап?

– Анави раисингизнинг хотини билан битта дастурхонда ўтириб қолувдик. Бир ҳангомани айтиб бериб, ҳамманинг ичагини уздирди. Мен дессангиз, ер ёрилмади-ю, ерга кирмадим...

Уюшма раисининг тўйида хонадон бекаси казо-казоларга қарашли аёлларни алоҳида уйда меҳмон қилаётиб, Алдар Холдор боя унинг кўлига чиройли картон кутини тантанавор тарзда тутқазгани, бу чапчап луқумни энг азиз меҳмонларга қўярсиз, деб тайинлагани ёдига тушибди-ю, келинини чақириб, ўша тансиқ нарсани олиб келишни буюрибди. Картон кутини келтириб, дераза токчасида оча бошланган келин бирданига “Каламуууш!” деб бақириб юборибди. Қути деразадан ағнаб, гиламга энг олдин каламуш шалоплаб тушибди, кейин – шувоқлар.

Буни эшитиб, Алдар Холдор талвасаланганича ўрнидан сагчилади:

– Биламааан, биламааан, бу ишни душманларим ўюштирган! Изимдан пойлаб, пайимни қиркишга уринадиганлар кўпайиб кетяпти! Шунчалик кўпки, фимм... ҳозир бирортаси анави гулларнинг орасидан мўралаб турган бўлса, сира ҳайрон бўлмайман!

Юрагим така-пука уриб, баттардан биқиниб олдим.

– Айб ўзингизда! – деб дакки берди хотин. – Пул тогиши экан деб, қанча-қанча одамни ип бойламай ўйнатганингиздан кейин, ғаним кўпаяди-да. Яхшиямки, укам амалдор. У қўллаб турмаса, сизни аллақачон еб ташлашарди. Идорада тарвайиб ўтириш тугул, одамларгаям қўшилолмай қолардингиз.

Алдар Холдор ҳам бўш келмади:

– Укангаям, сенгаям жа осилволган жойим йўқ. Оиланинг аравасини эшакдек жишин тортиб келяпман. Ўрнимда бўлак одам бўлса, рўзгор ташвишларидан толиққанини пеш қилиб, ке, хотин, узугинг ўзингда турсаям, тилло балдоғингни сотиб тирикчиликка ишлатайлик, демасмиди?

– Ётишмаганингиз балдоғим қолувди, ўзи!

Хотинининг қаҳри ловуллаб, тогорани кўтартганича уй томонга йўналгач, Алдар Холдор ҳам ўзича ғудранган кўйи томорқага ўтиб кетди.

Оламош мен томонга хавотирли қиялаган эди, унга ёмонлик истамаслигимни англатиш учун самимий қиёфада қилпиллай бошладим. Мушук нима қилишини билмай, иккиланган алпоздза туриб қолди.

– Кўрқма, Оламош, шу пайтгача бирорни бекорга хафа қилмаганман, – дедим паст товушда.

– Росаям чиройли мушук экансан, ке, ўртоқ бўламиз.

– Ўртоқ бўлволиб, кейин нима қиласиз? – деб сўради мушук.

– Биргалашшиб қувлашмачоқ ўйнаймиз.

Софинганда бир-биримиздан хабар олиб турамиз.

Оламош анчадан бери ёлғизликдан зерикиб юрганми, бу уйдагилар мени ҳеч қаёққа чиқармайди, деб хўрсинган эди, ўша қилпанглашда ёнига бориб, унда ўзим кептуарман, дея биқинига биқинимни қададим. Ишқаланишим унга ёқинқираб, унақа бўлса, майли, деб ҳалимдай юмшади.

Мана, дўстларим яна биттага ошди. Бадфеъллиги жаддидан нуқул душман ортириб яшашни Алдар Холдорга ўхшаш нусхаларга қўйиб бераверинг.

Дарвозадан чиқиб, айрим жойлари ўйдим-чукур бўлиб кетган, Калтўпининг қоқ ўртасидан кесиб ўтувчи қўхна ўққўчанинг четида тўрт оёқлаб боравердим. Йўлнинг чатидаги ариқ ёқасида қаторлашиб ўсган тикқомат тераклар шабадада бир хил тебраниб кўркам рақс тушаётганини ўнг ёқдаги қарағайтан симёочлар ҳаваси тошиб-тошиб кузатаётгандек, яшноқ дарахтлик чоғларини эзгинланиб эслаетгандек эди. Ҳашарот овлашдан чарчаган қалдирфочлар электр симларига тизилиб, ким қаерларга боргани, нималарни кўргани тўғрисида бир-бирига гап бермай, бетўхтов ғужирлашиб турарди. Қанийди, ариқда чилдираб-чилдираб оқаётган сувларнинг тилини ҳам тушуна олсан.

Икки ёқдаги паст-баланд уйларнинг мўрисидан кўтарилаётган тутуну буғлар димоғимга турли таомлар исини келтириб урар, шавлами лағмон, шўрвами қўғирмоч, чучварами мошкичир, аталами палов бўлмасин, қай бири қайси хонадонда пиширилаётганини адашмай ажратиб бораётгандим. Шундан билингки, итликнинг ўзига хос томонлари кўп.

Ҳакиллаб-ҳакиллаб, охири гузарга етиб келдим. Қарасам, Партивой ошнам Момогул қандолатчиidan сўргилдириқ олиб турибди. Хўроқанднинг шафтоли шарбати шимитилган янгича бу турини Момогул қандолатчи ўзи ўйлаб топган; уни буюртма билан ясалиб, устига “Сўргилдириқ” деб ёзилган гулдор халтачага солиб сотади.

Ошнамга яқинлашиб, қалайсан, Партивой, деган эдим, бўғзимдан одатдаги вак-ваклар таралди.

– Вой! Бу тўлпоққина кучук кимники? – деб, менга чараклаб боқди Момогул қандолатчи.

– Билмадим, – деди Партивой.

Сўнг мўлтиллаб қараётганимдан эриб кетдими, сўргилдириқнинг бир четини тишида синдириб, менга туфлади. Жонажон ўртоғимнинг сўлагиям дори, деб шириналкни ўрнида шатиллатиб қўяқолдим.

Кундузи қўпчилик у-бу юмуш билан банд бўлгани учун чойхона айвонидаги сўрида уч-тўрттагина одам пиёла ўгириб ўтиради. Тўрига ёнбошлаб олган Тўлан тўлпоқ, ҳа, Маҳай, чойхонага бурилмай, фирмайиб ўтиб кетяпсан, яна омадинг чопмадими дейман, деб мазахомуз гап отган эди, “Самурай”ини қўлтиқлаб олган Маҳай хўrozбоз азадордек тундланиб, қаторасига иккинчи марта ютказди бу хумпар, уни бугуноқ димламага босаман, деганича йўлида давом этди. Тил тушунмас “Самурай” умри бугун поёнига етишини хаёлигаям келтирмай, эгасининг қўлтиғида парвосиз бораётганини кўриб, жигарим тўкилгудек бўлди.

Ортга қайта бошлаган Партивойнинг шимидан тортиб тегишқоқлик қилишга шайланаётганимда, ёнгинамга бир бужмоқ маҳси келиб тўхтади. Тепага қарасам, шалвироқ шим, қўшчўнтақли кител кийиб, бошига чўччайма дўпти қўндирган, эллик ёшлар чамасидаги ялпокбурун кимса устимда суюкланиб турибди.

– Келинг, – деди Момогул қандолатчи. – Пашмаклар бор, ҳолвалар бор.

– Шартта-шурттасини айтсам, менга ўзингиз керак бўлтурибсиз, Момогул биби, – деб чинғиллади ялпокбурун. – Ўн йилчадан бери сўқабошман, саккиз танобли алоҳида ҳовлим бор, топар-тутарим ёмонмас. Олдингиздан бир ўтиб қўяй дедим. Зора, юлдузимиз бир-бирига тўғри келиб, қўшалоқланиб кетсак.

Чойхона сўрисида гурунглашаётгандар туйкус жимиб қолиши; Тўлан тўлпоқ қўлидаги пиёлани дастурхонга қўйди; Қирон қассоб қайроқка птичоқ ишқаганича дўконидан зоғланиб чиқиб келди; сартарош Барака маракага қўшилиб, сочининг ярми қирилган Тоштўлат мерган ҳам деразадан ташқарига мўралади. Барчанинг кўзи Момогул қандолатчининг оғзига қадалди.

Ўттиз беш ёшларга бораётган Момогул қандолатчи – маҳалламиздаги биттаю битта қариқиз.

Эр танлайвериб безор қилгани учун ота-онаси унинг ишига аралашишни йифишириб, қизимизга уйланаман деганлар ўзи билан гаплашаверсин, дея эшикни тамбалаб олишганига анча бўлди. Шундан бери совчилар кўчадан келиб, кўчадан кетади. Бу одам совчиларнинг минг биринчиси бўлса, ажабмас.

Тошпўлат мерганнинг деразадан чиқиб турган совунали калласидаги оғиз қиттак тиржайиб, ялпокбурунга сўзлана бошлади:

– Сизни танигандек бўляпман, меҳмон.

Янгишмасам, шийдонтепалик Филмир зиқна деганлари ўzlари бўлсалар керак. Топдимми?

– Зиқна деганлари – туҳмат! – деб хурпайди совчи. – Худоёрхонларам молини сочса, менчалик сочгандир! Раҳматли хотиним тирик бўлганида айтарди: макарон иссиққа саккизтагача вермишелни санаб бериб, мастовага эллик олтига гуруч солдирадим. Агар ош қилса, гуручни аяб ўтирамай, шартта-шуртта уч юзтасини бервORGАН пайтларим бўлган! Ҳа, бўйнимга оламан, бирда-бир исрофгарчилик ҳам қиптурганимиз.

– Дунё дунё бўлиб, бунақа совурмачиликни ё кўрган, ё кўрмаган! – дея қиқирлади Барака марака.

Филмир зиқна қиқирлоқ сартарошга орқа ўғириб, Момогул қандолатчига хушомадли қарашибилди:

– Ҳўп десангиз, шартта-шуртта тўй қилиб, май-чай яшашни бошлардик.

Қирон қассоб пичноқ қайрашдан тўхтаб, “май-чай” деганингизни “бўккунча еймиз” деб фаҳмласак бўлаверадими, акахон, деб пичинг ташлаган эди, Филмир зиқна қўлидаги чит халтага ишоралаб, худога минг шуқрки, ейишишим жойида, мана, ҳозир ҳам бозордан ооолам-жаҳон харажат кўтариб келяпман, деб қўрсайди.

Момогул қандолатчи таъби сўймаган совчини калака қилиб, ҳолвайтар ялагандек роҳатланшини ҳамма яхши билади. Бу гал ҳам шундай бўлди:

– Ооолам-жаҳонмиш! Халта жонивор бўм-бўшга ўхшаб турибди-ку, тоғагинам.

– Нимага бўм-бўш бўларкан? – деб халтани титкилашни, ичидаги баъзи нарсаларни кўз-кўзлаб кўрсатишни бошлади Филмир зиқна.

– Мана, ҳафталик егуликнинг ҳаммаси дусам-баланиб ётиди.

Тўлан тўлпоқнинг луњжи ёйилди:

– Ҳех-ҳех-ҳе... Қани, қан!

– Манавиниси – битта қааатта пиёз! – мақтанишга тушди Филмир зиқна.

– Ўўў!!! – деб тасанноланди Момогул қандолатчи.

– Нақ тўрт дона редиска...

Бу сафар Момогул қандолатчига қўшилиб бошқалар ҳам тенгдан наъраланди:

– Ўўў!!!

– Учтacha картишка...

– Ўўў!!!

– Яримта импўрний карам...

– Ўўў!!!

– Иккитадан ортиқ сабзи...

– Ўўў!!!

– Салкам юз эллик грамм гўшт...

– Ўўў!!!

– Йигирма беш грамм думба ёғи...

– Ўўў!!!

– Қолаверса, уйга саримсоқ-паримсоқ, кўкат-пўкатлар экиб қўйганман.

– Ўўў!!!

– Нима “ўўў”? Битта жонга бундан ортиғи қоринни ёрвормайдими? Уйлансан, бошқа гап, харажатни шартта-шуртта икки баравар ошировишига қодир одамман!

– Ўўў!!! – наъра тортишда давом этди атрофдагилар.

Момогул қандолатчи майнавозлики авж пардага кўтарди:

– Тежамкорликни билмайдиган одамга ўхшаяпсиз-ку, тоғагинам. Бир кишига етган нарса икки кишигаям бемалол етади.

Филмир зиқнанинг кўзлари ҳаяжонли чақнади:

– Ва-ваҳ! Иқтисод бўйича пратессир бўлпкетинг-е!

– Иложи бўлса, кўпайтириш ўрнига, ҳозирги-синиям сал қисқартирган яхши.

– Ва-ваҳ! Нақ академик экансиз-ку! Шартта-шуртта тушундимки, сизни қўлдан чиқармаслигим керак, Момогул биби!


– Ўлдинг энди, Момогул! – деб қийқироқланди чойхоначи.

Момогул қандолатчи эса шаддодланишини қўймади:

– Зўргалатдан ўзимботини топганимда, унақа демай туринглар...

Момогул қандолатчининг бу янглиғ сичқон-мушук ўйини ранго-ранг ҳангомалар билан тугашига олдинлари неччи марта гувоҳ бўлганман. Томошанинг қаҳқаҳали якунини кутиб ўтирамай, уйимизга қараб юрдим.

(Давоми келгуси сонда.)



Мумтоҳ сўз мухоммид

Алишер Навоий, Заҳириддин Муҳаммад Бобур сингари улуғ шоирлар ижодини тўлароқ англашимизда нозиктаъб, синчи мутахассислар қўмагига эҳтиёж сезамиз. Филология фанлари доктори, профессор Нажмиддин Комилов ана шундай нигоҳи ўткир олимлардан эди. Домланинг суратлари ёрдамида сийратига назар ташлашга ҳаракат қиласмиз...

Академиста иш паллада бошланган яхши анъана бор. Ҳар бир ўқув юни дастлаб Ҳазрат Алишер Навоий номидаги Миллий бўзга, улуг атнодомиз ҳайкални пошида маънавият сабоги билан бошланади. Ҳар сафар яхши, домла она шу иш сабоқнинг бом маъруғатиси бўлар, ҳар сафар янги, озорли фикрлар айтишиб, айтганда ҳам эътирос билан, ёлқинланиб нутқ ѹордигилар. Наракат эндиғина тингловчилик мақомини олган шешиту ѹордигилар.

Шуҳрат Ризаев,
адабиётшунос



Муслиҳиддин
Муҳиддинов
билан. 1975 й.

Нанимиддин Комилов камтар, беғудор, содда, дунёвий, иложий билимларни түкүр эгаллаган, тарнитма масаввурлықтың төрөткөрүштөрдөн көрсөткөн. Устозларига оқылады, шөгіндердің оқынушыларының мурасынан ойнана алды.

Сайди Умиров,
профессор



Талаба дүстүрлөр билан. 1966 й.



Тилак Жұра билан. 1969 й.

Домлатың мүмкоз агадиң сөхисида, хүсусат, масаввур шимидиң түнделген күннөрдөн көрсөткөн. Нанимиддин ака масаввур шиминиң үзбек үкүвчилери үчүн шидимге солиб берди.

Улугбек Ҳамдам,
ёзуучи

Домла билан бир бор сүхбатлашкан одам Қадым Шарқнинг қандай дүйкөт мәннавиеттеге өзгөткөн түрлөрдөн көрсөткөн. Агер Шарқ даңышманың дүйкөт мәннавиеттеге өзгөткөн түрлөрдөн көрсөткөн. Агер масаввур комиллик төмөнкүлөөн дүйкөт мәннавиеттеге өзгөткөн түрлөрдөн көрсөткөн. Агер масаввур комиллик төмөнкүлөөн дүйкөт мәннавиеттеге өзгөткөн түрлөрдөн көрсөткөн.

Султомурад Олим,
адабиётшүнос



Үгли Феруз ва
набираси Жамол
билан. 1981 й.



Оила даврасыда. 1970 й.

Домла межнамадан қотмас, асло өзбекларини зөр көтказмас эдилар. Қатон қарашаның, ғоҳ машиңкада, ғоҳ күнде түннөрдөн ёзғаёткан ёки китоб үкүйтгап бүлардылар. Бирор ёкка, саир-пайрга тиқинш, бүндай дам олинг. Бирор ёкка, саир-пайрга тиқинш, ахир?! Үйк, қаёқда!.. Албантта, изланышлари бесамар көттеди. Күпкөн китобларга айланып, илмеварлар қалыптады. Күпкөн китобларга айланып, илмеварлар қалыптады. Таңынан көттеди. Таңынан көттеди. Таңынан көттеди.

Музаффара Жұракулова,
рафиқаси



1969 й.

Нанимиддин Комилов ишмий-инициативалықтардың мүзүм жүннелеш Шарқ ва Гарбнинг шыншылдашып алғылары тағылышына үйрек берди. Олардың айни шүннелештеги изгил изланышы олий борыш асноосыда көрсөткөн китоблары. Раридиддин Аттордан Волг Көширийгекте бүлгап мұтасаввирлар инициативадан үзбек тилига қылған тарнитамалары, бир қанта сүйрөнена ғазалларга ёзған шарқлары аллақаңын мұхлислар және шарқларының қозонған.

Акмал Сайдов,
профессор



Нанимиддин ака ҳүшреъл ва камтариин инсон эди. Илми шига урган, жиндай ҳаёлнараст, кўзларида ақл зиёси билан бир вакътда аллаҳандаи мунг живланиб турарди. Шеъриятни, айниҳса, мумтоз шеъриятни теран тушунтар ва ўзи кам яхшигина шоир эди. Ракам бўни пинҳон тутар эди.

Абдусалом Умаров,
профессор



У ўзини аямаициган юнкўяр илмий раҳбарлардан эди. Баъзан бирор ҳамкасоди ёки шогирди автoreferat ёки маколасини бир нағардан ўтказиш беринг, деб тумъказса, орадан кўп ўтмай қайтариш берарди. Сахифаларни кўздан кетирсангиз, қалам тезмаган юнма, кўрилмаган сўз, қолмаган бўларди. Ҳа, Нанимиддин Комилов ҳамкасоди шогирдлари учун бирдай фридоши, меҳрибон инсон эди.

Ҳамиджон Ҳомидий,
профессор



Устоз Нанимиддин Комилов доимо эзгулик ёғудусининг ошшомаси янглиг кун кетирди. Бутун олам меҳру муқаддатга шўрклиши, қалолардан нафрат, газаб ўтиши тарафдори бўлиб яшади. Бинобарин, барта тадқиқотларига ҳам шу ҳақда, шу хусусда ва шу тажрисига теран мушоқадаларини сингира олди.

Абдували Кутбиддин,
шоир

Устоз билан илк сукбатда баланд, тукур мавзулар ҳақида гап кетганида бироз тин олиб, кўзларини юмшилари, қоратиклари менага тортшиб кетишига гўвўқ бўлганман. Ушанда бу ҳаракатни, онда-сонда китобларда утрамиб қоладиганим, маъниси мен учун қорончи бўлган "ботинга назар солмоқ" деган тушуннага олиб бориб дозлагандим. Сукбатнинг юнусидан мутаассирликда бунга тинна-тин ишонган эдим. Бузун орадан анга вакът ўтиш, эсимни "танигандек" бўлиб, "ботинга назар солмоқ" бошқатароқ бўлишини билгандекман. Лекин негадир домла мудом ботинга назар солиб яшаб ўтганларига ишонтим камаймаган.

Санжар Назар,
адабиётшунос





Ойбек улуғ Навоийни бутун умри давомида тавоф этгани, унинг ўлмас сиймосини шоир ва адид сифатида ҳам, адабиётшунос олим сифатида яратгани, ҳалқ қалбидаги унга бўлган мухаббат туйгуларини ўзининг фараҳбахш ижодий меҳнати билан мавжлантириб юборгани учунгина эмас, балки ўзининг инсоний камолоти, руҳий гўзаллиги, хотамтойлиги ва ўта меҳнатсеварлиги билан ҳам бошқа барча ижодкорларга нисбатан “ўзбек шеъриятининг қуёши”га яқиндир.

**Наим
КАРИМОВ,**
филология
фанлари доктори,
профессор

Ҳаикал оғизда

Күйнаганди бин аср бўрчи
Ҳаик, ~~байончи~~, ишчим бу ишон
Ве юргон три ба ёрғи иш
Дуди билан шепарди ўз он.

Чизг балик кўйкали ишон
Ду ким ғадин кўйкарди баланд.
Надий ишм ғобосидайр,
Кўндо ишод, кўзларди ўйлан.

Ольвишданди ҳаикни бахшайёр,
— Ҳассаним, Навоий! — дейд. ён ав. юз
Ишон, арзур ғулсанг ифтобикон
Сўзиниң диграг, кўнишларда ён.

M. Ойбек
Гашекони

Шеър Алишер Навоий таваллудига 500 йил тўлиши муносабати билан ёзилган.
Қўлёзмада ўша давр имло қоидаларига амал қилинган.

Навоий ва шатранж



Носир МУҲАММАД

1946 йили туғилган. Тошкент давлат университети (ҳозирги ЎзМУ)нинг журналистика факультетини тамомлаган. “Салом, келажак”, “Баҳор таронаси”, “Ҳикматлар”, “Сумалакдан тош топдим”, “Насаф ва Кеш алломалари”, “Тафаккур учқунлари”, “Анқони маҳрам қилдингиз” каби китоблари чот этилган.

Aлишер Навоий серқирра истеъод соҳиби сифатида шатранж(шахмат)ни ҳам маҳорат билан ўйнаган, бу қадимий ўйиннинг назарий жиҳатларидан яхши хабардор бўлган. Замондошларининг хотиралари, шоирнинг турли мавзудаги асарларида келтирилган шатранжга оид мисоллар, шатранж муҳралари билан боғлиқ тимсоллар ана шундан далолат беради.

Шуни таъкидлаш жоизки, шатранжбозлик анъаналари юртимизда узоқ тарихга эга. Айниқса, Амир Темур даврида саройда ва юксак доираларда бу ўйин кенг урф бўлган. Соҳибқироннинг ўзи шатранжни маҳорат билан ўйнаган, унинг билимдонларини саройга таклиф этган. Бу ҳақда тарихчи Ибн Арабшоҳ шундай ёзади: “(Амир Темур) ўз фикрини пешлаш мақсадида муттасил шатранж ўйнарди. Унинг ҳиммати кичик шатранж (ўйнаш)дан олий бўлиб, катта шатранж ўйнарди. Бу шатранж тахтасининг эни ўн бир, бўйи ўн (хона)дан иборат эди... (Амир Темур) Самарқандга фақиҳ олимлардан мавлоно Абдумаликни олиб келган эди.

У “Ҳидоя” соҳиби(Бурҳониддин Марғиноний)нинг авлодидан бўлиб, мударрислик қилар, шатранж ва нард(ўйинлари)дан таълим берар эди, шеър ҳам ёзар эди... Шатранжчилардан яна Муҳаммад ибн Ақийл ал-Хайми ва Зайн ал-Яздий ва бошқалар бор эди. Шатранжчиларнинг алломаси – фикъчи, ҳадисшунос олим Алоуддин ат-Табризий эди. У Зайн ал-Яздийга ортиқча бир пиёда, Ибн Ақийлга эса ортиқча бир от қўяр эди ва улардан ғолиб чиқарди. Соҳибқирон Алоуддинга: “Мен жаҳондорлик бобида ягона бўлганим каби сен ҳам шатранж оламида тенги йўқсан”, дерди... Унинг ўйин пайтидаги сифатларидан бири шу эдики, ўйин вақтида у ҳеч ўйлаб ўтирмас, рақиби узоқ фикрлаб юриш қилганидан кейин шу заҳоти юриб қўярди. Бир вақтнинг ўзида у икки рақиб билан ғойибона ўйнар, тахтага қарамасдан ўз томонида қандай доналар ва рақиблари томонида қандай доналар борлигини биларди. У Амир Темур билан катта шатранжда ўйнар эди”.


Мазкур анъаналар Алишер Навоий ва темурий хўкмдор – Ҳусайн Бойқаро даврида ҳам давом эттирилди. Хуросонда, айниқса, Ҳиротда санъат ва маданиятнинг кўпгина соҳалари қатори бир қанча спорт турлари, хусусан, кураш ва шатранж катта равнақ топган эди. “Мажолис ун-нафоис” ва “Бобурнома”да бу ҳақда кўплаб гувохликлар бор. Масалан, Мир Муртоз деган шатранжбоз ақлни пешловчи бу ўйинга шу даражада ўч эканки, бир рақиби билан ўйнаётганида, иккинчиси кетиб қолмасин деб, унинг этагидан тутиб ўтирас экан. “... шатранжга андоғ мағлубдурким, бир ҳариф илгига тушса, халос бўла олмас. Бу жиҳатдин ҳарифлар андин қочарлар”, деб таърифлайди Навоий бу шахсни.

Захириддин Муҳаммад Бобур Зуннун Арғун деган шахс ҳақида маълумот беради. Навоийга замондош бўлган бу шахс ҳам шатранж усталаридан бўлган. “Шатранжга кўп машъуф эди. Эл бир илик ила ўйнаса, ул икки илик била ўйнар эди. Ҳар неча кўнгли тилар, ўйнар эди”, деб ёзади буюк бобомиз “Бобурнома”да.

Яна бир ашаддий шатранжбоз Камолиддин Биноий бўлган. Истеъдодли шоир, таржимон, мусиқашунос сифатида танилган бу шахс Навоий ҳомийлигига камол топган. Айни пайтда, Навоийнинг шатранждаги рақибларидан бири бўлган. “Мажолис ун-нафоис”да Навоий уни таърифлар экан, қобилиятли, ҳозиржавоб бўлиш билан бирга, қайсар, баҳс ва тортишувни яхши кўрадиган, гап келса, отасини ҳам аямайдиган шахс эканини таъкидлайди. Замондошлари шундай бир воқеани ёзib қолдирганлар: Навоий ва Биноий шатранж ўйнаётган экан. Навоий оёғини ёзиш учун узатганида ногаҳон Биноийнинг орқасига тегиб кетади. Шўхлиги тутган Навоий шундай дейди:

– Ҳиротда қаёққа оёқ узатсанг, албатта бир шоирнинг кетига тегади-да!

– Тўғри айтдингиз, ҳазрати олийлари, оёқни йигиб олсангиз ҳам шундай бўлади, – дейди ҳозиржавоблик билан Биноий.



Бу ҳикоят Ҳиротдаги ўша давр адабий муҳити ва Навоий давраси ҳақида бизга ёрқин тасаввур беради.

Шоир асарларида шатранж ва унинг муҳралари билан боғлиқ воқеалар ҳамда тимсоллар анчагина учрайди. “Фаройиб ус-сигар”да шундай байт мавжуд:

Шаҳ ёнин фарзин киби қажлар
мақом этмиши, не тонг,
Ростравлар арсадин гар тұтсалар
рухдек қироқ.

Яъни: шоҳнинг ёнида фарзин каби эгри йўлга юрувчилар тураркан, Руҳдек тўғри юрувчилар ҳамиша тахтанинг четида қолса ажаб эмас.

Шатранж қоидасига кўра фарзин шоҳ ёнида (ўша даврда у фақат эгри чизиқ бўйлаб юра олган), фақат тўғрига юра оладиган рух эса тахтанинг энг чеккасига жойлаштирилади. Муҳраларнинг бундай жойлашувини ҳаётга қиёслаган шоир эгриларни юксакликка кўтарган ва оқилларни, тўғриларни четта сурган жамиятни фош этади.

Яна ана шу девонда қуйидаги қитъани ўқиймиз:

Бу юрушда ики улогим бор,
Лек бормен сипоҳилиқда яёқ,

Ики шатранж отидек бириси
Кўтара олмай ўз еридан аёқ,

Чопса шатранж хонаси хатидин,
Секримаклик аларга беҳад шоқ,

Бири ранги қародурур, бири бўз,
Қаро ердур догою бўз туфроқ.

Тахтанинг бир четини
кўтариши билан
жангу жадалдан асар
ҳам қолмайди. Ўйинчи
мухраларни халтага
солиб, оғзини бойлайди.
Шоҳ қўйига, пиёда эса
юқорига чиқиб қолади.

Бу воқеабанд қитъадан кўринишича,
шоир юришлардан бирида шоҳга
ҳамроҳлик қилган. Аммо унга берилган
бири бўз ва бири қора от кўнгилдагидек
бўлмаган. Навоий бадиҳа тарзида бу
воқеани мутойиба қилган, отларни
шатранж муҳраларига қиёслаган.
“Иккита отим бўлса ҳам, яёв аскарман,
чунки отлардан бириси шатранж отидек
ердан оёқ узолмайди, иккаласи ҳам
шатранж тахтасидан четга чиққанда
сакролмайдиган муҳра – отларга
ўхшайди, бири қора ер-у, иккинчиси бўз
тупроқ”, дейди муболага билан шоир.

Навоийнинг кўпгина асарларида
шатранж билан боғлиқ парчалар,
ҳикоятлар, тимсоллар бор. “Садди
Искандарий” достонидаги бир парча
кўз ўнгингизда ўзингизга таниш
манзарани яратади. Тасаввур қилинг:
кичик фарзандингиз шахмат муҳралари
билан ўйнаяпти. У сизга тақлид қиласди.
Лекин муҳраларни тўғри теролмайди.
Пиёдан шоҳ ўрнига қўяди, филни эса
рух “айвон”ига теради. Тўғри юриш ва
муҳраларни олишни ҳам билмайди.
Аммо эрмак учун турли шўхликлар
қиласди. Мана, ана шу манзара:

Анингдекки, тифл истабон инбисот,
Чу шатранж ўйнарга ёйса бисот.

Не ўйнарини билса, не термагин,
Не олмогин билса, не бермагин.

Олиб қўйса байдакни шаҳ ёнида,
Яна пил қўйса рух айвонида...

“Лисон ут-тайр” достонида ҳам шатранжнинг
фалсафий моҳиятини очадиган ажойиб бир ҳикоят бор. У
шундай бошланади:

Икки шатранж ўйногучи устод,
Арсаи шатранжга айлаб қушод,

Икки жонибдин бўлуб оромгир,
Туттилар ўртада шатранжи кабир.

Ҳар тарафдин бир шаҳ ўлди ошкор,
Борча ойину сипоҳи шоҳвор...

Ҳикоят давомида шоир шатранж ўйинини ҳақиқий жангта
қиёслайди: икки рақиб шоҳ ўзининг сипоҳу пиёдаларини
ҳаёт-мамот жангига ташлайди. Сафларда фил, жирафа, рух
ва айиқлар бор. Уларнинг олдида эса пиёдалар жой олган. Бу
уруш анча давом этади. Жангнинг барча тартиб-қоидасига
риоя қилинади. Бири ўз сипоҳини қалъага беркитса, бошқаси
уни бузишга интилади. Бу ерда ҳам ҳақиқий жангдагидек
лашкар қисмлари – “буронгор”, “жуонгор”, “гул” ва
“ҳировул” бор. Лашкарбошининг ўғли(пиёда) ундан олдин
жангта киради, уруш майдонининг четига етгач, отасининг
ўринбосарига айланади (сипоҳ бўлади). Аммо шу пайт
ўйинчи ўйинни тўхтатишга қарор қиласди. Тахтанинг бир
четини кўтариши билан жангу жадалдан асар ҳам қолмайди.
Ўйинчи муҳраларни халтага солиб, оғзини бойлайди. Шоҳ
қўйига, пиёда эса юқорига чиқиб қолади. Энди бу халтани
ўйинчи истаса сувга, истаса ўтга ташлай олади.

Навоий фикрича, шатранж ҳаётнинг тимсолий
кўринишидир. Бу ердаги жангу жадаллар, ўзаро
дushmanлик, табақаланиш ҳам Холиқнинг бир амри билан
барҳам топлади. Ҳаётдан кўз юмгаңдан кейин шоҳ ҳам,
оддий одам ҳам баробар. Шоир бундан хулоса чиқаришга,
ўткинчи ҳаётда фақат эзгулик қилишга ундейди:

Чун ҳарита ичра боғланди бори,
Шаҳ қуидур ё пиёда юқори.

Ул ҳам истигнодин осоридуурур,
Балки ондин бир намудоридуурур.

Бас бу тамсиле сари наззора қил,
Асли истигнони юз минг мунча бил.

Чун бу маъни сори бўлдунг руҳшунос,
Барча ишни айлагил мундин қиёс.

Юқоридаги мисоллар шатранж Навоий ҳаётида
алоҳида ўрин тутганини, у шоирнинг дам олиш вақтларини
мароқли ўтказиш воситасигина бўлиб қолмай, балки унинг
фалсафий мушоҳадаларини чукурлаштиришга хизмат
қилганидан ҳам далолат беради.

Юрагинг сўзласа тилингдан аввал



Шоҳсанам НИШОНОВА

1995 йили туғилган.
Ўзбекистон давлат жаҳон
тиллари университетининг
халқаро журналистика
факультети талабаси.



Аббос РАҲИМ

1990 йили туғилган.
Қорақалпоқ давлат
университетини тутатган.

Истик

Шундай дўйстинг бўлса, қаерда юрма,
Борлигини доим ҳис қилиб турсанг.
Ва ё шундай севсанг, қайга юз бурма,
Фақат у кўринса, бир уни кўрсанг.

Бахтли сезар эдинг ўзингни буткул,
Тонглар отар эди сен учун маҳтал –
“Ватан нима?” десанг, оҳ, ёниб гул-гул
Юрагинг сўзласа тилингдан аввал...

Муз йўл

Қовогингдан қор ёгар яна,
Дейсан: ҳаво совуқ, йўллар муз.
Ҳар фаслга қиласан таъна,
Дунё сендан ўгиргандаи юз.

Қўй, нолима, муз йўл ҳам гаштли,
Табиатнинг кўйлаклари оқ.
Тангрим бизни муз йўлмас, асли
Муз диллардан асрасин кўпроқ...

Таскин

Томчи дийдорига етса боғ бўлар
Күёш тигларида кесилган ер ҳам.
Бир гапни ўйласам кўнглим тоз бўлар –
Бир осмон остида яшаймиз, эркам.

Сўзларинг яқиндир юрак созига,
Муносибсан, жоним, қалб эъзовизига,
Еттадик, деб куйма, кўнгил розига,
Бир осмон остида яшаймиз, эркам.

Армон кўчасига кирмаган кимлар,
Юрагим зарбини юлдузлар тинглар,
Кўз кўзга тушмаса ииглама тунлар,
Бир осмон остида яшаймиз, эркам.

Юрак анор каби қондир, эзилган,
Кўринмас.gov турар – йўллар тўсилган...
Булутлари ел бўйнига осилган
Бир осмон остида яшаймиз, эркам.

Расмларни Оловуудин Собир ўзми чизсан

**Аслиддин МУСТАФОЕВ**

1980 йили туғилган. Самарқанд давлат университетининг ўзбек филологияси факультетини тамомлаган. “Фанодаги чизик”, “Тегирмон”, “Йўловчи”, “Ҳасса” сингари ҳикоялари адабий нашрларда чоп этилган. “Истеъдод мактаби” республика ёш ижодкорлар семинари иштирокчиси (2011).

ЁНГОҚ излаб...

ҲИКОЯ

Кузда меҳнат таътилига чиқаман. Бизда ўн беш иш куни бу. Лекин ўзимнинг ҳисобимдан қўштириб, бир ой қилиб оламан. Бе-коргамас. Қишлоғимга бораман-да, акамга ёрдам бераман. Нима кўп, Форишда қишлоқ кўп. Ҳар қир ошганингда бир қишлоқ. Уларни оралаб ёнгоқ йигфамиз. Ростини айтсам, мен шу таътил вақти ёнгоқ йигфайман, менинг йигарим бошқа нарса.

Пари момо

– Ёнгоқ оляпсанми, болам, – дейди озфингина, ёнгоқ пўстини тозалаганидан қўллари қорайиб кетган момо менга дадил боқиб.

– Ҳа, – дейман жилмайиб. Буни менга акам ўргатган. Агар кулиб қарасам, сотармон тез эрир экан.

– Қанчадан оляпсан?

– Ҳар хил, олти минггача.

– Ҳмм, яхши оларкансан. Лекин мен ваъда қилиб қўйғанман.

– Закалат олмаганмисиз? – дейди акамнинг уртоги Содиқ ака (у киши мен билан машинасида ёнғоқ йифишга чиқади).

– Нима дейсан? – момо диққат билан тикилади.

– Учидан пул олмаганмисиз? – бош бармоғим билан күрсаткіч бармоғимни бир-бирига ишқалаб ишора қиласман.

– Йүқ, лекин лафз қилғанман.

– Ким билан? Мен танийманми?

– Қызыл “Дамас”да келадиган йигит бор-ку, оти нимайди, Лазизмиди?

– Ҳа, Лазиз, – дейман қулиб, – у киши акам бұлади. Ҳозир шаҳарға кеттән мәғиз топширгани. Шүнгә мен келдим.

– Алдама мени. Уят бұлади. Ёнғоқсиз қолсанғ ҳам ёлғон гапирма.

– Рост айтаяпман, момо, – ишонтиришга урина-ман. – “367” “Дамас” и бор. Қызил.

– Рақамини билмайман.

– Мен үхшамаяпманми акамга?

– Йүқ, у шилдіким эмас сенға үхшаб.

– Қанақа шилдікимлик қилдим, момо, – дейман жаҳлим чиққанини яшірмай.

– Лафз қилдим, деганимни әшитса, у аллақачон кеттән бұларди. Сен эса ҳали ҳам олдимдасан.

Әнди гапим ортиқча эканини тушунаман. Акамнинг ўзи келмаса, бу момодан ёнғоқ олиб бұлмайди.

– Телефон қилиб берайнини, гаплашасизми?

– дейди Содиқ ака ёнғоқдан умидини узгиси келмай. – Нархини келишгән бўлсаларинг олиб кетаверамиз-да. Барибир бир жойга боради ҳаммаси.

– Ҳаммамиз ҳам бир жойга борамиз, – дейди аччиқланиб момо.

– Испингиз нима, момо? – дейман гапидан завқланиб. – Үйга борганимда акамга айтаман, ўзи келиб олади.

– Ма, – дейди халатининг чўнтағидан уч-тўртта ёнғоқ чиқарип. – Аканғта берсанг, ўзи билади.

Ростдан ҳам, акам бу қишлоқдаги қайси ёнғоқни кўрсатсангиз эгасини, эгасини айтсангиз ёнғоғи қанақа эканини айтиб беради. Ахир, ўн йилдан бери шуғулланади бу иш билан.

– Майли, – дейман момо берган ёнғоқларни қисиб қўриб. – Оқ магизми?

– Сендан шаҳарнинг иси келяпти, – дейди момо саволимга жавоб бермай. – Қишлоқнинг боласи бўлганингда, қирс қилиб чаққан бўлардинг ҳозир. Қоҳати бу. Бу йил камроқ солди. Барибирам пўстлоғи юпқа.

Ишонмаганимдан қаттиқроқ қисиб кўраман яна. Ёрилган пўстлоқ ичидан тилладай оптоқ магиз кўринади.

– Шуни бизга сотинг, – дейман ичим қизиб. Ахир, бундай чиройли магизнинг нархини била-ман-да. – Акам айтганига беш юз қўшаман.

– Мени ким деб ўйляяпсан? – дейди момо ҳовлиси сари юриб. Кейин бир нима эсига тушгандек ортига қайтади. – Лазизга телефон қил. Аканг бўлса бир гаплашай.

Умидвор бўлиб акамнинг рақамларини тे-раман, овозини баландлатиб телефонни момога узатаман.

– Лазизмисан? – дейди момо у томонда жа-воб бўлгач. – Мана бу сенинг укангми?

– Ҳа, – дейди акам. – Пари момо сизмисиз?

– Ҳа, ўша момонгман.

– Укам бўлади шу бола, менга ёрдамлаша-япти. Ёнғоқни тозалаб бўлган бўлсангиз, момо, ундан бериб юбораверинг.

– Сен айтиб кетган пулга беш юз сўм қўшиб берармиш, ёнғоқни берсам, – дейди момо боши-ни эгиб, бир нуқтага тикилганча. – Сенга ёрдам берадиган бола шунақа бўлами?

– Бермаганингизга айтишган-да, момо. Ўзи яхши йигит, Самарқандда ишлайди.

– Қўй, болам, сенға лафз қилғанман. Кўзингни кўрмасам, барибир кўнглум хижил бўлавера-ди. Беролмайман.

– Майли, момо, индинга ўзим бораман...

– Негадир шу йигитни яхши кўраман, – дей-ди момо телефонни менга бераётib. – Пулида барака бор.

Акамга үхшамаганимдан уялиб кетаман.

Иззат

– Ориф ака борми? – дейман акам айтган кишининг уйини суриштириб топгач, йўқлаб борганимда уйидан чиққан қизга.

– Йўқ, – деб жавоб беради қиз.

Нигоҳларим қизни бошидан товонига қа-дар суратга олади. Қалдирғоч қанотларини-да йўлда қолдирувчи қошлар, қошдан-да тим қора кўзлар, силлиқ таралиб, битта қилиб ўрилган сочлар ва уларнинг барчасини мукаммал этиб, гўзал либосга ўралган қадду-қомат.

– Ёнғоқ бор деган экан, – дейди Содиқ ака, қиз савол назари билан қараб тургани учун ойдинлик киритади.

– Тўйга кетган эдилар. Қишлоқни айланиб, қайтишларингда сўраб ўтинглар, балки унгача келиб қоларлар.

– Онангиз ҳам йўқми? – дейман умид билан.

– У киши ҳам кетган эдилар тўйга. Уйда

бўлганларида ҳам сизга бенаф. Бизда савдони эркак киши қиласди.

- Унда акангизми ёки укангизними чақиринг.
- Акам ўқишида, укам эса дадам билан бирга.

Тўйда.

– Сиз ҳам бормабсиз–да, – дейман пичинг қилиб, – Ҳовлини, ана, – тилини чиқарип бизга қараబ ўтирган итта ишора қиласман, – олапар қўриқлаб турарди.

– Ҳали ҳам шундай бўлади, – дейди қиз киностоямни ҳавога совуриб.– Базмгача бораман–да.

– Унда бизга йўлбошчи бўлинг, Ориф ака баҳонасида тўй еб қайтардик.

– Баҳона қидирмай бораверинг. Бизнинг қишлоқдагилар тақлифномасиз ҳам киритаверади тўйхонага.

– Ёмон чиқди–ку бу қиз, – дейди Содиқ ака секин шивирлаб. – Гапдоноликни қўй, сўз тополмай қолмасингдан кетайлик.

– Шошманг, – дейман қўл силкиб қўйиб, кеинин қизга сўзланаман: – Тўғрику–я, лекин Ориф аканинг танишлари экан деб тўрга ўтказиб юборармиди дейман–да.

– Телефон қилиб айтиб қўяман, – дейди қиз ним табассум билан. – Боргунларингизча тўрдан жой ажратиб қўйишади. Аммо илик етмай қолса, ўпкаламай кетасиз–да.

– Ҳўп, – дейман Содиқ акага кетдикини деб ишора қилиб, – Илигимиз тўқ, иликка муҳтоҷлигимиз йўқ.

Қиз бир зум жимиб қолади. Машинамиз жойидан жилаётган пайтда чақиради:

- Ҳоё ака!

– Тўхтанг–чи, – дейман Содиқ акага. – Тинчлигими?

– Мен ҳазиллашдим, аммо ўзингиз биринчи бошладингиз...

Содиқ ака сигнал чалиб, газни босади. Мен эса хайрлашгандай қизга қўл силтаб қўяман.

– Қандай, – дейди Содиқ ака тўйхонани сўраб кетарканмиз, – ботлади–я?

- Маза қилдингизми?

- Ҳа–да.

- Энди унга нисбатан фикрингизни айтинг.

– Ташқаридан қарасанг, шаддод, бетгачопардек, лекин тўғри қилди. Сен билан лақиллашиб ўтирсинми...

– Тўғри қилмади, – дейман ичимда қизни оқласам–да. – Биз меҳмон эдик. Танимаган, билмаган одамига ҳам шундай гапирадими?

– Қанақа меҳмон?! – деб қизишиади Содиқ ака. – Биз клиентмиз. Сен ёнгоқقا эмас, ўзига харидор бўла бошладинг. Ўзинг айтганингдай

меҳмон бўлсанг, иззатингни билишинг керак эди. Энди нима деб ўзингни оқлайсан.

Сир бой бермаслик учун кифтимни қисаман.

ДАЛЛОЛ

Тўйхонадагилар сира қўйишимагач, ичкарига кирдик. Дастурхонга палов тортган чоғда бир киши келиб салом берди, кейин ўзини танишитириди.

– Исимм Ориф, сўраб келган экансизлар? – Юзига қараб асабийлашганини сезаман, лекин ўзини сипо тутишга уринади. – Мен бойвачча билан эдим. Кутиб ололмадим, узр.

– Бойваччангиз ким? – дейман ўзимни танишитириби.

– Ука, – дейди Ориф ака овқатга ишора қилиб. – Сизлар ҳам қишлоқнинг боласисизлар. Шу пайтгача қишлоқларингда бирортаси тўй–маъракасига официант олиб келганми?

– Йўқ, – деймиз Содиқ ака билан бир–бири мизга қараб.

– Бизнинг олифта укамиз эса шаҳардан олтта йигит олиб келибди. Нима эмиш, “Тўйимда ҳамма маза қилиб ўтирсин” эмиш. Тўйда куёвдан бошқаси хизмат қиласди, ўйнайди. Мана шу–да мазаси. Отаси ер бўлиб ўтирибди. Буни тушунмайди бойвачча куёв бола. “Сен билан елка тиради катта бўлган жўраларинг ўлганми?” дедим, охири жаҳлим чиқиб. “Кўтчилиги уйлангандা тўйига келолмаганман, хизмат қилмаганман. Улар ҳам қайтарса ким қиласди хизматни?” дейди ўзини оқламоқчи бўлиб. Шу ҳам гапми, укалар?! Тўғри, номус қилаётгандир, аммо сабаби бордирки, келолмагандир. Қолаверса, юзига соладиган номард бўлганида шу пайтгача номи чиқарди. Бир ҳафтадан бери қишлоқ шу ерда, ҳеч ким ўзини тортгани йўқ. Бугун бу шундай қилса, эртага яна битта аҳмок чиқади–да унга эргашадиган, “Тўй–маърака қилсан, официант олиб келаман”, деб элга эл бўлгиси келмайдиган. Одамнинг кимлигини билдирадиган шу тўй билан аза–ку, тўгрими? Маҳтумкули айтганмиди, “Маъракада ўтириб туришин кўринг”, деб? Узр, укалар, қизишиб кетдим. Сизлар овқатдан олаверинглар. Қоним қайнаб кетди–да. Охири чидолмаганимдан бўралатиб сўқдим. Ҳаққим бор–да, отаси билан амакиваччамиз. Анави хизматга келган йигитларга биттанг туриб хизмат қилмайсан, деб айтдим. “Меҳмондай ўтириб, еб–ичинглар. Кейин ўзим олиб бориб қўяман шаҳарга. Пулингниям бераман”, дедим, биттаси тараддулданиб турганди. Пул одамнинг оридан азизми?!



– Биз аслида сизни йўқлаб келганимиз, ёнғоқ ийғиб юрган эдик, – дейди Содик, ака муддаога кўчиб. – Уйингизни сўраган эдик, бу ёқдалиги нгизни айтишди.

– Мен бугун бўшамайман. Йигитлардан бирортасини қўшиб юбораман. Ёнғоқни кўринглар, кейин инсофга қараб нарх қўйиб олиб кетаверинглар. Мен Лазизни бугун кўрган эмасман, ўртамиздаги ёнғоқни пучга айлантирманглар.

Борлиғимни эгаллаб бораётган аллақандай ваҳм билан тўйхонадан чиқаман. Энди мен харидор эмас, акам ва Ориф ака ўртасидаги даллолман.

Мехрнинг акси

– Келинглар, келинглар! – очик чехра билан кутиб олади Мехригул опа (исмини кейинроқ билиб олганимиз).

– Ассалому алайкум, – дарвозадан ичкарига кириб салом бераман опага. – Ёнғоқ олиб юргандик.

– Яҳши-яҳши, – дейди опа, кейин уйи томонга қараб ўғлини чақиради. – Даврон, бу ёқға қара, болам. – Даврон чиқиб келгунича, бизни темир чорпояга таклиф қиласди. – Ҳаво ҳам исиб кетди. Ҳозир тарвуз сўйиб бераман. Бир салқинлаб олинилар.

– Опа, ташвишга қўямиз сизни, – дейман хижолат тортиб. – Биз қайтамиз. Ёнғонгиз бўлса кўрайлик.

– Хижолати борми? Мусоғир бўлсаларинг.

Мана, Давроним ҳам яқинда чет элдан келди. Босидан ўтказганларини айтса, йифлаб юборибман. Ҳамма ўзбек бўлолмайди экан. Бўлолмайди ҳам.

– Биз шу ернинг боласимиз, опа, – дейди Содик ака. – Лазизни танийсизми? Қизил “Дамас” и бор. Жойи келса, киракашлик қиласди. Мавсумида тарвуз-қовун сотади. Мана, энди ёнғоқ ийғияти. Бу укаси бўлади, – деб мени кўрсатади.

– Ёрдамга келган. Бирга юрибмиз.

– Тилла бола-да, – деб менга тикилади Мехригул опа. – Аканг кам бўлмасин, барака топсин. Менга кўп ёрдами теккан. Даврон четда, каттам Тошкентда. Набиралар билан қолган пайтларим қишлоққа йўли тушса, нимани илтимос қилсанмай ўқ демайди. Рўзгор-да, ҳали у, ҳали бу керак бўлиб туради. Туман марказига бориб-келишнинг ўзи бўлмайди. Шунаقا пайтлар “Ука, яна қачон келасиз, менга фалон нарса керак эди”, десам, айтган нарсамни олиб келиб бериб кетади. Барака топсин, илоҳим. Менда телефон номери ҳам бор. Давроним келгунча ҳам бир-икки телефон қилиб у-бу тайинлаганман. Энди айтай десам, ўғлим унамайди, ташвишга қўйманг, деб.

– Тўғри-да, – деб гапга қўшилади Даврон, – у кишининг ташвиши камми? Айтишга уялади одам. Ёзда келиб қолишиша, икки-учта қовун билан тарвуз ташлаб кетишаркан. – Хижолат тортасан киши.

Акам ҳақидаги илиқ сўзлардан тўлқинланиб кетаман.

Тарвузни еб бўлгач, дастурхонга дуо ўқиб, ўрнимиздан турдимиз. Шунда Даврон бир қоп ёнғоқни олиб чиқади. Чақиб кўрмоқчи бўлсан:

– Шартмас, – дейди Мехригул опа. – Бу акангга, дәжончилигимиздан.

– Акам олмайди, – дейман қатъий қилиб. – Феълини билсангиз керак, опа?

– Ўндан бўлса айтмайсизлар-да, – деб кулади опа. – Ўнг қўлинг берганини чап қўлинг билмасин дейди-ку.

– Сотсангиз олиб кетаман, бўлмаса қолади ёнғонгиз, – дейман нима дейишни билмай.

– Буни атаб олиб қўйгандим. Сотиладиганларини кейинроқ айтарман, сотадиган пайтимда. Ҳозир тулга заруратимиз йўқ.

– Битта иш қиласлик, – дейди Даврон. – Лазиз ака берганингиз билан барибир бир қоп ёнғоқни олмайди. Дуонгиз етади, деб кетаркан-ку. Шунинг учун ҳамма ёнғоқни олиб кетишсин. Сотиб, пулдан фойдаланиб туришсин. Бу ерда турганидан нима наф?!?

Менга яхши йўлдек туйилади бу иш. Лекин ёнгоқни олиб келганимни эшитган акам мендан ранжийди.

– Бекор қилибсан. Бир ойми, икки ойми ўтиб, ёнгоқнинг нархи ошса афсусланишади. Яхши иш бўлмабди.

Шундай деб Мехригул опага кўнгироқ қиласди:

– Ота, укам хато иш қилиб келибди. Пул керак бўлган вақти айтсангиз, ўша пайтдаги нарх билан бераман пулни. Агар нарх-наво ташласа, бугунги нарх билан. Бўлмаса, ёнғонгизни ололмайман...

Мехригул опа рози бўлгач, гўшакни қўяди.

– Ўша ёнгоқларни бир четга олиб қўй, – дейди акам.

– Нега?

– Менга омонат улар.

Ака

– Мен сенга нархини айтдим, ука, – дейди Шомир деган киши савдомиз келишавермагач. – Айтганимдан бир тийин ҳам тушмайман.

– Ака, сиз ҳам тушунинг, бир-икки сўм наф кўрайлик деб юрибмиз. Сизга дехқончилик-ку, бунчалик қаттиқ бўлманг-да.

– Сен олмасанг, бошқаси олади. Кунда нечта харидор келади. Яхши фойда қилишяптики, қишлоқма-қишлоқ юришибди.

– Тўгри, пулни пулга алмаштириб юриш учун чиқмайди ҳеч ким бозорга. Лекин сотармонда ҳам озгина хайр-барака бўлиши керак, ака. Инжилмай берсангиз, сотиб олган барака топади.

– Менам ёмон нарх айтмадим, ёнғонгим синовдан ўтган, ука.

– Пўчоқнинг ичida ҳаммаси. Биз Худога тавакkal қилиб оламиз. Мағзи яхши чиқса, баҳтилиз. Бўлмаса – пешона, пуч ёнгоқни қўлтиқлаб кетганимиз қолади.

– Менинг ёнғонгим пуч эмас.

– Бирор ишимиз Худога хуш келмаса, пучга айланади-да, ака. Мен айтган нархдан баланд сўраб келишса, бериб юбораверинг. Лекин сиз истаётган нарх ҳали йўқ. Балки кейинчалик бўлиб қолар, унгача кутсангиз, албатта.

– Майли, кимга тақдир қилган бўлса, ўша олади-да.

– Айтганингиздан қанча ўтиб берасиз. Мана, охирги марта сўрайин. Мол бозорига чиқсангиз, “Деворнинг ҳам кемтиги бор”, “Киндингингни ўзинг кесганмисан?” деган гаплари бўлади-ку, – кулиб қарайман Шомир акага. – Ана шундай сиз ҳам айтганингизга сотмай, бир нима ўтиб беринг.

– Бўлари шу.

– Майли унда. – Шомир аканинг хонадонидан ортимга қайта бошлайман. Шу пайт боғ томон бир аёлнинг шошиб келаётганига кўзим тушади. “Ёнғори бўлса, айтишга келаётгандир балки?” – ўзимча хаёлланиб юришдан тўхтайман. Аёл ҳансираганча яқин келиб:

– Ёнгоқ оляпсизми? – дейди.

– Ҳа, – дейман аёл томон юриб. – Қанча бор?

– Кўп эмас. Бор-у, ҳали тозалаб улгурмадим. Болам касалхонага тушиб қолди, ака, – аёл Шомир акага қараб қўяди-да, яна менга юзланади. – Ҳозир ўн-ўн беш килоча бор.

– Юринг, – дейман-да аёл келган боғ томон қадам босаман. – Шу томондан борамизми?

– Ҳа-ҳа, юраверинг.

– Болангга нима қилди? – жимгина қараб турган Шомир аканинг кўзида хавотир аксланади.

– Ҳали билмайман. Иситмаси тушмаяпти.

Анализ топширтириб, ётқизиб келдим, – деб аёл кўзига ёш олади.

– Ука, – дейди Шомир aka мени чақириб, – Боя ёнғонгимга қанча бераман дединг?

– Килосига олти минг уч юз.

– Ўша айтганингта олақол. Икки қопдаги эллик килодан ошса керак. Ўзимиз тортаверамиз. Ҳозир мана бу опангга уч юз минг бериб юбор. Қолганини ҳисоб-китоб қилаверамиз. Боласининг олдига кетаверсин. Ёнғони кейин келганингда оларсан. Унгача тозалаб қўйишади ҳаммасини.

Ҳозиргина бир тийин ҳам тушмайман, деб турган одамнинг бирдан ўзгариб қолишидан ҳайратланаман. Ёнгоқни тортиб олаётib сўрайман:

– Шомир aka, опа кимингиз бўлади?

– Синглим, – меҳр билан жавоб қайтаради Шомир aka. – Ўғли билан ёлғиз яшайди. Шу ердан уй солиб берганмиз.

Ўша аёл келгунича, тасаввуримда пўстлоғи оқ-у, мағзи қорайиб кетган ёнгоққа ўҳшатиб турганим Шомир aka тўғрисидаги фикрларим тубдан ўзгариб кетади.

“Ёнгоқ қирқ дардни қўзгайди, кўп еманглар”, дерди Иқбол момом. Таътил вақтим ниҳоялаб акам билан бозорга чиқдим. Одамларга: “Ёнгоқ олинг, есангиз қирқ дардни қўзгайди бу. Дард қўзғаса, давосини излайсиз”, дейман. Одамлар менга “жинними” дегандек қараб қўйишади. Акам эътирозли оҳангда:

– Шоир, пуч ёнгоқдай кўп шақиллама, – дейди. Сўнг “Келаси йил яна келасанми?” деб сўрайди.

– Келаман, – дейман беихтиёр.

Миңг қарғаға бир кесак

Мұхаммад Шариф Гулханийнинг “Зарбулмасал” и китобхонга беадад завқ беради. Асарда халқимизнинг теша тегмаган, күп маңын қатламли мақоллари, иборалари жамланиб, бамисоли күркем гулдастага айланган. Анвойи чечаклардан теріб, сизга ҳам илиндик. Ўқинг, уқинг!

Айрон талаб қилсанг,
челагингни яширма.

Бор мақтанса
топилур, йүқ
мақтанса чочулур.

Карнайчидан нима
кетар. Бир пуф.

Икки суюкли бир
күнгилга сиғмас.

Бош омон бўлса,
бўрка топилур.

Яхшилар топиб сўзлар,
ёмонлар қотиб сўзлар

Эрман ёғочини эгилгани – сингани, эр
йигитнинг уялгани – ўлгани.

Кўр тутганини
қўймас ва кар
эшитганини қўймас.

Сигир сув ичгунича,
бузоқ муз ялар.

Битар ишнинг қошифа
яхши келар бошифа.

Чўгни хор тутсанг,
кўзга тушар.

Қўйнидан тўқилса –
қўнжига.

Яхши билан юрдинг –
етдинг ниятга, ёмон
билан юрдинг –
қолдинг уятга.

Шайхнинг ҳунари
бўлмаса, хонақаҳи
танг.

От олсанг, уйинг
бирла кенгаш.

Қўчкор бўлар қўзининг пешонаси дўнг бўлур,
Оға бўлар йигитнинг пешонаси кенг бўлур.



Эгасини
сийласанг,
итига
сўнгак бер.

Эсинг борида этагингни ёп.

Уйда чакса
уни йўқ, том
бошида кўш
танур.

Чумчуқ семирса,
ботмон бўлурми?

Ола тўғоноқ олғур бўлса
ҳам, ахволи маълум.

Бемор тузалгуси келса,
табиб ўз оёғи билан келур.

Ола қўзанак ола бўлса ҳам,
арслон бўлмас.

Қизни ким суймас,
қимизни ким ичмас.

Ошиққан қиз эрга борса, ёрчимас.

Оёқ югуриги – ошқа,
офиз югуриги – бошқа.

Тошкент маданият коллежи
ўқитувчиси **Сарвар TOFAEB**
тайёрлади.



Инглиз романнавислари гарчи ижтимоий адолатсизлик ҳолатлари намоён бўлаётганини кўриб жуда қаттиқ норози бўлаётган бўлсалар-да, тартиб-қоидаларни, ахлоқни, урф-одатларни, ўз даврининг белгилаб қўйилган тартибларини ҳархолда ҳурмат қилишарди, улар бутун қалблари билан яшамоқнинг соз эканига ишонгандар, умум томонидан қабул қилинган қадриятларнинг мутлақо барқарор эканига имон келтирғандар ва воқеликни фожиий бир комедия тарзида киноя билан қабул қилмагандар...

Диккенса олижаноблик – олижаноблик, иллат – иллатдир. Ҳолбуки, ўз-ўзидан аёнки, бизларнинг ижтимоий арбобларимизни истисно қилганда, кўпчилик одамларда олижаноблик билан иллат бир-бирига киришиб кетган бўлади.

Диккенс инсоннинг маънавий қиёфасини кенг қўл ҳаракати билан чизади ва у яратган манзараларда жиндай бўлса-да санъатга даъвогарлик бўлганида, улар бизга қизил ранг буқага таъсир қилгандай таъсир қиласарди.

Умумий маданий савия роман ёзишни ўргата олмайди. Тор маънода олинган маърифат сўзи хаёлот қувватини ривожлантиришдан кўра бўғади...

Жон ГОЛСУОРСИ
(1867–1933)

Инглиз ёзувчisi ва драматурги. 1897 йили қисқа ҳикоялардан иборат илк китоби – “Тўйт шамолдан” (*From the Four Winds*) нашр этилган “Жоселин”, “Вилла Рубейн” романлари, “Адолат”, “Катта ўғил”, “Тўлин ой” каби пьесалар, “Оқ маймун”, “Кумуш қошиқ”, “Учрашувлар” каби ҳажвий асарлар ва бир неча ҳикоя тўпламлари муаллифи. “Форсайтлар ҳакида қиссалар” (*The Forsyte Saga*) турқумидаги асарлари машхур.

1932 йили адабиёт соҳасида Нобель мукофоти соҳиби бўлган.

Сўз туйғусини, нутқ оҳанглари ва рангларини шеър ўқиш ва яхши проза асарини мутолаа қилиш йўли билан одам ўзида ўстисра бўлади, аммо яхлит оладиган бўлсак, бу нарса кўпроқ түфма дидга ва мусиций туйғуга боғлиқ. Композиция иқтидори ҳам табиат томонидан берилади, ифоданинг теранлигига тўла равишда эришилади, уларни ташқаридан ўзлаштириб олиб бўлмайди, уларни фақат ривожлантириш мумкин...

Ўқиш ва ёзишни ўрганиб олгандан сўнг ёзувчи бошқалардан фақат бир нарсани – қандай ёзмаслик кераклигинигина ўрганмоги мумкин. Унинг ҳақиқий мураббийси – ҳаётнинг ўзиdir...

Зўрма-зўракилик чинакам поэзияни барбод қиласди, негаки, чинакам поэзия шоирнинг ўзига деярли боғлиқ бўлмаган ҳолда кайфиятдан ва туйғудан туғлади.

Тургенев тасвир санъатини бенуқсон ва бетакрор эгаллаган эди, у мавзуларни шу қадар чуқур ўйлаб чиқар ва ҳар томонлама пишиштар эдики, уларни тўғридан-тўғри қофозга кўчиравериш мумкин эди, ҳолбуки, у объектив воқеликка беписанд қарамасди, лекин шундай бўлса-да, унинг бадиий тафаккурини белгилайдиган нарса фактдан кўра кўпроқ кайфият воситалари бўларди...

Унинг ҳамма асарлари алланечук ҳазин бир завққа чулғанган. Одатда шоирона табиатга эга бўлган одам табиат билан юзма-юз тўқнашганда шундай ҳолатга тушади.

Ҳар қандай одамдан кўпроқ даражада Мопассан бизни

ортиқча китобларимизни ташлаб юборишга ўргатади. У ҳар қандай одамдан ортиқроқ даражада Флобернинг васиятига амал қилган эди: “Предметни бошқа предметлардан ажратиб турадиган муҳим фарқларини билиб олгунингизга қадар ва буни сўзларда ифодалай оладиган бўлгунча ўрганинг!”.

...Инглиз романи маънавий ва техник шогирдлик мактабини айнан Тургеневда ва Мопассанда ўтаган. Бунақа мактабни ҳар бир ёш ёзувчи у ёки бу кекса устанинг қўлида алланечук ички бир қардошликтининг даъватига кўра ўтайди.

Толстойнинг ижодий құдрати туфайли бу китоб (“Уруш ва тинчлик”)нинг ҳар саҳифаси ҳайрон қоларли даражада мазмундор ва ёзувчи муваффақиятининг сири ҳам шунда. Роман одатдаги асарлардан олти баробар каттароқ, лекин унинг бирор қисми чўзилиб кетмаган ва кишини толиқтирмайди, ёзувчи томонидан яратилган инсоний эҳтирослар манзараси, тарихий ҳодисалар, ижтимоий ҳаёт, майший турмуш манзаралари чиндан ҳам жуда улкан...

“Толстойнинг услуби” деган нарса, бу сўзининг тор маъносида олиб қарайдиган бўлсақ, ҳеч нарсаси билан ажралиб турмайди. Унинг ҳамма асарларида китобхонга гапини қандай айтиш ташвиши билан эмас, нимани айтиш ташвиши

*Ўқиш ва ёзишни
ўрганиб олгандан сўнг
ёзувчи бошқалардан
фақат бир нарсани
– қандай ёзмаслик
кераклигинигина
ўрганмоги мумкин. Унинг
ҳақиқий мураббийси –
ҳаётнинг ўзиdir...*

билан андармон бўлган санъаткор шахсининг муҳри яққол сезилиб туради...

Маҳоратта берилган сон-саноқсиз таърифлар бор. Уларнинг ёнига яна биттасини қўшиб, маҳорат – ёзувчининг ўзи билан китобхон орасидаги тўсиқни олиб ташлаш қобилиятидир, десак, унда улар ўртасида яқинлик вужудга келган ҳоллардагина маҳорат чўққилари забт этилади...

Толстой ўзининг ижодий майлларига ҳам, ислоҳотчилик майлларига ҳам бутун вужуди билан берилб кетади. Толстой ҳеч қачон сувни синаб кўрмоқ учун аввал бир оёғини, кейин иккинчи оёғини тиқиб кўриб, соҳилда туриб қолмайди, ҳолбуки, бу ҳозирги санъатнинг одатдаги заифлигига айланиб қолган. Ҳаётга ва маънога тўлиқ санъат санъаткор ўз мавзуига тўла-тўқис берилиб кетган ҳолдагина вужудга келади. Санъатдаги қолган нарса – ёзиш маҳорати борасидаги машқлардан ўзга нарса эмас...

Санъаткор бутун вужуди билан мавзуга берилиб кетган фурсатда унда қандай ифодаласам экан, деган масаладаги барча гумону шубҳалар тумандай тарқаб кетади – улар ўз-ўзидан ҳал бўлади ва, қарабсизки, дурдона асар яратилади...

Ғайришуурый тарзда түпланган тажриба ва таассуротлар захираси бўлмаса, қанчадан-қанча истеъодлар нобуд бўлиб кетади. Қанчадан-қанча ёзувчилар тегирмонда ҳеч вақо бўлмаса ҳам ёғ чиқаришга уриниб ётадилар...

Санъат асари табиат ва инсонни худди Европид драмалари ёхуд Тургенев романлари янглиг тасвирилаши мумкин, ёки бўлмаса, Андерсенning эртаклари ёхуд “Ёз тунидаги туш” каби фантастик характерга эга бўлиши мумкин. Бундай асарлар тўғрисида гапирганимизда, биз модани эсимиздан чиқарамиз.

Инсоннинг табиати шу даражада секин ўзгарадиган нарса бўладики, минг йил муқаддам ўтган нарса ҳам унинг учун куни кеча рўй бергандек кўринади. Шунинг учун китобхон Чосер замонида қандай бўлса, бугун ҳам худди шундай сюжет билан характерни талаб қиласаверади...

Айни чоғда, комил ишонч билан айтаманки, хозирги кунда бўтқа адабиёт деб атаса бўладиган, шаклийўқ, шаклсизликдан доимо лиқиллаб турадиган адабиёт асарлари ўттиз йилдан кейин хотираларда ҳеч қандай из қолдирмай ғойиб бўлиб кетади, ҳатто уларнинг номлари ҳам эсда қолмайди.

Китобларига қараб Дюманинг ўзининг алланечук фаразлари борми-йўқми – билиб бўлмайди, худди шунингдек, унда аввалдан пишиб қолган ўз қарашлари ёхуд бирор фалсафий тизими борми-йўқми – буни ҳам аниқлаш амримаҳол...

Учар этигимизни оёққа илайлиг-у, Дюмадан рус ёзувчиси, ҳар қандай замондошларимиздан кўра бизга замондошроқ бўлган Чеховга ўтайлик...

Менинг фикримча, сўнги йигирма йил мобайнида бир неча мамлакатда ёш ёзувчилар учун Чехов энг қудратли оҳанрабо бўлган эди. У жуда катта адаб эди, бироқ унинг таъсири кўпроқ заифлаштирувчи хусусиятта эга бўлди. Гап шундаки, унинг учун енгилдай бўлиб туйиладиган бир усул



билан ишламоқ табиий эди, аммо амалда текшириб кўрганда бу усул Farb ёзувчи-си учун жуда қийин бўлиб чиқди.

Кези келганда бир нарсани сўраб олай – сезганингиз борми – фожий воқеаларни тасвирилайдиган ёзувчилар одатда ўта соғлом одамлар бўлади. Руслар бу ҳисобга кирмайди, улар ҳамиша ўзлари ҳис қилиб турган нарсаларни тасвирилашади, бизга – Farb одамларига эса бошқача сифат хос: биз доимо ўз туйғуларимиз ва сезгиларимизга тескари борамиз. Биз агар ўзимизни ёмон ҳис қиласадиган бўлсақ, ижодда юморчи бўлиб оламиз ёки жилла бўлмаса, романтик бўламиз...

Биз ҳаммамиз лимузинлар ва самолётлар деган жойда ақлимиз шошиб қоладиган бўлиб қолдик. Романтик адабиётта машиналар сукилиб кириб олди – миянгда машина гувиллаб турса, қулоғингта най навоси кирмас экан.

Ҳеч қандай гап-сўзлар билан муаллифга ёки унинг китобига обрў ортириб бериб бўлмайди. Мен қўлимга қалам олгандан бери ўтган ўттиз йил мобайнида ўнлаб китоблар тўғрисида гап-сўзлар бўлган, уларни гўё мангур умр қўрадиган асарлар сифатида баҳолаб баҳс юритишган, бугун эса гўё у китоблар, умуман ҳеч қачон бўлмагандек, паққос унутиб юборилди.

Озод ШАРАФИДДИНОВ
таржималари асосида тайёрланди.

Ғайришуурый тарзда тўпланган тажриба ва таассуротлар захираси бўлмаса, қанчадан-қанча истеъодлар нобуд бўлиб кетади. Қанчадан-қанча ёзувчилар тегирмонда ҳеч вақо бўлмаса ҳам ёғ чиқаришга уриниб ётадилар...

Ижарага ота керак(мас)ми?

...Аёлнинг кўз ёшини кўриб ректорнинг ҳам кўнгли юмшади. Бўлмаса-ку, шунча вақт дарсларда қатнашмаган талабани ҳеч қачон ке-чирмаган бўларди. Муштипарнинг юракни эзиб юборувчи ҳасрату нолаларидан кейин факультет деканини койиди – талабасининг ҳолидан хабар олмаганим учун. Ахир бечора тўрт ойдан буён оғир аҳволда ётган бемор отасига қараш билан овора экан. Оиласи ҳам ночорлигини билишмабди. Муҳокамаю мунозара анча чўзилиб кетди. Йигит қайта-қайта тавба қилди. Онаизор йифисини тўхтатолмай ҳиқиллаб-ҳиқиллаб дуо қилган бўлди. Бу орада котиба қиз кириб ректорга қўшни вилоятдан келган бир киши учрашмоқчилигини ва бироз шошилаётганини айтди.

Ректор “Меҳмон кира-версин”, деб муҳокамага қисқа якун ясади.

Аёл ташқарига чиқиши билан меҳмон кирди. Ректорнинг шогирдларидан бўлган бу одам ичкари кирибоқ йигитга кўзи тушиб:

– Ие, Содик, сен ҳам шу ердамидинг? – деб сўради.

Талаба ярқ этиб меҳмонга қаради, саросимага тушиб ранги оқариб кетди. Нимадир демоқчи бўлди. Бироқ тили калимага келмади. Хиёл бош силкиб, шошганча чиқиб кетди.

Ректор салом-алиқдан кейин ҳайрон бўлиб сўради:

- Нима, сиз бу талаба йигитни танийсизми?
- Ҳа, тоғамнинг ўғли-ку!

– Шундайми? Тоғангиз тузукмилар, ишқилиб?

– Э, зўр. Тоғамни танийсиз, қўшма корхона директори.

– А-а?.. Ҳалиги чиқиб кетган аёл келиноЯингиз экан-да.

– Йўғ-э, у аёлни танимайман.

Ректор ҳайратдан қотиб қолди.

– Ахир, у аёл бир соатдан буён бечора боласининг оғир аҳволда ётган бемор отасига қараб, дарсларга келолмаганини, эри ўлиб ўлолмай, тузалиб тузалолмай бехуш ётганини, ўзи ҳам қийналиб адоп тамом бўлганини айтиб йиглади-ку!

– Йўғ-э!... Тоғам кеча Японияга учеб кетди. Хорижлик ҳамкорлар билан шартнома имзолаши керак экан. Бир айланиб келсин деб келиноЯимни ҳам олиб кетди.

Тезда йигитни ва аёлни топиб қайтариб келишга буйруқ бўлди. Йигитни “ёлланган она”си билан қаҳвахонада чақ-чақлашиб ўтирган еридан топишиди ва ҳар иккисини зингиллатиб институтга олиб келишди.

Жиддий суриштирув чоғида сир очилгач, аёл яна кўзига ёш олди. Йигитнинг илтимосини рад этолмаганини, кўнгли бўшлигини, вақтинча “она”си бўлиб туришга розилик бериб хато қилганини айтиб йиглади. Лекин бу гал йифиси ишончсироқ чиқди.

Талаба йигит эса тўқликка шўхлиги боис пешонаси деворга урилганини англади, энди ҳаммаси тамом бўлганини тушуниб, бутунлай бошини кўтаролмади.

Қизиги шундаки, бу ҳол биринчиси эмас экан. Муайян ҳақ эвазига “муштипар она”, “бечора ота” ролини ўйнайдиганлар, ўйнатадиганлар онда-сонда бўлса-да учраб тураркан.

Шундан кейин ҳангоматалаб талабалар ва ўқитувчилар орасида буюртмалар қабул қилинаётгани ҳақида ҳазиломуз эълонлар тарқалди: “вақтинчалик она” ҳар соати – 50 минг сўм”, “вақтинчалик ота” ҳар соати – 100 минг сўм”.



Ҳабиб Содик

